

শ্রী শ্রীগৌরগোবিন্দের

অষ্টকালীন

নিত্য লীলা

“হরে কৃষ্ণ হরে কৃষ্ণ কৃষ্ণ কৃষ্ণ হরে হরে ।

হরে রাম হরে রাম রাম রাম হরে হরে ॥”

সাধন আশ্রম

১৯নং শ্রীশঙ্কর চৌধুরী লেন, টাঙ্গা, কলিকাতা

হইতে প্রকাশিত ।

১৫৪
 Acc ২৩৪২৩
 ২৩/১০/০৬

সূচীপত্র।

সূচীপত্র	১০
প্রকাশকের নিবেদন	১০
সংশোধনী	১০
ব্রজধামপ্রাপ্ত সিদ্ধ মহাপুরুষ স্বরূপদাস বাবাজীর চিত্র	১/০
মহাত্মা ব্রজধামপ্রাপ্ত অটলবিহারী নন্দীর সংক্ষিপ্ত জীবনী	১১/০
নাম কীর্তন	১১/০
বন্দনা	১১/০
অবতরণিকা	১১/০
গৌরচন্দ্রিকা	১১/০
অষ্টকালীন প্রথম বিলাস—নিশান্তনীলা	১১/০
” দ্বিতীয় বিলাস—প্রভাত নীলা	২৫
” তৃতীয় বিলাস—পূর্বাঙ্ক নীলা	৭৩
” চতুর্থ বিলাস—মধ্যাহ্ন নীলা	৮৭
” পঞ্চম বিলাস—অপরাহ্ন নীলা	১৫৫
” ষষ্ঠ বিলাস—সায়ংকাল নীলা	১৬৬
” সপ্তম বিলাস—প্রদোষ নীলা	১৭৪
” অষ্টম বিলাস—নক্তকাল নীলা	১৮৬

Printed by RASICK LAL PAN,
 AT THE GOBARDHAN PRESS,
 209, Cornwallis Street, Calcutta.

প্রকাশকের নিবেদন ।

মহাত্মা অটলবিহারী নন্দী তাঁহার গুরুদেব ব্রজধামপ্রাপ্ত সিদ্ধ
মহাপুরুষ স্বরূপদাস বাবাজীর বর্ণিত এই “নিত্য লীলা” বা শ্রীশ্রীমোর-
গোবিন্দের অষ্টকালীন লীলাস্বরূপ পুস্তকখানি এবং “নিত্য রাস” (যাহ
ইতিপূর্বে প্রকাশিত হইয়াছে) এই দুইখানি পুস্তক আমাকে প্রকাশের
ভার দিয়া পাঠাইয়া দেন ; এই নিত্য লীলা খানি গণ্ডে গ্রথিত ছিল তাহা
পণ্ডে রূপান্তর করিয়া প্রকাশ করিতে আদেশ দেন ।

তাঁহার আদেশ মত পূর্বেই ‘নিত্যরাস’ প্রকাশ করিয়াছি এবং
এক্ষণে পণ্ডে রূপান্তর করিয়া ‘নিত্যলীলা’ প্রকাশিত হইল । ইহার
মুদ্রাক্ষণের খরচও মহাত্মা সংগ্রহ করিয়া আমায় পাঠাইয়াছিলেন ।

মহাত্মার ইচ্ছা ছিল—এই পুস্তকগুলি বৈষ্ণব সমাজে বিতরণ
করিবেন । বড় দুঃখের বিষয় মহাত্মা এই নিত্য লীলা মুদ্রাক্ষণ শেষ
দেখিয়া যাইতে পারেন নাই ; তবে তিনি দিব্য ধাম হইতে সকল
দেখিতেছেন । তাঁহার ইচ্ছা আমি যথাসাধ্য পূর্ণ করিতে চেষ্টা
করিতেছি ।

ক্রেটি ভ্রম প্রমাদের জন্ত গললগ্নীকৃতবাস ও কৃতাজলি হইয়া বৈষ্ণব ও
ভক্তপ্রবরদিগের শ্রীচরণে মার্জনা ভিক্ষা করিতেছি । ‘তরোরিব সহিষ্ণু’
মহাজনগণ দয়া করিয়া ক্ষমা করিবেন ।

সাধন আশ্রম, দোলপূর্ণিমা, ১৩৩১
১৯নং শ্রীশ চৌধুরী লেন,
টানা, কলিকাতা ।

ছোট বড় সকলের কৃপাভিধারী
দাসানুদাস—দাস—
শ্রীভাগবতচন্দ্র মিত্র ॥

সংশোধনী ।

এই পুস্তকে স্থলে স্থলে বর্ণান্তর দৃষ্ট হইতেছে । নিম্নে কয়েকটি সংশোধন করিয়া দেওয়া গেল ।

১ পৃষ্ঠায়	৬ লাইনে	৫ স্থলে	৬ হইবে ।
৪	১৫	ভূষিত	ভূষিত
৭	৭	ষাবাজী	বাবাজী
১০	১৩	ভিত্তিতে	ভিত্তিতে
২৩	১৭	তবে	তব
১৪	২১	স্থাসিত	স্থানিত
১৫	২	নাছি	নাহি
২০	৩	লইরে	লইয়ে
২২	১২	দ্বারেত	দ্বারেতে
৩১	১১	সিঙ্গন	সিঙ্গন
৬৫	১১	পকাম	পকাম
৭৩	৬	ভবোদয়	ভাবোদয়
৭৮	১৪	জাতীর	জাতীয়
৮৪	১৪	ঘামে	ঘাম
৮৮	১৮	ঝলেন	ঝুলেন
২৪	২২	তহে	তাই
২৬	৫	তখন	তখন
২৬	৫	আসিল	আসিয়া
১০৮	২১	বহ	বাহ
১২৭	৭	বসম	বসন
১৫৪	১—৮	উঠিয়া	যাইবে ।

ব্রজধাম প্রাপ্ত সিদ্ধ স্বরূপদাস বাবাজী ।



পুষ্পাঞ্জলি-পত্রী।

পরমারাধ্যা পূজনীয়া দেবীপ্রতিমা

শ্রীশ্রীমতী কুম্ভকুমারী মাতৃদেবী ঠাকুরাণী

শ্রীশ্রীকরপঙ্কজেষু—

মা,

আপনি অমর নিত্যলীলার চিরসঙ্গিনী, তাই আপনারই লীলাস্বাদ-সম্বলিতা এই “নিত্য লীলা” পুস্তিকাখানি আপনার শ্রীকরকমলের অরুণিমা-রঞ্জিতা হইয়া দীব্য শোভায় শোভান্বিতা হইবে—এই আশ্বাসে হৃদয় ভরিয়া আপনাদের শ্রীচরণের চির-ক্রীতদাস কম্পিতকরে স-কৃতাজলি হইয়া এখানি আপনার শ্রীকরসরোজে তুলিয়া দিতেছে আজ শ্রীশ্রীমহালক্ষ্মী শ্রীশ্রীবীণাপাণি দেবীর সম্পদ শোভায় অভিনব সাজে সাজিলেন। এই অপার্থিব দৃশ্য দর্শনে বিভোর হইয়া আমা-দিগকে আপনাদের শ্রীচরণধূলি-আশীর্বাদ মাখিয়া ধন্য হইবার অনুরূপিত দিন। আর, মা, প্রাণভরে ডাকিবার শক্তি দিন—‘জয় শ্রীগৌরগোবিন্দের জয়!’ ‘জয় শ্রীরাধাশ্যামের জয় !!’

ঢালা,

২৬শে ফাল্গুন, ১৩৩১।

আপনার শ্রীচরণধূল্যবলুষ্ঠিত

দাসানুদাস দাস

ভাগবত

ব্রজধাম প্রাপ্ত মহাত্মা অটলবিহারী নন্দীর

সংক্ষিপ্ত জীবনী ।

[১২৬৭ — ১৩৩০]

মহাত্মা অটল বিহারী নন্দী নদীয়া জেলার অন্তর্গত শ্রীপুর নামক গ্রামে সন ১২৬৭ সালে জন্মগ্রহণ করেন। তাহার পিতার নাম ৮অভয়া চরণ নন্দী ও মাতার নাম ৮বামানন্দরী ছিল। তাঁহারা জাতিতে তিগি। অটলবিহারী ছয় ভ্রাতার পঞ্চম ছিলেন। ১ম হারাধন, ২য় রাখালদাস ৩য় সাগরচন্দ্র, ৪র্থ হরিমোহন ও ৬ষ্ঠ যজ্ঞেশ্বর নন্দী; তাহার ভগ্নী ছিল না এবং তাঁহার জীবিতকালেই তাঁহার অণু পাঁচজন ভ্রাতাই পরলোক গমন করেন। অটলবিহারীর ১৫ বৎসর বয়সে শ্রীপুরেই অষ্টমবর্ষীয়া আমাদের পূজনীয় “শারী মা”র সহিত বিবাহ হয়। তাঁহাদের কোনও সন্তান সন্ততি হয় নাই। অটলবিহারীর ভ্রাতৃপুত্রেরা এক্ষণে শ্রীপুরে বাস করিতেছেন।

গ্রামে লেখাপড়া শিখিয়া অটলবিহারী রেল কার্য করেন। তিনি এই কার্যোপলক্ষে ২৫।২৬ বৎসরকাল ই, আই, রেল হার্টরস ষ্টেশনে সঙ্গীক বাস করেন। এই হার্টরস ষ্টেশনে থাকার সময় অটলবিহারীর বাঁকুড়া সোনামুখী নিবাসী সর্বজন পূজ্য পাগল বাবা হরনাথ বন্দ্যোপাধ্যায়ের সহিত প্রথম সাক্ষাৎ সৌভাগ্য ঘটে। পাগল বাবা সে সময়ে কাশ্মীর রাজার কার্য করিতেন ও তদুপলক্ষে এই হার্টরস ষ্টেশনে নামিয়া গাড়ী বদল করিতেন। দেশ হইতে কাশ্মীরে যাইবার ও আসিবার সময় অটলবিহারীর তাঁহার সহিত সাক্ষাৎ হইত। এই সাক্ষাতের ফলে তাঁহার জীবনে প্রেমভক্তির অভিনব স্রোত প্রবাহিত হয়।

স্মিতরূপ আশীর্ষা ঘটনায় অটলবিহারীর উপর পাগল বাবার দয়া হয়

বিক্রমে পাগল বাবা অটলবিহারীকে মহাপাপ পথ হইতে রক্ষা করেন, বিক্রমে এই অটলবিহারীই সর্বপ্রথম “পাগল হরনাথ” নাম দিয়া পাগল বাবার অপূৰ্ণ পত্রাবলী প্রকাশিত করায় সকলে পাগল বাবাকে জানিয়া ধম্ম হইয়াছে ও অটলবিহারী হরনাথ নিতাই-গৌর অবতারের হাপ্রভু ‘শ্রীঅদ্বৈত আখ্যা’ লাভ করিয়াছেন, বিক্রমে অটলবিহারীর নরপত্যদুঃখ নিবারণ করিয়া পাগল বাবা নিজ একমাত্র তনয়া রাধা-অংশ-সুতা ‘রাই’মাকে অটলবিহারী ও শারিমাকে দিয়া দিয়াছিলেন ও ঠাহারা তাহাকে নিজ তনয়া সদৃশ পরিপালন করিয়া বাৎসল্য সুখ অনুভব করিয়াছিলেন—এ সকল ও অগ্ৰাণ্ণ অনেক অলৌকিক ঘটনা পাগল বাবার জীবনীতে দ্রষ্টব্য, এই স্থলস্থানে তাহা বর্ণনাযোগ্য নহে।

পাগল বাবার তনয়াকে অটলবিহারী নিজ তনয়ার গ্ৰায় পালন করেন ও বিবাহাদি দেন, কিন্তু আবার তাঁহারই ইচ্ছায় সেই তনয়া মকালে নিত্যধামে চলিয়া গেলে, সস্ত্রীক অটলবিহারীর আর এক শিক্ষা হইল। অটলবিহারী চিরদিন হরিনাম করিতে ভাল বাসিতেন; পাগল বাবার সংস্পর্শে তাঁহার কসিত কাঞ্চন মন ক্রমে নিশ্চলজ্যোতি-বকীরণবারী হীরকথণ্ডে পরিণত হয়। তিনি বর্ষ হইতে অবসন্ন গ্রহণ করিয়া শ্রীমুন্দাবনে শ্রীকুম্ভ হরনাথ কুঞ্জে সস্ত্রীক বাণপ্রস্থ অবলম্বন করিয়া ব্রজধামে বাস করেন। শেষে দুইবৎসর ডোর কপীন বহির্বাস গ্রহণ করিয়া একেবারে তিস্তু সন্ন্যাসী পর্য্যন্ত হইলেন। এ সময়ে তাহার ঠাহারকে স্পর্শ পর্য্যন্ত করিতেন না।

অতি প্রত্যুষ হইতে বেলা ৯।১০টা পর্য্যন্ত তাঁহার নিত্য শ্রীমুন্দাবনের দেবালয় ও কুঞ্জে কুঞ্জে ঠাকুর দর্শন ও নাম গ্রহণ করিবার অভ্যাস ছিল; ক্রিয়ায়ও তাহাই, মধ্যাহ্নে ও বৈকালে সিদ্ধ বাবাজীগণের সহিত মিলিত হইয়া শ্রীমদ্ভাগবত শ্রীচৈতন্য চরিতামৃত আদি পাঠাস্বাদ করিতেন। শেষকালে দিবারাত্রির অধিকাংশ সময়ই কেবল হরি নাম করিতেন।

বন্দনা

ওঁ জয়ঃ শ্রীগুরবে নমঃ !

শ্রীশ্রীনিত্যানন্দ চৈতন্য চন্দ্রৌ জয়তঃ !!

শ্রীশ্রীরাধাকৃষ্ণাভ্যাম্ নমঃ !!!

বশেহ নস্তাদ্ভূতৈশ্বৰ্য্যং শ্রীচৈতন্য মহাপ্রভুং ।

নীচোহপি যৎপ্রসাদাৎ স্যাৎ ভক্তিশাস্ত্র প্রবর্তকঃ ॥ ১ ॥

ব্রহ্মানন্দং পরমসুখদং কেবলং জ্ঞানমূৰ্ত্তিঃ

দ্বন্দ্বাতীতং গগন সদৃশং তত্ত্বমশ্রাদি লক্ষ্যং ।

একং নিত্যং বিমলমমলং সৰ্ব্বদা সাক্ষীভূতং

ভাবাতীতং ত্রিগুণ রহিতং সদৃগুরুং তং নমামি ॥ ২ ॥

মধুরং মধুরং বপুরস্ত বিভো

মধুরং মধুরং বদনং মধুরং ।

মধুগন্ধি মৃদুশ্মিত মেতদহো

মধুরং মধুরং মধুরং মধুরং ॥ ৩ ॥

নাহং বিশ্ণো ন চ নরপতিনাপি বৈশ্ণো ন শূদ্রো

নাহং বর্ণী ন চ গৃহপতি ন বনোস্থ যতির্বা ।

কিন্তু শ্রোতু মিখিল পরমানন্দ পূর্ণামৃতাজে

গৌপীভর্তুঃ পদকমলয়োদাসদাসানুদাসঃ ॥ ৪ ॥

অহং হি নারায়ণ দাস দাস দাসস্ত দাসস্ত চ দাস দাসঃ ।

অন্যেভ্য ঈশো জগতাং নরাণাং তস্মাদহং ধন্যতরোশ্চি লোকে ॥ ৫ ॥

মজ্জননঃ ফলমিদং মধুকৈটভারে মৎপ্রার্থনীয়ো মদনুগ্রহ এব এব ।

তদ্ভূত্য পরিচারক ভূত্যভূত্যভূত্যস্ত ভূত্য ইতি মাং স্মর লোকনাথ ॥ ৬ ॥

নিত্য লীলা ।

—:0:—

অবতরণিকা ।

“শ্রীগোরাঙ্গ প্রভু মোরে যে বলান বাণী,

তাহা বিনা ভাল মন্দ কিছুই না জানি ।”

শ্রীশ্রীগোরাঙ্গমন্দের ও শ্রীশ্রীগোরাঙ্গমন্দের এককথায় শ্রীশ্রীগোরাঙ্গ গোবিন্দের অষ্টকালীন অর্থাৎ দৈনিক অষ্ট প্রহর ব্যাপী নানাবিধ লীলা স্মরণ করা ও ক্রমে সেই লীলার সাক্ষী হওয়া এবং অবশেষ সেই লীলার সাক্ষী হওয়া সাধন মার্গের সাধক দাস দাসীর ঐকান্তিক প্রয়োজনীয় কামনা ও সাধ্য সাধনা ।

এ বিষয়ে মহাজনদিগের বিস্তার বচন বর্ণনা ও গাঁথা দেখিতে পাওয়া যায় ; বস্তুতঃ ইহা লইয়াই মহাজন পদাবলী ।

“সাধন স্মরণ লীলা

ইহাতে না কর হেলা

কায় মনে করিয়া সুসার ।”

“সাধনে ভাবিব ষাহা

সিদ্ধদেহে পাব তাহা

রাগ পথের এই যে উপায় ।”

“মনের স্মরণ প্রাণ

মধুর মধুর ধাম

যুগল বিকাশ স্মৃতি সার ।

সাধ্য সাধন এই

ইহা পর আর নেই

এই তত্ত্ব সর্ব বিধি সার ।”

এই যে শ্রীগোরাঙ্গমন্দের ও শ্রীগোরাঙ্গমন্দের লীলা ইহা যে তাঁহাদের

নিজস্ব শ্রীচৈতন্যচরিতামৃত বা শ্রীমদ্ভাগবত উল্লিখিত লীলা ঠিক তাহা
নহে ; ইহা তাঁদের সেই নিত্য লীলা, যাহা

“ * * * অত্য়াপিও করে গৌর রায়,
কোন কোন ভাগ্যবানে দেখিবারে পায় ।”

কৈরপি প্রেমবৈবশ্যভাগ ভিত্তাগবতোত্তমৈঃ
অত্য়াপি দৃশ্যতে কৃষ্ণ ক্রীড়ন্ বৃন্দাবনাস্তরে ।”

ইহার মর্ম্ম এই যে সাধক সাধন রাজ্যে প্রকট সত্যের আকারে
শ্রীশ্রীনবদ্বীপধামে তাঁহার প্রাণের গৌর ভক্তবৃন্দকে লইয়া অথবা
শ্রীশ্রীবৃন্দাবনধামে রাধা শ্যাম সখা সখীগণকে লইয়া অনন্ত কাল ধরিয়া
যে সকল লীলা করিতেছেন, এ সেই নিত্য লীলা ।

“বয়স বিবিধেষু পি সর্ক ভক্তি রসাশ্রয়ঃ ।

ধম্মী কিশোর এবাত্র নিত্য লীলা বিলাসবান্ ॥”

এটি সেই অনন্ত নিত্য লীলার একটি আংশিক সামাগ্র দৈনিক
অনুভূতি বা অনুভূতির প্রচেষ্টা মাত্র ।

সাধকের হৃদয় নবদ্বীপে দাসীর চিত্ত বৃন্দাবনে এই নিত্য লীলার
বিলাস ক্ষেত্র ; বিবিধ বয়স সত্ত্বেও কিশোর বয়স লীলাই এ লীলার
প্রধান উপাদান ; এ লীলার সঙ্গী সমগ্র বৈষ্ণব সমাজ, তাই এ লীলার
নিতাই আছেন, অদ্বৈত আছেন, রূপ সনাতন রামানন্দ স্বরূপ গদাধর
সকলেই আছেন, শচী মাতা সীতা ঠাকুরানী লক্ষ্মী বিষ্ণুপ্রীয়া রাণী প্রভৃতি
আছেন ; সাধকের প্রাণের যে কোন দিনে এ লীলা অনুভূতি হয় ।

সাধন রাজ্যে একদিন অষ্ট প্রহরে আমার গৌরসুন্দর ও আমার
শ্যামসুন্দর যে অভিনব বিলাস লীলা খেলিতেছিলেন গুরুদেবীর উপদেশে
সাধক দাসী তাঁর বামে বসে তা দেখে আবার তাঁর আদেশে তাঁদের
সেবা শুশ্রূষা করতে পেয়ে সে লীলার সাক্ষী ও সঙ্গী হ’তে পেয়ে

কৃতকৃতার্থ হ'য়েছেন ; কবে নিত্যদাস হ'য়ে কুঞ্জদ্বারে স্থান পেয়ে
জীবজন্ম সফল করবেন এই তাঁর চিরস্তুন সাধনা ।

ভিন্ন ভিন্ন গুরুদেবীর উপদেশে ভিন্ন ভিন্ন সাধকদাসীর সাধনরাজ্যে
শ্রীগৌরসুন্দরের ও শ্রীশ্যামসুন্দরের ভিন্ন ভিন্ন লীলা দর্শন সৌভাগ্য হ'তে
পারে। কেহ হয় ত আমার নিমাইকে সন্ন্যাসী করে নীলাচলে রেখে
অহোরাত্র তাঁর দীব্যোন্মাদ প্রলাপ শুনতে ভালবাসবেন, হয়ত আমার
কানাইকে মাথুরের লীলা করাবেন বা দ্বারকায় রাজা ক'রে
বসাতে চাইবেন। তাঁদের অনন্ত লীলা অনন্ত ভক্ত হৃদয়ে অপার অনন্ত-
গুণে প্রতিভাসিত হ'ছে। এই সাধক দাসীটী তাঁদের অনন্ত নিত্যলীলার
মধ্যে একটি দিনের লীলামাধুর্যের এক কণিকামাত্র চয়ন ক'রে রেখে
গেলেন। বড় প্রিয় তাঁর নিমাইয়ের শ্রীধাম নবদ্বীপের সঙ্কীর্ণ লীলা,
তাঁর কানাইয়ের শ্রীধাম বৃন্দাবনের মধুর ব্রজলীলা ; তাই সেই অনন্ত
ভাণ্ডার সুবিশাল লীলা গ্রন্থের একটি মাত্র পৃষ্ঠা—তাই বা কেন বলি,
একটি পংক্তি বা অক্ষরও বোধ হয় এখানে বর্ণনা হ'ল কিনা বলতে
পারি না!



শ্রীশ্রীগৌরচন্দ্রিকা !

(১)

জয় জয় শ্রীগুরুর চরণ কমল ।
 যাহার স্মরণে নাশে সব অমঙ্গল !!
 জয় জয় গৌর নিত্যানন্দ জয়ধৈতচন্দ্র !
 গদাধর শ্রীবাসাদি গৌরভক্ত বৃন্দ !!
 জয় জয় রাধাকৃষ্ণ সর্বলোকনাথ !
 কাতরে করহ প্রভু শুভ দৃষ্টিপাত !!
 জয় জয় রাধাকৃষ্ণ গোপীগণ প্রাণ !
 আমারে করিলে কাষ্ঠ পাষণ সমান !!

(২)

শ্রীবাস প্রাক্ষণে গৌরকিশোর, নাচব পূরবভাবে হইয়া বিভোর ।
 নিতাই অধৈত দুই পছ' সঙ্গে, প্রিয় ভাগবতগণ গায়ব রঙ্গে ।
 ঝলমল উরে শোভে মালতীর মাল, সবহ' নরনে বহে প্রেমধারা জল ।
 কম্প পুলকাক্ষে প্রেমেতে বিভোল, কীর্তন তুমুল ধ্বনি পরম রসাল ।
 নরোত্তমগণ সবে কতদিন হাম, সে শোভা হেরব জুড়াব পরাণ ।
 কীর্তন অবশেষে করব বাতাস, দীন কৃষ্ণ দাস মাগে এই অভিলাষ ।

(৩)

পঁছমোর গৌরনিতাই সীতানাথ ।
 নিজগুণে কৃপা করি, তুয়াগুণ মাধুরী,
 দেখাও রাখিয়া নিজ সাথ ॥
 অদোষ দরশি পঁছ নিতাই অধৈত দুঁছ,
 নিবেদন করি মো হিতার্থে ।
 সব দোষের আকর, গুণলেশ নাহি মোর
 রাখ নরোত্তম গণ সাথে ॥

এ সবার সঙ্কেতে রহিয়া নিশান্ত কালেতে গিয়া
 দেখিব গৌরাঙ্গ রসালস ।
 বিভাব অনুভাব কত, হরষ বিষাদযুত,
 সভয় বচন মৃদুভাষ ॥

(৪)

এই কৃপা কর মোরে অধৈত নিতাই ।
 তোমা সহ শ্রীগৌরাঙ্গের সেবা যেন পাই ॥
 ভক্তসঙ্গে তোমার এ লীলা সূত্র যত,
 নরোত্তমগণে রহি দেখাও অবিরত ॥
 দাসগণ সহ তোমার সময় উচিত্তে ।
 সেবা করি স্মৃথ দিব এই মোর চিত্তে ॥
 এই লীলা সূত্রগান শতধারা রূপে ।
 এই কৃপা কর যেন দেখি নবদ্বীপে ॥
 যদি হই অপরাধী পতিত প্রধান ।
 তবু আশা হয় প্রভু শুনি তোমার নাম ॥
 দস্তে তুণ ধরি কহে দীন কৃষ্ণদাস ।
 পূর্ণ কর' প্রভু মোর অভিলাষ ॥

হরি হরি ঐছক কি হোয়ব আমার ।
সহচর সঙ্গে সঙ্গে পছ মোর গৌরাদে
হেরব নদীয়া বিহার ॥
স্বরধুনী তীরে নটবর পছ মোর
কীর্তন করব অভিলাষ ।
লোকিয়ে হাম নয়ন ভরি হেরব
পুরব চির অভিলাষ ॥
শ্রীবাস ভবনে যাব নিজগণ সঙ্গ হি
বৈঠব আপন স্ঠামে ।
ভাহিনে নিত্যানন্দবর, হেরব সে সূত্রধর,
পণ্ডিত গদাধর বামে ॥
তবে ত কে মোহে লই তাহা যায়ব
হেরব সো মুখচন্দ ।
পুলক হি সকল অঙ্গ পরিপুরব
পাওব প্রেম আনন্দ ॥
জননী সন্মোদনে যব ঘরে যাওব
করব হি ভোজন পান ।
এ রামানন্দ আনন্দে কি হেরব
সফল করব হু নয়ান ॥

নিত্য লীলা

[প্রভু নিদ্রিত]

নবদ্বীপ ধাম যাবে গঙ্গার তীরেতে
রহে শ্রীবাসের পুষ্পোদ্যান ।
অষ্টমণি অষ্টছাদে চৌয়ারি রচিত,
তিন প্রভু করে অবস্থান ।
পূর্বরাতে অভিনয়, করি, কত লীলা,
অভিসার মিলন কীর্তন,
তিন কক্ষে তিনপ্রভু স্বর্ণ পর্যঙ্কিতে
করেছেন এখন শয়ন ।
উষাগত, রাত্রিশেষ, কৌমুদী প্লাবিত,
বিকশিত সুরভি কুমুম,
ঝঙ্কারিলা অলিবুল, মলয় পুলকে
শাখে পাখী আরম্ভে কূজন ;
নিদ্রালস শ্রীগোরাঙ্গ, মানস মাতিল,
রাধাভাবে হইলেন ভোর ;
ভাবে, শুয়ে বৃন্দাবনে নিকুঞ্জ মন্দিরে
পার্শ্বে নাথ শ্রীনন্দকিশোর ।
উদিল কি মহাভাব, 'গর' 'গর' গরজন,
শ্রীনিতাই জাগেন সে রবে ;
জাগেন অদ্বৈত প্রভু স্বরূপ গৌসাই,
সচাকত কি সে রব ভাবে ।
উঠিলা সাধক দাস শ্রীচৈতন্য স্মরি,
কর মুখ করি প্রক্ষালন ।

নিত্যলীলা

রোমাঞ্চ পুলক অশ্রু, ফুটে দেহে ভাব,
হেরে সবে সার্থক জনম ।

[প্রভুর উত্থান]

মন্দিরেতে শুকশারী, স্বর্ণ পিঞ্জরেতে
ছিল তথা উঠিল জাগিয়া ;
স্বরূপ ইঙ্গিত করে, শুক কথা কয়,
শ্রীগোরাঙ্গে কহিছে ডাকিয়া,
“পতিতপাবন দেব, নবদ্বীপ-শশী,
উদিত অরুণ পূর্বভিতে,
বিপ্রগণ চলেছেন গঙ্গাস্নান তরে,
মুখরিত পথ নামগীতে ;
শচীমাতা না দেখিলে শয্যায় তোমায়,
হুঃখিত ভাবিবে মনে মনে ;
প্রিয়সখা নিত্যানন্দ অদ্বৈতাদি ভক্ত
হের দ্বারে ভূষিত নয়নে ;
‘উঠ’ ‘উঠ’ দেব, চল’ আনয়ে আপন,
উপস্থিত হ’য়েছে সময়,
ভক্তগণে সঙ্গে করি নিবারি উৎকণ্ঠা,
প্রবাহিত প্রভাত মলয় ।
শুনি’ সে মধুর বাণী শুকশারী গায়,
ভাবাবেশে ভাঙ্গে নিদ্রাঘোর,
‘কৃষ্ণ কৃষ্ণ’ নাম করি, ত্যজিয়া আলিস
উঠে প্রভু নদীয়া কিশোর ।

নিত্যলীলা

অঙ্গমোড়া জুতা দীর্ঘ করে করে ছাঁদি
 ধনুক টঙ্কার বোধ হয়, কক্ষ সুরভিত,
 কর্পূর সুগন্ধ ঘ্রাণে যেন মন্দাকিনী ;
 নয়ন কমলে অশ্রু বয় ; ভূমিতে নামান,
 সুবর্ণ সুমেরু হ'তে হরষ বিষাদে প্রভু বসি'
 শ্রীপদ পর্য্যঙ্ক হ'তে হেমকান্তি চৌদিকে ঝলসি ।
 শ্রীনিতাই শ্রীঅদ্বৈত স্বরূপ গোস্বামী
 ভক্তগণ পশে পরে পরে, গোস্বামী বুঝিয়া
 কৃষ্ণের নিশান্ত লীলা গান পদ সুললিত স্বরে ;
 বাসুদেব করতাল, গোবিন্দ মৃদঙ্গ,
 বাজাইয়া করেন কীর্তন, রাধাভাবে পুনঃ
 তাহা শুনি মহাপ্রভু আত্মহারা হলেন মগন ।
 প্রভুদয় ভক্তবৃন্দ, যে যে নিজভাবে,
 সিদ্ধদেহে শুনিছে কীর্তন ।
 শ্রীবাসের পুষ্পাট্যানে নিমিলিত আঁখি,
 শান্তস্থির পাসরে আপন ।
 স্বগৃহে প্রত্যাগমন ।]
 মহাপ্রভু ভাবাবেশে করেন হুঙ্কার,
 পাইলা চেতনা তাঁরা তবে,
 রাধাশ্যাম কুঞ্জ ভঙ্গ, শুকশারী গায়,
 সমতানে গাইছেন সবে ;

নিত্যলীলা

আনন্দে শুনে প্রভু,
শুনি পুন ভয়ের উদয় ;
হর্ব ও বিবাদে ক্রমে
বাহু পান, ভাব সম্বরয় ।
মঙ্গল আরতি গায়,
গঙ্গা হ'তে কমলসৌরভ
আসিছে, কুজিছে পাখী,
শুনে শান্ত পান বাহুভাব ।
সমাপিল কুঞ্জভাঙ্গা
ক্ষীরোদ সমুদ্র হ'তে যথা
পড়ে মীন পর্বতেতে
মহাপ্রভু ভাব হয় তথা ।
হ'য়ে রাধাভাবে ভোর
প্রভুদ্বর গৌসাইরে লয়ে
নিজ পুরে পশিলেন,
দেয় তারা পদ খোয়াইয়ে ।
পর্যঙ্কে শোয়ায়ে তাঁরে
স্ব স্ব গৃহে গেলেন সকলে,
শ্রীনিতাই শ্রীঅদ্বৈত,
গুরুপদে সেবিয়া বিরলে ।
নমিয়া নিমাই পদ,
সিদ্ধ বাবাজীর পদ ধরি,
গায় রাম মিত্র দাস,
দাস-দাস-দাস কবে হরি !
জটিলার কথা
মহাপ্রভু তার
নৃত্য নিমগন
হংস কলতান
সঙ্গীত লহরী,
খেদাশ্চিত ভয়ে,
পূর্বদ্বার দিয়া
রত্নবেদী'পর
শ্রীপদ সেবিয়া
সাধক শুইল
ভক্ত পারিষদ,
হব তব দাস

নিম্ন গীতা

২। শ্রী শ্রীশ্যাম সুন্দরের—

[গতরাত্রির লীলান্তে, নিকুঞ্জে শ্রীরাধাশ্যাম নিদ্রিত, শুক শারী
জাগরিত করিতেছে, জাগরণ, বেশরচনা, উত্থান,

গৃহে প্রত্যাগমন, বিদায় ।]

জয় জয় রাধাশ্যাম

ললিতা, বিশাখা,

বৃন্দা, সখী মঞ্জরীর বৃন্দ,

স্বরূপ যাবাজী সিদ্ধ

পদ কল্পতরু

ধরি' দাস আরম্ভে প্রবন্ধ ।

[রাধাশ্যাম নিদ্রিত]

যমুনার তটোপরি

বৃন্দাবন ধাম,

কল্পবৃক্ষ রয়েছে বিস্তৃত,

তলে তার অপরূপ

রত্নমন্দিরেতে

অষ্টদলে কমলে গঠিত ।

রত্নসিংহাসনোপরি

চতুঃশালা রাজে,

চারিবর্ণে চারিটা আলয়,

রাধাশ্যাম সখীসহ

পূর্বরাতে তথা

খেলেছেন অপূর্ব লীলায় ।

অভিমান, মান, ভিক্ষা,

বিরহ মিলন,

মধুপান, জলখেলা, আদি,

রাসের বিলাস কিবা

নর্তন কীর্তন

মাধুরীর না ছিল অবধি ।

এখন পশ্চিম দিকে

হেমাঙ্গুজ কুঞ্জে,

রত্নময় পর্যটক উপরি,

নিত্য লীলা

নিকুঞ্জের পাখীগণ

যদিও জাগ্রত

নিরব আছিল আত্মা তরে ;

হেরি তবে স্মরণয়,

বৃন্দা আত্মা দিলা

গান তারা ধরিল স্মরণে ।

“দ্রাক্ষা ডালে শারী, আর দাড়িধেতে কীর
কোকিল কোকিলা ডাকে তান্নবৃক্ষে স্থির,
পীলু বৃক্ষে কপোতে আর পিয়ালে ময়ূর,
লতায় ভ্রমরী গুঞ্জে ভূমে তাম্রচূড়,
ভ্রমরের শব্দ যেন মদনের শঙ্খ,
ভ্রমরী বাক্ত করে ঝিল্লির প্রবন্ধ,
কোকিলের গান যেন মনোমথের বাণী,
কোকিলার গীত যেন বিপক্ষীর ধ্বনি,
কন্দর্প ব্যাঘ্র রাজ কপোত ফুৎকার,
মানমৃগ মানমৃগী ভজে গোপীকার,
গোপীগণ ধৈর্যধর্ম চর্চা দূর করে,
ঐ ছণ মধুর ধ্বনি কপোত আচরে ।”

শ্রীরাধার ধৈর্যধার

কে চালাতে পারে

‘কে কা’ রবে ময়ূরী বলিছে ;

শ্রীকৃষ্ণ কেবল তিনি

অন্য কেহ নহে

ময়ূর তাহারে উত্তরিছে ।

শ্রীকৃষ্ণ যে মত্ত করী

কাহার শৃঙ্খলে

বশ হন ? জিজ্ঞাসে ময়ূর,

শ্রীরাধাই সে শৃঙ্খল,

আর কোথা আছে,

উত্তরিছে ময়ূরী মধুর ।

নিশার বিলাস ভ্রমে নিদ্রার বিঘোরে,
 • স্থলিত ক্রটিত অলঙ্কার,
 সাজসজ্জা বিগলিত বসন অলকা,
 বিন্দু টীপ তিলক রাধার ;
 আলু থালু কেশ বাস নিজ অঙ্গ হেরি
 ভূষা সাজ স্থলিত এমন,
 কহেন মিনতি করি জীবন বর্জভে,—
 ‘কর,’ প্রিয় বেশাদি রচন,
 দেখ’ কোন্ ভূষা কোথা গিয়াছে সরিয়া
 ঘুম ঘোরে ছিনু অচেতন ;
 সখিগণ বুঝিবে না, পরিহাস ক’রে
 কত কথা বলিবে তখন ;
 ঠিক করি দাও, নাথ, বেশভূষা বাস
 যেন খুত নাহি পায় তারা ।”
 চান তাই রসরাজ আশু আশুসারি’
 রচে কেশ হ’য়ে মাতোয়ারা ;
 হেরিছেন নটবর বেশের সামগ্রী
 কক্ষতলে রয় যথা তথা ;
 প্রিয়ারে হৃদয় হ’তে নামায়ে কেমনে
 আনে দ্রব্য সাজাইতে সেথা ।
 সাধক দাসীরা তবে মঞ্জরী ইঙ্গিতে
 আসি দ্রব্য জোগাইয়া দেয়,
 দাসীরে কৃতার্থ করি লন রসরাজ,
 কি স্বেশ মধুর রচয় !

শুক তবে কহে কৃষ্ণে— “ওহে রসরাজ !
 এ কেমন স্বভাব তোমার,
 প্রভাত আগত প্রায় তথাপি বিলাস
 বাসনা না কর পরিহার ;
 জাননা কি, হে নিলর্জ্জ রাই কষ্ট পাবে,
 রাধিকার গঞ্জনার ঘর ।”
 শুনিয়া এতেক বাক্য অতি ব্যস্ত হ’য়ে
 ত্যজে শয্যা উভয়ে তৎপর ।
 কিন্তু, আহা! ব্যস্ততায় বসন উভয়ে
 পরিবর্তে পরে উভে ভ্রমে ;
 নীলবাস নন্দলাল, পীত রাধিকার,
 পরিবর্তন কেহ নাহি জানে !
 রঙে রঙে মিশিয়াছে যেন শাঁকে দুধ
 রাধাশ্যাম হেন হইয়াছে ;
 দাসীগণ করে সেবা, ঋতুযোগ্য সবে,
 গান নৃত্য বাণ বাজাইছে ।
 ললিতাদি যুথমণি স্বর্ণ থালি লয়ে
 কর্পূর ঘূতের বাতি ধরি,
 প্রভাত-আরতি করে গাইছে প্রভাতি
 চৌদিকে মঞ্জরী সারি সারি ।
 নিকুঞ্জের বিহঙ্গম আজ্ঞা পেয়ে তবে
 সুললিত আরম্ভে কূজন,
 ররাব মন্দিরা সহ ভ্রমর বন্ধারে
 মৃগমৃগী ময়ূর নর্তন ।

যেন সবে একতানে গায় “জয় রাধে !

• জয় কৃষ্ণ জয় কৃষ্ণ রাধা !”

কৃষ্ণধন রাধিকার রাধিকা কৃষ্ণের

মন্তুকরী প্রেমডোরে বাঁধা ।

বলমল শোভমান আরতি আলোকে

স্বর্গ হ'তে দেব দেবী হেরে ;

ভিতরে বেদীতে কভু, কভু কুঞ্জ দ্বারে,

সুধা রবে প্রেমবন্তা করে ।

বিভোর সে সখীগণ হেরিয়া মাধুরী,

তিন ভাব হৃদয়ে উদয় ;

দর্শনে হরষ, কিন্তু বিবাদ বিরহে,

গুরুজন দেখে পাছে, ভয় ।

উদিত এ তিনভাব যুগল হৃদয়ে

সখীযুথে উঠে এইভাব,

তখন শ্রীবংশীধারী প্রিয়বামে করি,

করিছেন ধীরে কুঞ্জত্যাগ ।

[কুঞ্জ ভঙ্গ]

মঞ্জরী যাইয়া এক লইছে কুঙ্কম,

আঁচলেতে বাঁধিছে দর্পণে ;

শ্রীরূপ কঞ্চুলী ল'য়ে পর্য্যাক হইতে,

পরালেন রাধারে গোপনে

চর্কিত তাম্বুল বাঁটে শ্রীগুণ মঞ্জরী,
 সখীবর্গ খাইয়া বিহ্বল,
 স্বর্ণকটোরায় শেষ চন্দন লইয়ে
 মঞ্জনালী মাথালে সকল ।
 ছিন্নমতি মালা গাঁথে কস্তুরী মঞ্জরী,
 সিন্দূরের পাত্র কেহ লন,
 স-পিঞ্জর শুকশারী, ভৃঙ্গার, ডাবর,
 চামর বা লয় কোন জন ।
 অগ্রে শ্রীরাধা মাধব, পাছে সখীগণ,
 তার পাছে মঞ্জরীর দল,
 গুরুরূপা দেবী পরে, সাধক দাসীরা,
 যমুনায়ে চলেছে বিহ্বল ।
 বনতরু কুমুমিত, ভ্রমর গুঞ্জন,
 শিখি পিক উড়ে, উঠে, বসে,
 সুমধুর পাখী গায়, ফুলশোভা তীরে,
 যমুনার তটে সবে আসে ।
 চারিবর্গ পদ্ম সারি চৌবর্গ কুমুদ,
 শোভে কালিন্দীর কৃষ্ণ নীরে ;
 ফুটেছে নক্ষত্র মাঝে, মীনেরা তা' হেরি,
 খাওয়া ভাবি খেতে যায় ধীরে ।
 চক্রবাকু হংস আদি মৃগাল ভক্ষিছে,
 সঁতারিয়া খেলে জলোপরে ;
 তীরে তরু পুষ্পলতা যমুনার কলে
 কি সুন্দর প্রতিবিম্ব ধরে !
ওন!

নিত্য নীলা

দক্ষিণে বিশাখা রয়, বামে শ্রীললিতা,
 যেন তারা রক্ষে ভয় হ'তে,
 হরষ বিষাদভরে শ্রীরাধামাধব,
 সখী সহ চলে কোনমতে ।
 গুরুজন ভয় অগ্রে পাশ্বে জটিলার,
 চন্দ্রাবলী ভয় বামে রয়,
 পশ্চাতে বিরহ আছে, চৌদিকে উৎকণ্ঠা,
 কিশোর কিশোরী কত সয় ।
 শ্রীললিতা রাগে তাঁই, অরুণে কয়,
 হে অরুণ, তুমি অরুণ,
 পদশূন্য হ'য়ে তবু এত দ্রুতগতি,
 কার্য্য তব বড় নিদারুণ !

[বিদায়]

আসিল সকলে ক্রমে দোমন কাননে,
 উপস্থিত বিচ্ছেদ সময় ;
 শ্রাম যাবে নন্দীশ্বরে শ্রীরাধা যাবটে,
 শ্রীললিতা গদ গদ কয়,—
 “শ্রীরাধা সর্বস্বধন, হে ব্রজজীবন,
 প্রিয় সখী সমর্পেছে তাঁর
 সর্বস্ব তোমার করে, ভুলনাক' তাঁরে,
 তোমা ছাড়া নাহি কিছু আর ।”
 কিশোরীর অশ্রুপাত মুছি করে শ্রাম
 নিজ পট্টাঞ্চলে কহে তাঁর—

“জীবন সর্বস্ব তুমি, মোর প্রাণেশ্বরী,
 • দাস পদে, শোক না জুয়ায় ।
 দেখা হ’বে নন্দীশ্বরে পুনঃ তব সনে,
 আবার সরসি তটে যাব,
 অন্তরে বাহিরে সদা এ অষ্টপ্রহর,
 তব সনে অমুক্ষণ রব’ ।”
 শুনিয়া অমৃত বাণী আশ্বাস পাইয়া
 ধৈর্য্য ধরি’ দাঁড়াল’ কিশোরী,
 শ্রীকৃষ্ণ বিদায় লয়ে গেল নন্দালয়,
 হেরে ধনী অনিমিখে ফিরি ।
 মাধবও পশ্চাদ ফিরি ফেলিয়া নিশ্বাস,
 দেখিতে দেখিতে বারে বার,
 অদৃশ্য হলেন গিয়া ব্যাকুল হৃদয়ে
 পাবন সরের ধার ধার ।
 উত্তর খিড়কী দ্বারে পশি নিজ কক্ষে,
 পর্য্যঙ্কিতে হলেন শাসিত,
 এ দিকেতে কমলিনী কৃষ্ণ অদর্শনে
 বিরহেতে হলেন মুচ্ছিত ।
 ধরি সব সখীগণ প্রবেশে পুরেতে
 পূর্বের দক্ষিণ দ্বার দিয়া,
 খুলিয়া নূপুর রাখে, রত্ন চৌকি’ পরে
 নিজ কক্ষে সেবে বসাইয়া ।
 রাতুল চরণ যুগ প্রক্ষালি যতনে
 নিজ কেশে মুছাইয়া দিল,

দ্বিতীয় বিলাস সুধাধারা ।

প্রভাত-লীলা ।

[প্রভাতে—বেলা ৬টা হইতে ১০টা]

১ । শ্রী শ্রীগৌরসুন্দরের—

[মহাপ্রভুর আলয়ে ভক্তগণের আগমন । মহাপ্রভুর আশ্রয় বর্ণন ।

মহাপ্রভুকে জাগরিত করিতেছে । প্রাতঃকৃত্য । সজ্জা ।

নারায়ণ পূজা ! ভাগবত পাঠশ্রবণ । অন্তঃপুরে

রন্ধনাদি । নারায়ণ ভোগ আরতি ।

মহাপ্রভুর ভক্তবৃন্দ সহ প্রাতঃভোজন ।

ভোজনাশ্বে বিশ্রাম । যোগ-

পীঠে অধিষ্ঠান । যোগ-

পীঠে পূজা ।]

জয় জয় শ্রীগৌরসুন্দর,

শ্রীঅদ্বৈত নিত্যানন্দ,

গোসাঁই আদি জয় ভক্তবৃন্দ,

স্বরূপ বাবাজী গুরু

সিদ্ধ দাস কল্পতরু

প্রণমিয়া আরম্ভে প্রবন্ধ ।

[ভক্তগণের আগমন ।]

উঠিয়া সাধক দাস

শ্রীকৃষ্ণের নাম স্মরি'

প্রাতঃ কৃত্য করি সমাপন,

গঙ্গা স্নান করি আসি'

তিলক চিহ্নিলা কার,

শ্রীতুলসী করিলা সিঞ্চন ।

নিত্য নীলা

প্রদক্ষিণ করি পরে, গুরুর মন্দিরে আসি'
 পদ সেবি' ভাঙ্গে নিদ্রা তাঁর, °
 বাহিরে চৌকিতে বসে, সাধক আনিয়াছিল
 জল ঝারি দন্ত কাষ্ঠ আর ।
 সমাপিয়া বাহু কৃত্য যান তবে গঙ্গামানে,
 সাধক লয়েন বস্ত্র ঝারি ;
 করি স্নান, বস্ত্র পরি' করিতে করিতে স্তব,
 আসিলেন নিজ গৃহে ফিরি ।
 সাধক লইয়া সিদ্ধ বস্ত্র, ভঙ্গারেতে জল,
 আসি গৃহে চরণ ধোয়ান,
 ধরিয়া তিলক আদি বৃন্দাজীরে সিদ্ধি জল,
 গুরু মহাগুরু পাশে যান ।
 সকলে সমাপি কৃত্য, স্নানাহিক ক্রমে ক্রমে,
 শ্রীনিতাই মন্দিরে চলিলা,
 উঠিলেন শ্রীনিতাই, করিয়া হৃদ্যার তবে,
 প্রাতঃ কৃত্য তথা সমাপিলা ।
 বন্ধিমদেবের সেবা আঞ্জা দিয়া পারিষদে
 শ্রীস্বরূপ রামানন্দে লয়ে
 বক্রেস্বর আদি তারা দক্ষিণের দ্বার দিয়া
 পশিলেন মহাপ্রভু পুরে ।
 শ্রীঅদ্বৈত, শ্রীশ্রীবাস, অভিরাম ঠাকুরাদি,
 পূর্বদ্বারে আসিলেন তথা,
 গদাধর, নরহরি পশ্চিম দ্বার দিয়া
 প্রবেশিয়া আইলেন সেথা ।
 কহে

পূর্বচক প্রাক্‌নেতে সুবিস্তৃত বেদী'পর,
 মিতাই অষ্টৈত ভক্তগণ,
 যথাযোগ্য অনুসারে, পরম্পরে একে একে,
 করে দণ্ডবৎ আলিঙ্গন ।
 অত্যাচ্চ প্রাচীর ঘেরা চৌখণ্ড আলয় মাঝে
 ত্রিশ চক সুন্দর নির্মিত ;
 পূর্ব অগ্নি দক্ষিণার্দ্ধ লয়ে হয় এক খণ্ড,
 দশ চক তাহাতে বিস্তৃত ।
 দক্ষিণ নৈঋত আর পশ্চিমার্দ্ধ অষ্ট চকে
 দ্বিতীয়ের খণ্ড আলয়েতে,
 পশ্চিম উত্তর বায়ু চারি চক পরিপাটি
 বিনির্মিত তৃতীয় খণ্ডেতে ।
 উত্তর দিশান পূর্বে অষ্ট চক মিলাইয়া
 চতুর্থ সে খণ্ড অনুপম,
 চকে চকে নানাগার, শয়ন ভোজন কক্ষ,
 মন্দির বৈঠক অগণন ।
 পূর্ব-পশ্চিম পুরে এক পথ সুবিস্তৃত
 উত্তর-দক্ষিণে সেইরূপ ;
 বিচিত্র চিত্রিত সব, মণি মুক্তা প্রবালাদি,
 চারিদিকে শোভা অপরূপ ।
 স্বরূপ গৌসাই আদি ক্রমেতে সাধক দাস
 মহাপ্রভু শয়ন আগারে,
 প্রবেশি' সামগ্রি সব সাজাইছে বেদীপর,
 প্রাতঃ কৃত্য আদি করিবারে ।

গৌসাই থামায় গান, কহেন, 'শ্রীবাস-গেহে
 কীর্তনেতে নিদ্রা নাহি হয়,
 গত রাতে, তাই এবে স্থলিত বচন প্রভু ;'
 দন্তকাষ্ঠ ঈশান আনয় ।

(প্রাতঃকৃত্য ও বেশ রচনা)

ভাব গেলে মহাপ্রভু বসিলেন আসি চৌকে,
 করি' প্রাতঃ কৃত্য ধাবনাদি ;
 শ্রীনিতাই অদ্বৈতের আর আর ভক্তবৃন্দে,
 আলিঙ্গন দেন নিরবধি ।
 করে সবে দণ্ডবৎ, কার' শিরে দেন কর,
 কারে পদ স্পর্শ করে তিনি ;
 প্রভুব্রয়ে তারপর নারায়ণ গন্ধ তৈলে
 মর্দনিছে দাসগণ আনি ।
 গন্ধচূর্ণে তৈল তুলে, প্রাঙ্গন মার্জন করি,
 স্নান যোগ্য বসন লইয়া
 নীল, পীত, শুক্ল, চিত্র শৃঙ্গার বেদীর' পরে'
 চতুঃ শমে রাখেন রচিয়া ।
 বিবিধ পুষ্পের মালা শ্রীগঙ্গাপূজার গাঁথি,
 উত্তর দ্বারেত বাহিরিয়া
 কভু উত্তরের ঘাটে ; কভু দক্ষিণেতে নামি,
 স্নান করে জলেতে খেলিয়া ।
 স্নানান্তে উঠেন তীরে, দাসগণ মুছাইলে,
 শুষ্ক বাস করি' পরিধান

নিত্য লীলা

তিলক রচিয়া চাকু শ্রীগঙ্গার মৃত্তিকায়,
করে গঙ্গা পূজার বিধান ।
শ্রীকৃষ্ণের নাম গান স্তবাদি করিয়া সবে,
আসে ক্রমে নিজগৃহে ফরি,
প্রভুদয়-শ্রীচরণ ধোত করে উল্লগণ,
বসে শৃঙ্গারের বেদী'পরি ।
শ্রীগৌর আদেশে পূজে গদাধর নারায়ণে,
দাস মালা চন্দন যোগায় ;
বেঠন করিয়া তবে প্রভুদয়ে সযতনে
হেথা সব ভক্তেরা সাজায় ।
শুকায় অগুরু ধূমে কেশ, আমলকী দিয়া
মার্জিত করিয়া গন্ধ দেয়,
মুক্তাদামে চূড়া বাধে, মতির খোপনা ঝোলে,
কাটি সিঁথি সাজায় মুক্তায় ।
কর্ণেতে কুণ্ডল মণি, উর্দ্ধপুণ্ড্র, পত্রাবলী,
শোভে ভালে, নাসায় তিলক ;
কণ্ঠে স্বর্ণ, মণিহার বক্ষে, হস্তে বাজুবন্ধ,
রত্নাসুরী, নাসাগ্রে নোলক ।
কাটিতে ঘণ্টিকা ক্ষুদ্র চরণে নূপুর রাজে,
গলে লগ্ন যজ্ঞ উপবীত,
উত্তরীয় জজ্বাবধি, রহিয়াছে লম্বমান,
প্রভুদয়ও সাজে যথারীত ।
হরিমন্দির-তিলক করিতবে ভক্তবৃন্দ,
তিনপ্রভু আরতি করিছে ;

দর্পণে শ্রীমহাপ্রভু হেরি নিজ মুখ-ইন্দু
 'রাধাভাবে আবিষ্ট হইছে ।
 স্বরূপ গোসাই হেরি' বসিয়া বৈঠকে গান
 রাধাকৃষ্ণ শৃঙ্গার সাজন,
 নিজ নিজ ভাবে ভোর, সিদ্ধদেহে স্থির হ'য়ে
 হ'ন ভক্তগণ নিমগন ।

(পূজা ও পাঠ ।)

নারায়ণে ভোগ দিলে গদাধর সুপণ্ডিত,
 ঈশান ডাকিছে প্রভুবরে,
 শচীমাতা ডাকিছেন, অমনি সধরি' ভাব,
 তুলসী সিঙ্গন আদি করে ।
 নারায়ণ আরত্রিক দেখিয়া প্রসাদীমালা,
 পরেন নমেন নারায়ণ,
 জনযোগ করি আসি' ভাগবত-গৃহে বসি
 গ্রন্থপাঠ করেন শ্রবণ ।
 শেষামৃত ভুঞ্জি ভক্ত আসি তথা বসিলেন,
 দাস করে গৃহাদি মার্জন,
 ভাণ্ডারে রাখিয়া পাত্র আসি তথা পাঠ শুনে,
 গদাধর করিছে পঠন ।
 নিত্যানন্দ দক্ষিণেতে, বামেতে অদ্বৈতপ্রভু,
 সনাতন তার বামে বসে,
 শ্রীরূপ স্বরূপ আদি সন্মুখেতে গদাধর,
 দাস আদি পিছনেতে শেষে,

[প্রাতঃভোজন]

বাৎসল্যে শ্রীশচীদেবী ডাকিলেন সবাকায়,
 বেলা হ'ল খাবে না এখন ?

কভু কৃষ্ণ ভাবাবেশে কভু রাধা ভাবে গৌর
 আসি নিত্য করেন ভোজন ।

দক্ষিণে নিতাই, বামে অদ্বৈত শ্রীবাস আদি
 গদাধর ভক্ত বৃন্দ বসে,
 এক পংক্তি ব্রাহ্মণেরা, এক পংক্তি অন্ত ভক্ত,
 পদ্মাবতী আদি পরিবেশে ।

ঘুতান্ন, সুকতা, শাক, ডাল, ভাজা, ঝাল, তন্ন,
 দধি, সর, পরমান্ন আর,
 পুরী, পুলী, মগুা, চুর, কাসন্দি, আমের সত্ব,
 মোরঝা, পিষ্টক মিষ্টতার ।

চব্য, চোষ্য লেহ, পেয়, পনস কদলী আম,
 নানা ফল, সরস ভোজন,
 রাধা সম সখীসনে ভোজনেতে ভাবাবিষ্ট,
 মহাপ্রভু সহ ভক্তগণ ।

মন্দ মন্দ খান হেরি' মহাপ্রভু ভক্ত বৃন্দ,
 শচীমাতা স্নেহ ভরে কয়,—
 'নিমাই, নিতাই বাপ, রুচি ক'রে খাও আরও
 অন্নাহারে পুষ্টি কিরে হয় ?'

মাতাকে করিতে সখী, চেতিয়া তাহারা সবে
 ইচ্ছামত খান অতঃপর ;

আচমন করি প্রভু শয়ন মন্দিরে যান,
 বসিলেন পালঙ্ক উপর ।
 দাসেরা তাশুল দেয়, ঈশানাদি খায় শেষে,
 পরে অন্তঃপুর দেবীগণ ;
 প্রভুর অধরামৃত স্বরূপাদি গুরু বর্গ
 খেয়ে পাছে করে আগমন ।
 প্রসাদ ধরিয়া পার্শ্বে সাধক মার্জ্জিল ঘর,
 আসি করে বীজন সেবন,
 নিতাই দক্ষিণ ঘরে, উত্তরে অর্ধেত প্রভু,
 বারাণ্ডায় রন ভক্তগণ,
 বিশ্রামান্তে পদ সেবি' জাগায় সাধক দাস,
 তিন প্রভু যান বেদী' পর,
 ঈশানে কদলীমূলে কূর্মা'কার যোগপীঠে,
 অষ্টমণি মন্দির ভিতর ।
 তরুলতা পুষ্প শোভে সৌরভ গুঞ্জনময়,
 ভাবাবেশে বসেন তথায়,
 ক্রমে ক্রমে তিন প্রভু রাধা কৃষ্ণ লীলা স্মরে,
 স্বরূপ বৃত্তিয়া ভাব, গায় ।
 নন্দীশ্বর পর্বতেতে কুঞ্জের মিলন লীলা,
 করালেন প্রভুকে শ্রবণ,
 মহাপ্রভু মহোল্লাসে রাধাভাব আবেশেতে
 ভাবাবিষ্ট ভুলিয়া আপন ।

[যোগপীঠে পূজা ।

ভাবাবিষ্ট মহাপ্রভু মন্দিরের বারাণ্ডায়
 কোকিল কুহরে, হ'ল জ্ঞান ;

ভাবাবেশে পুনঃ প্রভু সহ ভক্তগণ ক্রমে
 যোগপীঠ উপরে দাঁড়ান ।

অষ্টদল পদ্মাকৃতি মাকোর কেশর' পরে
 বিচিত্র সজ্জিত সিংহাসন,
 নব আশ্রমশাখা সহ হীরা ইন্দ্র নীলমণি,
 মূল্যামালা কলসী স্থাপন ।

চারি দ্বারে অষ্টমণি, চন্দ্রাতপে পদ্মরাগ,
 অষ্টকোণ সুবর্ণ-খচিত,
 হরিতমণির স্তম্ভ পৃষ্ঠে বস্ত্র আচ্ছাদন,
 চন্দ্রাকারে আসন শোভিত ।

দক্ষিণে নিতাই, বামে গদাধর, শ্রীবাসাদি
 সম্মুখে অদ্বৈত প্রভু রয়,
 স্বরূপাদি ভক্তবৃন্দ গৌরাজ্ঞে বেড়িয়া সবে
 গুরু আদি সাধক পূজয় ।

চন্দন তুলসী দিয়া প্রভুব্রহ্ম-পদ পূজি'
 মাল্য চন্দনেতে সেবে কায়,
 অধর-তাম্বুল ক্রমে প্রদানিয়া পর পর
 গুরুদেব সাধকে খাওয়ায় ।

হেন মহাপ্রভু-লীলা হেরি পুলকাজ সবে,
 গুরু বামে বীজনে সাধক,
 সেরূপ মাধুরী যেন ভাবাবিষ্ট বিহারান্তে
 নিকুঞ্জেতে শ্রীরাধামাধব ।

নিজবাটী যোগপীঠে প্রভাতে ভোজন পরে
 সাধকের ক্রম পূজা আদি ;
 গুরু, মহাপ্রভুত্রয়ে গদাধর শ্রীবাস স্বরূপ,
 মন্ত্র গায়ত্রীর জপ বিধি ।
 নমিয়া নিমাইপদ নিত্যানন্দ পারিষদ,
 সিদ্ধ বাবাজীর পদ ধরি,
 গায় রাম মিত্র দাস হব তব পদে দাস-
 দাস-অনু-দাস কবে হরি !

২। শ্রীশ্রীশ্যামমুন্দরের—

[রাধাকক্ষে সাধক দাসী, গুরুদেবী, পরমেশ্বরী গুরু আদি, মঞ্জরী, সখীগণের
 ক্রমে প্রবেশ ; বাট পুর শোভা ; বর্ষাণ শোভা ; জাগরণ ; শ্যামাথী ও
 নাধুরিকার কৃষ্ণকথা ; চন্দ্রশালার রাধাশ্যামের দর্শন ; রাধার শৃঙ্গারবেশ ;
 হিরণ্যাক্ষী মুখে শ্যামকথা ; কুন্দলতা-জটিলার কথা ; রাধার নন্দালয়ে
 গমন ; বন্ধন ; ভোজন ; কুঞ্জে মিলন ; যোগপীঠে পূজা ।]

জয় জয় রাধাশ্যাম ললিতা বিশাখা প্রাণ
 বৃন্দা, সখী, মঞ্জরীর বৃন্দ,
 স্বরূপ বাবাজী গুরু সিদ্ধ দাস-কল্পতরু,
 প্রগমিয়া আরম্ভে প্রবন্ধ ।

[যাবটপুর প্রবেশ]

শ্রীযাবটে শব্দা হ'তে উঠিয়া সাধক দাসী
 গুরুদেবী মঞ্জরীর বাসে,
 আসি কাড়ু দিয়া ধোয়, প্রণালী মার্জনা করে,
 চন্দন ছিটায় আসে পাশে ।
 পারল গঙ্গায় কিম্বা রাধাকুণ্ডে করি স্নান,
 প্রাতঃ কৃত্য করি সমাপন,
 দস্তধাবনের দ্রব্য তৈল বদ্র অলঙ্কার
 গুরুতরে করেন রক্ষণ ।
 রাধাসখী মঞ্জরীর গুরুর পূজার তরে,
 বেশভূষা পুষ্পাদি চয়ন,
 নানাছাঁদে গাঁথে মালা, কস্তুরী, কুঙ্কুম চূর্ণ
 মৃগমদ, শমাদি চন্দন ।
 পদ সেবি' উঠালেন গুরুদেবী সে সাধিকা,
 যোগাইছে তাঁর কৃত্য, বেশ,
 পরমেষ্ঠীগুরু পরে পরাৎপর গুরুদেবে,
 করালেন কৃত্য বেশ শেষ
 পর পর আঙ্গা ল'য়ে আসিছেন ক্রমে ক্রমে
 অনঙ্গমঞ্জরী কক্ষে দাসী,
 ঐরূপে জগায়ে তাঁরে, কৃত্য বেশ শেষ করি
 রাধাকক্ষে উপস্থিত আসি ।
 শ্রীরূপ মঞ্জরী আদি দিকে দিকে সখীগণ,
 আসিছেন ক্রমে সেই পুরে,
 সাজায় সাধকদাসী স্নান-বেদী শৃঙ্গারের,
 চন্দনের জলে ধৌত করে ।

কচি আমপাতা, জীহ্বা- স্ববর্ণশোভিনী, ছানি',
 কর্পূরে মৃত্তিকা সুবাসিত,
 বাহু কৃত্য দন্ত জীহ্বা ধাবনের তরে দাসী
 স্নানজল রাখেন সজ্জিত ।
 ললিতা বিশাখা সখী, মঞ্জরীরা একে, একে,
 যেরূপে যাহার বাস, আসে,
 ললিতা, বিশাখা, রূপ, মঞ্জনালা উত্তরেতে ;
 দক্ষিণে চম্পকলতা পশে'
 রঙ্গ, গুণ, বিলাসাদি ; পূর্বে ইন্দু, চিত্রা, রতি,
 রস ; তুঙ্গবিছা পশ্চিমেতে
 সুদেবী লবঙ্গ আদি কস্তুরী আসিয়া সবে
 পুর শোভা লাগিলা দেখিতে ।

[যাবট-পুর শোভা]

চারিখণ্ড সেই পুরে পঞ্চত্রিংশ চক আছে,
 মণি, চিত্র, ধ্বজাদি শোভিত,
 শ্রীযাবটে রাধিকার দক্ষিণে মন্দির দ্বার
 নীলধ্বজ স্তম্বেতে লোহিত ;
 মণিময় বেদীপরে রত্নপর্ধ্যঙ্কেতে চারু
 সুপ্ত রাই কোমল শয্যায়,
 মতি মুক্তা জহরত আলোকেতে বাকুমকু,
 করে আর রাধার বিভায় ।

শয্যাকক্ষ সম্মুখেতে নাট বাঙ্গালার ঘর,
 পশ্চিমে শোভিছে সজ্জাগার,
 দক্ষিণে বিশ্রাম কক্ষ পূর্বে ভাণ্ডার কুটী
 গুপ্ত কক্ষখাণ্ড রাধিবার ।
 রাধাচক অষ্ট পার্শ্বে অষ্ট সখী চক রয়,
 পরে অষ্ট মঞ্জরী মন্দির ;
 মন্দিরের পর কুঞ্জ, একরূপ সব চক,
 মধ্যস্থলে মন্দির দেবীর ।
 অভিমুখ পূর্বচকে, ঈশানে দুর্গগ গোপ,
 নৈঋতেতে দুগ্ধের ভাণ্ডার,
 উত্তরেতে দাম দাসী, জটীলা কুটীলা বায়ু,
 পশ্চিমেতে রন্ধন আগার ।
 পুরী পার্শ্বে পুষ্পাখান, তৎপরে কদলীবন,
 তাল বেল গুবাক উদ্যান,
 পুষ্পিত অনেক তরু ভ্রমর, কোকিল, শিখি,
 নাচে, গায়, করে শোভাদান ।
 পূর্বে তোরণ পুরে বাজে নহবৎ সদা,
 পরে প্রতিবেশী করে বাস ;
 মহিষ গাভীরা চরে, বাগানে চৌদিকে রয়,
 কুণ্ড কত রাজে আশপাশ ।
 গুপ্ত কুঞ্জ, চবুতারা বিলাসের স্থান কত
 বন্য তরু পুষ্প শোভে তায়,
 শ্রীযাবট উচ্চস্থানে শ্রীরাধা মন্দির হ'তে
 নন্দীশ্বরে কক্ষে দেখা যায় ।

[বর্ষাণ-পুর শোভা ।]

রাধার মন্দির পাশে ছই চন্দ্রশালা আছে,
 সখী সহ রাধিকা দেখেন,
 উখান, গমন, গোষ্ঠে আগমন, গোদহন,
 কত খেলা শ্রীকৃষ্ণ খেলেন ।

শ্রীবর্ষাণ পিত্রালয় বৃষভানুপুরে রাধা
 রন কভু, খেলেন সুন্দর ;
 সে পুরও পর্বতোপরে চকবন্দী গৃহ সহ,
 বৃষভানু কুণ্ড মনোহর ।

সাতচক অতিরিক্ত বর্ষাণে উত্তর দ্বার
 রাধার মন্দির কৃষ্ণতরে,
 উত্তরে যে নন্দীশ্বর, যাবটে পশ্চিমকোণে,
 সদা শ্রাম দরশন করে ।

সখী মঞ্জরীর ঘর সেই একরূপ হেথা,
 দক্ষিণে পিতার গৃহ তাঁর,
 শ্রীদাম নবম চকে, বৃষভানু ভ্রাতাগণ,
 সপ্তচকে করেন বিহার ।

যাবটের শোভা যথা, বর্ষাণেরও শোভা তাই
 পুস্পোছান গুবাক খঞ্জুর,
 ময়ূর কোকিল হংস করে ক্রীড়া কলতান,
 কুঞ্জ, কুণ্ডে, তোরণ সুদূর ।

[প্রিয়াজীৱ জাগরণ]

সখী মঞ্জরীরা হেরে প্রিয়াজী-শয়ন শোভা
 চন্দ্রাতপ কোমল শয্যায়,
 স্বৰ্ণদণ্ড পর্য্যঙ্কিতে মুক্তার ঝালর ফুল,
 বলমল মণির আভায় ।
 জাগাতে শ্রীরাধিকায় করি পদ সম্ভাবন,
 বিশাখা কহেন মধুস্বরে ;—
 হে রাধে, আলস্য ত্যজ, পৌৰ্ণমাসী আদেশেতে
 শ্রীমুখরা আসিছেন দ্বারে ।
 মুখরা নাতিনী-দ্বারে আসিতে জটীলা নমে,
 বলে, পৌৰ্ণমাসী কহিয়াছে,—
 বধুকে প্রভাতে উঠি বাস্ত পূজা করাইবে,
 ধনবৃদ্ধি ফল তাহে আছে ;
 সূর্যো পূজি গাভী বৃদ্ধি যশোদা রাণীর আজ্ঞা,
 পুত্র আয়ু বৃদ্ধি হবে তার ;
 নাতিনী ঘুমায়ে রয় জাগাও তাহারে দ্বরা ;
 আসিয়া মুখরা এবে কয় ;—
 “গোষ্ঠ হ’তে ছুঙ্কভাণ্ড লয়ে আসে পতি, উঠ,
 বাস্ত সূর্য্য পূজা আয়োজন,
 কর, আজ রবিবারে গুরুরা উঠেছে, রাধে,”
 বলে গাত্র করেন গালন ।
 ত্বরিতে উঠিলা ধনী, শ্রীমুখরা দেখে অঙ্গে
 রাধা পরে সুপীত বসন,
 কহেন বিশাখা প্রতি অতি রোষান্বিত হ’য়ে
 “একি দেখি অশুভ ঘটন !

প্রভাতে ও মুখ হেরি' যায় দিন ভাল মোর,
করেছি নিয়ম প্রাতে তাই,
হেরি তব মুখ আগে স্নান করি, মাগু যথা
শ্রীতুলসী বৈষ্ণবের ঠাই ।

স্নান-ব্যজ নাহি সয় বল', দেবি, শ্রাম কাছে
কি পাঠ শিখেছ কাল রাতে ?”

বিনোদিনী কন, “কই, আমি কিছু শিখিনিত
তুমি বল, শুনি ইচ্ছা চিতে ।”

শ্রামা কহে, “ছাড়' ছলা নিজাঙ্গেতে চিহ্ন হের' !”
কহিছেন কিশোরী তখন ;—

“কি কহিব একমুখে প্রাণবর্নভের কথা,
হ'ত যদি সহস্র বদন !

দরিদ্রের রত্ন সম রাখিবে আমারে কোথা,
যতনে হৃদয়ে ধরে ছলে,

নিজ করে রচে বেশ যাবকে রঞ্জিতে পদে
নাম লিখে দাস হনু বলে ;

কবরী ভাঙ্গিয়া গড়ে নানাছাঁদে বিনাইয়া
তাম্বুল সাজিয়া মুখে দেয়,

পুন চিবাইলে আমি মুখে মুখ দিয়া যাচে
চুষনের ছলে আসি খায় ।

বলে নাথ, 'তুমি প্রিয়ে ! চন্দন হইতে যদি
করিতাম সর্কাজে লেপন;

হীরা হ'লে গাঁথি হার দোলাতেম গলে বুকে
সুশীতল হইত জীবন ।’

প্রণয় শৃঙ্খলে দৃঢ় বাঁধি নাথ সাজাইয়া
 রচি বেশ দেখান দর্পণ,
 আমিও দর্পণ ধরি—” কহিতে এ রসকথা
 রোধ হয় ধনীর বচন ।
 কম্প স্বেদ পুলকাদি অষ্ট সাত্তিকের ভাব
 ফুটে, দাসী করিছে বীজন,
 শ্রামা হরষিত হয়ে শ্রীরাধায় সস্তাবিয়া
 নিজ গেহে করিছে গমন ।

[মধুরিকা মুখে শ্রাম কথ্য]

হেনকালে মধুরিকা কুন্দলতা-দাসী এক
 নন্দালয় হ'তে তথা আসে ;
 শুনিতে শ্রামের কথা মধুরিকা হ'তে পুনঃ
 শ্রামা ফিরি চন্দ্রশালা পাশে ।
 মধুরিকা শ্রামাজীকে ছই করে ধরি ধনী
 নন্দালয় দিকে ফিরে বসি,
 বলে,—“বল মধুরিকে ! নাথের মধুর কথা
 কেমন আছেন প্রাণশশী ।”
 মধুরিকা কয় তবে, “প্রভাতে শ্রীপৌর্ণমাসী
 প্রাতঃকৃত্য করি সমাপন,
 যশোদা রোহিণী সহ মিলে, তারা নমিলেন
 কুশলাদি করে জিজ্ঞাসন ;
 পৌর্ণমাসী যশোদায় লয়ে কৃষ্ণ-কক্ষে আসে,
 আসে সাথে শ্রীমধুমঙ্গল ;
 দেখিছেন, তথা কত মন্দির চৌদিকে রম
 দধি ছুগ্ন কলস সকল,

উঠিলা, দাসেরা জল যোগাইল সুবাসিত
 মুছে মুখ মাতা বস্ত্রাঞ্চলে,
 যশোদা বাঁধিলা ঝুঁট দেখে রূপ শ্রীরোহিণী
 মঙ্গল আরতি করি ছলে ।
 অম্বা কিলিঘাদি ধাত্রী করে শ্যাম যশোগান
 দাসগণ করিছে সেবন ;
 রত্নাসুরী ওষ্ঠ ছটা অশোকে অরুণ রূপ
 দন্ত জীহ্বা ধাবনে সৃজন ।
 থাইলে মাখম মিশ্রি শ্রীদাম সুবল দাম
 বলভদ্র বসুদাম কয়
 প্রাঙ্গণে দাঁড়ায়ে সবে,— “সখাহে, সত্বর এস,
 হইয়াছে দোহন সময় ।
 গোবৎস্য তোমার পথ করে নিরীক্ষণ, হের
 গাভীগণ হুঙ্কিতে পীড়িত ।”
 আসেন সে কথা শুনি প্রাণের কানাই দ্রুত
 সখাগণ বড় আনন্দিত ।
 যেন কতদিন পরে হইয়াছে দরশন,
 আলিঙ্গিছে এত প্রেমভরে
 করিবারে আগে স্পর্শ করে সবে তাড়াতাড়ি,
 কানারেরে সহজে না ছাড়ে ।
 যশোদা কহেন “বাপ, কর'না বিলম্ব গোষ্ঠে,
 দোহি' গাভী আসিও সত্বরে,
 হইবে প্রস্তুত অন্ন, ব্যঞ্জন জুড়ায়ে যাবে;
 বলরাম, এন' ওরে ঘরে ;

বালাকেরা, এস সবে না হ'লে খাবে না কিছু

একসঙ্গে খেতে ভাল বাসে ।"

বলি এই নন্দরাণী পাঠালেন নীলমণি

সদা চিন্তা শীঘ্র যেন আসে ।

নন্দ-গোশালায় অগ্রে যান কৃষ্ণ, প্রণমিলা

পিতা, বলরামেরে তখন;

বদন চুমিয়া নন্দ, করি কোলে দুজনায়,

পাঠালেন করিতে দোহন ।

কহিছে মধু মঙ্গল,— "তব মুখচন্দ্র হেরি

গগনে চন্দ্রমা লুকাইছে ;

কমল প্রফুল্ল বটে, বিষাদিতা কুমুদিনী,

পূর্ব শৈলে অরুণ ফুটিছে ।"

ধবলী, শ্যামলী, পুংসী, কালিন্দী, যমুনা, গঙ্গা,

গোদাবরী, হরিণী, ভ্রমরী,

পিয়ালী কমলী, রস্তা, গাভীগণে হি হি ডাকি,

দোহে কত পরিহাস করি ।

মধুরিকা সেথা হ'তে কৃষ্ণের অধরামৃত

এনেছিল দিলেক সবায় ;

তা' পিয়ে প্রমত্ত প্রাণ, বিভোর আনন্দে গুনি

শ্যামা গেল লইয়া বিদায় ।

[চন্দ্রশালায় রাধাশ্যামের দর্শন]

হোথা শ্রীমধুমঙ্গল দেখে চন্দ্রশালা মাঝে
 চন্দ্রমালা হয়েছে সজ্জিত,
 বলরাম আদি রয়, কি ক'রে দেখায় শ্যামে,
 পারিছে না করিতে ইঙ্গিত ।
 চন্দ্রশালা রাধি পিঠে, দেখায় অঙ্গুলি নভে,
 কহিতেছে হেঁয়ালী-বচন —
 "আকাশ রমণী, সখে, শশী হের' প্রসবিছে,
 তারা ভূষা করিয়া মোচন ।
 গগণ দিঘিতে বুঝি আদিত্য কৈবর্ত হেরি
 করে রশ্মিজাল প্রসারণ,
 তারা মৎস্য পলাইছে ; যুগারি তপনে দেখি'
 যুগে বিধু করিছে গোপন ।
 চন্দ্রের এ ভয় হেরি' হাসিছে পদ্মিনী ওই,
 ওই চন্দ্র পদ্যে স্নান করে,
 তব মুখ-চন্দ্র, সখে, ওপদ্যে প্রফুল্ল করে'" ;
 বুঝি কথা কৃষ্ণ দৃষ্টি করে ।
 চন্দ্রাগারে অলঙ্কিতে হেরি শ্যাম প্রিয়াজীরে
 উভয়ে বিভোর হেরি দৌহে ;
 তখন শ্রীকলাবতী কুকুটী-ময়ূরী নাম
 দেখায় রাধায় আরও মোহে ।

নিত্য লীলা

লতা পত্রে ফুল হাসে প্রভাত মলয় বয়
প্রিয় প্রিয়া দেখে বারবার,
বিভোল বিহ্বল প্রাণ, শ্রীশ্রামের শ্রীরাধার
জয়গান গায় চারিধার ।

চন্দ্রশালা হ'তে করে সঙ্কেত রাধিকা শ্রামে,
শ্রাম বৃষ্টি হন আনন্দিত ;
এরূপে হেরিছে দৌহে বিমোহিত প্রাণ তায়,
কার্যকালে রন পুলকিত ।

বালকেরা দোহি গাভী, নন্দরাজ আদেশেতে,
দুগ্ধভার ভারীকে দিতেছে,
রেশমী ছাঁদনে ছাঁদি' বাধি পট্টডোরে গাই,
দুহি' শ্রাম রাধারে হেরিছে ;

ধবলীকে ভ্রম করি' ছাঁদে গাই ধবলায়
মধু শ্রাম-শ্রবণে বলিছে,
“লবণাক্ত দুগ্ধ ওর কি কর কি কর, ভাই;”
কৃষ্ণ বৃষ্টি মুচ্কি হাসিছে ।

দোহি' গাভী, বৎসগণে নিয়োজিয়া দুগ্ধপানে,
দাঁড়াইয়া কদম্ব তলায়
মণিময় বেদী'পরে লতা পুষ্পে স্নশোভিত,
গোষ্ঠ শোভা হেরেন তথায় ।

নন্দরাজ আদি বৃদ্ধ খট্টা'পরে গল্প করে,
স্বর্ণ দুগ্ধ-কলস চৌদিকে,
বীরী কলস ভরি' মস্থনের গৃহে লয়,
বহিছে সৌরভ চারিভিতে ।

মূছায় সাধক দাসী নিজকেশে রাধাপদ,
 সখীগণ ঘেরিয়া সাজান ;
 অগুরু ধূমেতে কেশ শুকায় মার্জিত করি'
 চিরুনীতে সিঁথিটা বসান ।
 কেশমূল স্বর্ণসূত্রে বাঁধি, বেণী বিরচিয়া
 পৃষ্ঠদেশে দিতেছে বুলায়ে ;
 অগ্রে মুক্তাগুচ্ছ গাঁথে, হয়েছে ত্রিবেণী শোভা,
 মুক্তা, সূত্র কেশ এক হ'য়ে ।
 সিঁথিতে সিন্দূর দিয়া সিঁথিপাটা পরাইল,
 শঙ্খচূড় মণি মধ্যে তার ;
 বেণী যেন ফণী দোলে, মস্তকেতে মণি তার
 অলকার ঝালর বাহার ।
 বকুল ফুলের মালা বেণীতে জড়ায় দেয়,
 শিরীষের সিঁথিপাটা আর ;
 ভূষণে কুমুম দাম, আলোকে সৌরভ ছোটে ;
 ঝলমল কত শোভা তার ।
 নয়নে অঞ্জন রেখা তুষিত চাতকী ছুঁটা,
 ভুরুযুগ মনমথ ধনু,
 অর্ধচন্দ্র বিন্দু ভালে সিন্দূরের, গণ্ডদেশে
 কস্তুরীর, চর্চিত হয় তনু ।
 কর্ণেতে সুরবর্ণ পত্র মণিমুক্তা স্বর্ণ চেঁড়ী,
 নাসিকায় মতির বেসর,
 এক কস্তুরী-বিন্দু, যেন স্বর্ণ পদ্ম অগ্রে
 বসিয়াছে নিত্য মধুকর ।

চন্দন কস্তুরী আর কর্পূর কাশ্মীর সহ,
 চতুঃসম লেপে সর্বকায় ;
 কঙ্কলিকা পরাইল সুবর্ণ শৃঙ্খল গাঁথা,
 দেলাইল কত হার তার ।
 একাবলী, গজমতি স্ফাটিক বৈভূষ্যমণি
 পদ্মরাগ ইন্দ্র নীলমণি ;
 নিতম্ব হইতে শিরে বেণী-ফণী উঠিবার
 হয় তারা সোপানের শ্রেণী ।
 মঞ্জিষ্ঠা ও রূপবতী রজকিনী কন্যাছয়
 বস্ত্র সজ্জা রেখেছে করিয়া ;
 রক্তবাস পরে নীল সিংহী-কটিতটে পরে
 তার ক্ষুদ্র কিঙ্কিনী বাঁধিয়া ।
 বাহুতে অঙ্গদ তাড়, কঙ্কণ বলয় নীল,
 হীরাসুরী করপদ্ম আর,
 অঙ্গুরী শৃঙ্খলে বাঁধা, নূপুর মঞ্জীর পদে,
 চরণেতে পদ্ম বাঁধা তার ।
 নন্দাদা মালিনী-কন্যা পদ্ম, পুষ্পমালা দিল
 করে নীলপদ্ম এক লয়,
 করি বেশ সমাপন দিলেন দর্পণ করে
 নিজবেশ হেরি হাস্যময় ।

রক্তক, পত্রক, মধু মকরন্দ, চন্দ্রহাস,
 • আনন্দ, সুরঙ্গ, দাসগণ
 যশোমতি আজ্ঞা পেয়ে কৃষ্ণে সেবে, মর্দনাদি
 স্নানযোগ্য করে আয়োজন ।
 ভূষা খুলি, পদ ধোয়, গন্ধতৈল ঘসে গায়,
 বেশ সংস্কারিয়া ঢালে বারি,
 অঙ্গ মুছাইলে পর কৃষ্ণে পীতবাস পরে,
 রাম নীলাশ্বরে শোভে মরি !
 শৃঙ্গার বেদীতে বসি সাজে দুই ভাই, কৃষ্ণে
 স্বর্ণমোড়া শিখী পাখা পরে;
 মুকুতা ললাট' পরি, নাসায় তিলক টীপ,
 উর্ধ্ব পুণ্ড্র পত্রাবলী ধরে ।
 চন্দন কস্তুরী আদি লেপি অঙ্গ সুশীতল,
 নাসাগ্রে গজের মতি শোভে ;
 কভু হংসাকৃতি, কভু পদ্ম মীন বা মকর
 কুণ্ডল কর্ণেতে দীপ্তি লভে ।
 চতুষ্কী কোম্বভমনি, চন্দ্রমণি হারসনে,
 বক্ষে পুষ্প বনমালা রয়,
 কটিতে ঘণ্টিকা ক্ষুদ্র, বাহুদ্বয়ে বাজুবন্দ,
 করে শোভে অঙ্গুরী বলয় ।
 চরণে নূপুর চারু অরুণ বরণ ধড়া,
 মণিমতি ভূষণ শোভিত,
 বামে হেলা কৃষ্ণচূড়া দক্ষিণে রু
 সমভাবে সব বিভূষিত । হেণা

শ্রীরূপ বাঁটিছে খাওয়া ললিতা দক্ষিণে, বামে
 বিশাখা, ঘিরেছে সখীগণ,
 করি আচমন খায় সবে আমোদিত করি'
 শ্রামাধর অমৃত ভোজন ।
 মঞ্জরীরা খান পরে প্রিয়াজীর আজ্ঞা ল'য়ে,
 করে পরে তাশুল সেবন,
 গুরুদেবী খান পরে সাধক দাসীও খায়
 প্রসাদও তাশুল চর্কণ ;
 ধোতি' পাত্র মাজি ঘর সাধক দাসীটা আসে
 ব'সে গুরু দেবী বাম পাশে,
 চর্কিত তাশুল খেয়ে সবাকার সেবা করে
 ব্যজনাদি করে মহোন্মাদে ।

[কুন্দলতা-জটিলার কথা]

সুচতুরা সেই দাসী শুনি আসি গোপনেতে
 কুন্দলতা জটিলার কথা
 কহিছেন শ্রীরাধায়— “প্রণমিয়া কহে কুন্দ
 নন্দালয়ে কুশল বারতা ।
 বলেছেন নন্দরাণী মাতুলানী তব কাছে
 প্রণমিয়া চরণে তোমার,
 দুর্বাসা মুনির বরে আয়ুবৃদ্ধিকর হেথা
 সিদ্ধহস্ত বধু আপনার ;

কৃষ্ণ বড় মন্দ রুচি, তাই পদে নিবেদন
 পাঠাতে রাখায় সখী সহ ;
 মোর সাথে নন্দালয়ে অপেক্ষিছে যশোমতি,
 দয়া করি আজ্ঞা তব দেহ' ।
 শুনিয়া জটীলা কয় ছিদ্র খুঁজে লোক সব,
 বধু ল'য়ে নানাকথা কয়,
 নবীনা সুন্দরী বধু, কৃষ্ণ বড় সুচঞ্চল,
 ব্রজরাণী ইচ্ছা পুনঃ হয় ।
 কি করি না বুঝি, বাছা, আজ্ঞা দিলা পৌর্ণমাসী
 লজ্বিতে পারিনা তাঁরও কথা,
 বড়ই সঙ্কট দেখি না পারি করিতে স্থির,
 * না পাঠালে রাণী পাবে ব্যথা ।
 কুন্দলতা বলে, মাতঃ, শ্রীকৃষ্ণ সাক্ষাৎ ধর্ম্য,
 খল যত মিথ্যাকথা কয়,
 কৃষ্ণ মুখসূর্য্য হেরে ব্রজনারী মুখপদ্ম
 স্বতঃ যেন বিকশিত হয় ।
 ধর্ম্যালোক স্পর্শে নাশে অধর্ম্য তিমির যত
 শ্রীকৃষ্ণের সুন্দর গঠন,
 জগত-যুবতীগণে তব বধু শুধু কেন ?
 করে সর্ব-চিত্ত আকর্ষণ ।
 মাতঃ, তব ভয় নাই, গুপ্তপথে ল'য়ে যাব',
 কৃষ্ণ তাহা জানিবে কেমনে ?
 নাদি সঙ্গ হ'লে নিজে আমি সঙ্গে লয়ে,
 দিয়া যাব এখানে গোপনে ।

নিত্য লীলা

জটীলা আনন্দে তবে বলে 'দেখ কুন্দলতা,
যেন কৃষ্ণ নজরে না পড়ে,
অবলা সরলা বধু' কুন্দ বলে, 'ভয় নাই
র'বে সে মোর নজরে নজরে' ।

জটীলা সন্তুষ্ট হ'য়ে আসিছে কুন্দের সাথে
সদর দ্বারেতে মোর পাছে ;
খিড়কীর দ্বার দিয়া আমি এনু পলাইয়া
বলিতে এ কথা তব কাছে ।”

চর্কিত তাম্বুল আর, রত্ন হার উপহার
বিনোদিনী দিলেন তাহারে,
তখন কুন্দের সাথে জটীলা আসিয়া বলে
নন্দালয়ে তারে যাইবারে ।

মনে আনন্দিতা রাধা মুখে কিন্তু বলে ছলে,
একি কথা ! কুলবধু আমি
গ্রামে গ্রামে ঘুরে কি মা রাধিয়া বেড়াব ? ছি ছি !
এ আঞ্জা কেমনে কর তুমি ?

জটীলা কহেন “বধু, যশোদা নহেত’ পর,
পৌর্ণমাসী বলেছেন তাই,
যাও, মাতঃ, সাবধানে কুন্দ লয়ে যাবে তথা,
ও কথা বলিতে মুখে নাই ।”

কুন্দলতা হাত ধরি কহিছে রাধায় তবে
“আমি সঙ্গে রব, কিবা ভয় ?

আবার রাখিয়া যাব,” তাঁদেরই কথা হুণী
রাধাকে বাইতে তথা হয় ।

নিত্য নীলা

“আসিও সত্বর ফিরে সূর্য্যপূজা করিবারে”—

বলিয়া জটীলা চলে যায় ।

রাধা কর ধরে কুন্দ ললিতা বিশাখা সবে

ক্রমে ক্রমে চলে নন্দালয় !

[রাধার নন্দালয়ে গমন]

চলেছেন শ্রীরাধিকা সখী-অঙ্গে ভর দিয়া

হাস্ত পরিহাস সখী সনে

রাধাবক্ষে ক্ষত দেখি’ কহে, একি ?’ কুন্দলতা,

রাধা কন হরষিত মনে,

“কাল যবে গুয়ে ছিনু পীতাংশুক এক পাখী

দাড়িষ ও বিষ ফল লোভে

করে বক্ষে ওষ্ঠাধরে এই চঞ্চু-ঘাত তার,

কি ফল না জানি তার লভে ।”

হাসিতে হাসিতে তারা গুপ্ত পথে যেতে, একি

কোথা হ’তে গ্রাম এল’ তথা,

বিহ্বল আনন্দে তবু কহিছে ললিতা “দুষ্ট,

ছি, ছি, খাইয়াছ লাজ মাথা !

পথে বাটে আস’ কেন ? অট্টালিকা হ’তে মাতা,

দেখিছেন পথ আমাদের ।”

নাহি লাস গ্রাম বটু সাথে গেল’ চলে ;

আসে রাধা তীরে পাবনের ।

নিত্য লীলা

সুন্দর সরের শোভা, ঘাটে ঘাটে বন-বেদী,
কুমুদ কল্লার পদ্ম জলে,
সৌরভে বিভোর মাতি, কূজন গুঞ্জন মাঝে
হংস বক সারসাদি খেলে ।

নন্দীশ্বর পুরে ক্রমে প্রবেশে তাহারি আসি,
নন্দীশ্বর শৈলের উপর
শ্বেতারুণ নীল পীত ষড় ঋতু বন শোভে,
নন্দীশ্বর শৈল মনোহর ;

কতবর্ণ পাখী গায়, ময়ূর ময়ূরী নাচে,
হইতেছে ঝরণা পতিত,
বশোদা ললিতা কুণ্ডে শ্রাম সূর্য্য কুণ্ডে আর
মধুসূদন কুণ্ডেতে নিয়ত ।

চারিবর্ণ শিলা হ'তে চারিবর্ণ জল যেন,
সরস্বতী জাহ্নবী যমুনা ।

পশু পাখী পিয়ে বারি দেখে বিশ্ব নিজ নিজ,
আনন্দের তথা নাই সীমা ।

শ্রীনন্দ মহল উচ্চ প্রাচীরে দরজা দুই
পূর্বদ্বারে চৌতল তোরণ,
বাণ নৃত্যকর ঘর, সূবর্ণ কলসে পত্র,
মুক্তামালা ধ্বজ সূশোভন ।

সিংহ দ্বার শোভা হেরি নিভৃত উত্তর পথে
স্বর্ণ সোপানেতে পুরে পশে ;

চারি খণ্ডালয় মধ্যে সাতটা মহা
শিবলিঙ্গ সর্ব্বমধ্যে বসে ।

নন্দরাজ বাটী হয় বাহান্ন চকেতে ঘেরা ;
 শুনি রাখা চরণ নুপুর ;
 যশোমতি বলিছেন,— কীর্তিদার কীর্তিদাত্রি,
 এস' রাধে মাধুর্যের পুর ।
 প্রণামিলে যশোদায় রাইএ কোলে করি স্নেহে
 লালন করেন, লন ভ্রাণ,
 চিবুক ধরিয়া চুমে মমতার অশ্রুপাতে
 মাতা সম করাইছে স্নান ।
 সকলে আদর ভরে চুমা, আলিঙ্গন দিয়া
 আশীষেন, কুশল জিজ্ঞাসে,
 দাসীগণ ধুয়ে পদ করিছে বীজন সবে,
 চৌকীতে বসায় অনি বাসে ।

। রন্ধন ।

যশোমতি কন, “রাধে ! কৃষ্ণের ভোজন জংগ
 নানা অন্ন ব্যঞ্জন রাধিবে,
 অমৃত কেলী কর্পূর কেলী পিযুষ গ্রহি আর
 মিষ্টান্নাদি প্রস্তুত করিবে ।
 কচুরি জিলাপি কদা শিখরিণী পরিপুষা,
 পায়স, পিষ্টক, ফেনিতিল,
 নান্দী রুপ সন্দেবী পিবরী তোরা
 লাস ক্ষীর ছানা খাও কর মিল ।

ধনিষ্ঠা কৃষ্ণের তরে আসনে বসিলে তবে
যোগাইবে মোরকা আচার ।”

রোহিণী জনমী সাথে শ্রীরাধিকা গিয়া পরে
দেখে সজ্জা রন্ধন শালার ।

খুলি বাস অলঙ্কার রাধিকা রাধিতে বসে
সামগ্রী যোগায় দাসীগণ,

বীজনে সাধক দাসী, রন্ধন স্নগন্ধ পেয়ে
কানাই করেন আগমন ।

মধুমঙ্গলের সাথে অটালিকা পরে উঠি,
গবাক্ষের পথে রাইএ হেরে ।

নয়ন চকোর মত্ত সে পিষু পান করি,
প্রাণ ভরি আরও পান করে ।

অচিরে প্রস্তুত সব, সূত্ৰাণে পূরেছে দিক,
যশোমতি কহে রোহিণীরে,

হের কত দ্রব্য রাখা নাসিকা নয়ন তৃপ্তি,
এত ত্বরা রাধে কি প্রকারে ?

যশোমতি রাখার কায় দেখি কন বীজনিতে,
রাধিকা লজ্জিতা তায় হয় ;

বাহিরে বেদীর পরে খাণ্ডদ্রব্য রাখিবারে
সখীগণে ডাকি তবে কয় ।

স্বতান্ন, পকান্ন, মিষ্ট, দুগ্ধক্ষীর ননী দধি
তিন বেদী রাখে তিন স্থানে,

নারায়ণ ভোগ দিয়া স্বত কপূর আরসি
করে মধু যশোদার আজ্ঞাদানে ।

নন্দরাজ পঞ্চ ভ্রাতা রামকৃষ্ণ সখা সহ
 আরতি দেখিছে সবে তথা ;
 নিভতে গবাক্ষপথে শ্যামের লীল্য হেরি,
 বিমোহিতা রাধা স্বর্ণলতা ।
 শোয়াইয়া নারায়ণে প্রসাদী চন্দন মাল্য
 মধুমঙ্গল দেন সর্বজনে ;
 রামকৃষ্ণ সখাসহ বশোদা অলুজ্জা লয়ে
 ভোজঘরে গেলেন ভোজনে ।

[ভোজন]

রক্তক পত্রক দাস গেলাস ঝারিতে বারি,
 সুবাসিত রাখে পূর্ণ করি,
 চতুরঙ্গ সখা ল'য়ে কৃষ্ণ মাঝে, দক্ষিণেতে
 বলাই বসেন, আহা মরি !
 সুভদ্র বলাই পাশে, সুবল কৃষ্ণের বামে,
 উজ্জল শ্রীদাম দাম পরে,
 সন্মুখে মধুমঙ্গল, চারিদিকে সখা আর,
 সহাস্ত্রে আহার সবে করে ।
 কহে মধু, 'খাম' সবে, ব্রাহ্মণ থাইবে অগ্রে,
 প্রসাদ কণিকা পরে পাবে' ;
 'কল কহিছে' মধু, তপস্বী ব্রাহ্মণ, যাও,
 'নাড়ি' গলিত পত্রাদি তুমি খাবে ।

মিত্য লীলা

রাজভোগ তব নয়' ; মধু তবে হাসি' কয়, —

'এ আমার তপস্তার ফলে ;

মোর সঙ্গ গুণে এবে এই ভাগ্য তোমাদের,

গো ছিলে তোমরা সে কালে,

তপস্তা করিনু যথা তোমরা চরিতে তথা,

মোর বায়ু লাগে তোমাদের,

সেই পূণ্য ফলে আজ এই ভোগ পাইতেছ,

ফল সব আমারই ভাগ্যের।'

কৌতুক আলাপে হেন সরবৎ পান করি,

অন্ন ব্যঞ্জনাদি নানা খায়,

মিষ্টান্ন পকান্ন কত কদলী কাঁঠাল আত্র,

দধি দুধ ছানা ক্ষীর তায় ।

রাধা সখীগণ সনে রামকৃষ্ণ ভোজ হেরি,

কৃতার্থ মানিছে আপনায়,

সখাদের রুচিমত নিজ পাত্র হ'তে ল'য়ে

দিতেছেন শ্রীকৃষ্ণ সখায় ।

বসি নিজে নন্দরাণী তর্জনী হেলায়ে বলে,

এটি খাও, ওটি মিষ্ট ভাল,

উটি স্নিগ্ধ আর' খাও, দেখিতে সুন্দর ই'টি,

খাও সব ও'টি সুরসাল !

কৃষ্ণে মন্দ রুচি হেরি, কহিছে মধু মঙ্গল,

কানায়ে দিওনা, মাগো, আর,

গুলি আমার দাও, ভোজনান্তে আলিঙ্গি

দেহ পুষ্টি হইবে সখার ।

হেথা

সখার মিষ্টান্ন প্রতি মন্দ রুচি হইয়াছে
 লঘুপাক দ্রব্য দেহ তারে ;
 শুনি নিজ পাত্র হ'তে অঞ্জলি অঞ্জলি ল'য়ে
 কৃষ্ণ তার পাত্র পূর্ণ করে ।
 আনন্দে বাজায় কক্ষ মধু ত্র্যস্ত খায়, বলে—
 আন', মাতঃ, মিষ্ট দধি মোর ;
 যশোদা চা্লিয়া গেলে কহে ডাকি সখাগণে
 ওই আসে বানর দধিচোর !
 সকলে যেমন ফেরে নিজ পাত শূন্য করি
 পাতে পাতে খাও তুলে দেয়,
 আসিলে যশোদা ফিরে খাইয়া ফেলেছি ব'লে
 দধি বিনা বিলম্ব কি সয় ।
 তখন হাসাতে সবে মধু মুখভঙ্গী করে,
 আড়ম্বল গন্ধ ! মিষ্ট কই ?
 সকলে হাসে তা' দেখি, রন্ধন প্রশংসে কত,
 শালি অন্ন আদি ক্ষীর দই ।
 অলক্ষিতে নেত্রভঙ্গ পাঠায় গবাক্ষ পথে
 রাধামুখ পদ্য-মধু খায় ;
 রোহিনী পশ্চাতে থাকি' রাধার কুমুদ-আখি
 বিকশিত কৃষ্ণ-চন্দ্রমায় ।
 আচমন করাইয়া রামকৃষ্ণে দাসগণ
 নিজ নিজ কক্ষে বসাইল ;
 শঙ্কল যোগান করে, সেবে ঋতু অনুসারে
 পালঙ্কেতে শ্রীকৃষ্ণ শুইল ।

শ্রামের শয়ন শোভা দেখি রাধিকার অঙ্গে
 ঘনাদি প্রকাশ পায় হেরি'
 যশোদা দাসীকে কয় রক্তনের শ্রম দূর
 হয়নি, বীজন' ত্বরা করি ।
 ধনিষ্ঠে ! ভোজন ঘরে আহারের সজ্জা কর,
 রোহিণি ! করহ পরিবেশন ।
 ভোজনে বসেন রাধা দক্ষিণে ললিতা, বামে
 বিশাখা, অগ্ন্যাগ্ন সখীগণ
 ভুঙ্গবিগ্না ইন্দুরেখা সন্মুখে উত্তরে চিত্রা
 চম্পক দক্ষিণে তাহার বসে,
 ক্রমেতে সূদেবী আদি রঙ্গদেবী বসিয়াছে,
 রোহিণী সবায় পরিবেশে ।
 শ্রীকৃষ্ণ অধরামৃত ধনিষ্ঠা লুকায়ে দেয়,
 রাধা পেয়ে আনন্দিতা তাহে,
 যশোদা কহিছে রাধে ! পিত্রালয় জেন' এই
 কীর্তিদায় আমার ভেদ নহে ।
 ত্যজি লাজ খাও সবে বৃষভানু সূতা তুমি
 কৃষ্ণ সম সূপ্রিয়া আমার ;
 রোহিণী কহিছে দিদি, কৃষ্ণ ইন্দ্র নীলমণি,
 রাধা তব স্বর্ণ মণিহার ।
 পুর-লক্ষ্মী কণ্ঠভূষা হয় এই যুগ্ম হার,
 আমাদের স্নেহের সস্তার ।
 নিছপাত্র হ'তে ধনী সখি পাত্রে দে
 করে সবে হরষে আহার । হেথা

নিত্য নীলা

ভোজনান্তে আচমন করিয়া মন্দিরে গিয়া
 পালঙ্কে বসেন ধনী পরে,
 সখীরা চৌদিকে বসে, মঞ্জরী তাষুল সেবে,
 বীজনাদি ঋতু অনুসারে ।
 শ্রীগুরু মঞ্জরী আদি রাধা সখীগণ পাত্রে
 খেয়ে আসি তাষুল সেবেন,
 সেবিত্তে সাধক দাসী গুরুর আদেশে পায়
 অধরের অমৃত তখন ।
 খাওয়ান যশোদা মাতা, মিষ্ট অন্ন আনি দেন,
 খাই' পাত্র মাজে ধোয় ঘর,
 রাখিয়া ভাণ্ডারে পাত্র প্রীত হ'য়ে রাধা দেন
 চর্কিত তাষুল পর পর ।
 রক্তক পত্রক দাসে খাওয়ান যশোদা পরে,
 রাধিকা বিশ্রাম করে ক্ষণ ;
 পদসেবা চামরাদি বীজন করিয়া হর্ষে
 বিশ্রাম লভিছে সখীগণ ।

[কুণ্ডে মিলন]

গবাক্ষে ইঙ্গিত করি বিশ্রামান্তে সখী সহ
 ধনী কুণ্ডে করিলা গমন ;
 দ্বকীর দ্বার দিয়া, কৃষ্ণ যান পর্বতেতে
 বনশোভা করে দরশন ।

নিত্য লীলা

কৃষ্ণ কন, বিষাদিত, 'শশী না প্রকাশ হ'লে
কৌমুদী কি বিকাশে ধরায় ?'
আখি ঠারি দেখাইতে শ্যাম মিলে কুঞ্জমাঝে
রাধা সনে মোহিত হিয়ার ।

[যোগপীঠে পূজা]

দোহাকার সম্মিলনে সৌরভ উখিত তথা
ভ্রমরেরা মধুর ঝঙ্কারে ;
শ্রীরূপ মঞ্জরী আসি দোহারে সাজান কত
আসে সবে কুঞ্জের বাহিরে ।
কল্প বৃক্ষমূলে তথা অষ্টদল পদ্ম ধরি
বেদী তায় রত্নসিংহাসন,
অষ্টদলে অষ্টসখী, মাঝে রাধাশ্যাম রাজে,
কিবা শোভে মদনমোহন ।
উত্তরে ললিতা, পূর্বে শ্রীবিশাখা, চিত্রা, ইন্দু,
দক্ষিণে চম্পক, রত্নদেবী
তুঙ্গ পশ্চিমে সুদেবী, কেশরাগ্রে উত্তরেতে
ক্রমে রূপ মঞ্জরাদি দেবী ।
পূর্বদল অগ্রভাগে শ্রীবৃন্দাজী স্থান, নীচে
গুরুমঞ্জরীরা শোভা পান,
রত্নদেবী সন্নিকটে সাধক দাসীর স্থান
আজ্ঞা ল'য়ে মাণ্য করে দান ।
আশ্যাম রাইয়ে, ললিতাদি অষ্টজনে,
বৃন্দাজীয়ে অনঙ্গে রূপের,

অষ্ট মঞ্জরীর দিয়া গুরু মঞ্জরীতে দেয়

ক্রমে ক্রমে পূজা সাধকের ।

আরত্রিক পরে পরে করিয়া সাধক দাসী

গুরু মঞ্জরীর বাম পাশে,

নিরখে শ্রীরাধা শ্যাম সখীদের রূপশোভা

আনন্দেতে তথা গিয়ে বসে ।

হেরিতেছে সখীগণ, যোগপীঠ সিংহাসনে

ত্রিভঙ্গীতে শ্যাম দাঁড়াইয়া,

রাধার বদন হেরি' কটাক্ষেতে বাঁশরীটি

বাজাইছে দেখিয়া দেখিয়া ।

রাধাও শ্যামের বামে সূঠামে দণ্ডায়মান

হেরিছেন শ্যামের বদন,

দলে দলে সখীবৃন্দ নৃত্যগীত বাজরত,

রাধা করে পাবিকা বাদন ।

শ্যাম-বংশী রবামৃতে স্থা বর জঙ্গমে হয়

অষ্ট সাত্ত্বিক ভাবের উদয় ।

ফুল হ'তে মধু ক্ষরে পশু উদ্ধমুখে হেরে,

পাখী নৃত্য করে, গান গায় ।

কখন স্তম্ভিত হ'য়ে পশুপাখী নিরবেতে

মুনি সব ধ্যান করে তায়,

সেরূপ মাধুরী হেরে, চন্দন কুসুম মালো

যুগলেরে সাধক সাজায় ।

নিজাভীষ্ট বীজমস্ত্রে তুলসী চন্দর

প্রদক্ষিণ দণ্ডবৎ করি

নিত্য লীলা

উখান ভোজন গোষ্ঠ জলক্রীড়া বংশীচুরি

কত লীলা যুগপৎ স্মরি ।

গ্রীষ্মেতে ব্যজন রত, শিশিরে অগুরু ধূমে

ভোগ রাস আরতি হইছে;

প্রথম গুরুর মন্ত্র পরম গুরুর পরে

যুথাদির গায়ত্রী জপিছে ।

রাধাশ্রাম যোগপীঠ সুন্দর মিলন লীলা

নন্দীশ্বরে প্রভাত সময়,

মধ্যাহ্নে শ্রীরাধা কুণ্ডে মাধবী মণ্ডপে বেদী

যেদিন প্রভাতে নাহি হয় ।

রাধাশ্রাম জপধ্যান স্তবস্ততি দণ্ডবৎ

তুলসী সিঞ্চন প্রদক্ষিণ,

প্রভাতে বা মধ্যাহ্নেতে যোগপীঠ পূজাবিধি

এই নীতি রহেছে প্রাচীন ।

নন্দীশ্বর হ'তে নামি গোপনে গৃহেতে আসি,

মন্দিরে পর্য্যাক্ষে কৃষ্ণ বসে, ;

রাধাও দেখিয়া শোভা জল বিহারাদি করি

নন্দালয়ে পুনঃ আসি পশে ।

নামিয়া যুগল পদ অষ্টমথী মঞ্জরীর

সিদ্ধ বাবাজীর পদ ধরি

গায় রাম মিত্র দাস হ'ব কুঞ্জদারী-দাস

দাস-অনুদাস কবে, হরি ?

নোদ
লাস

গৌরগোবিন্দের "অষ্টকালীন নিত্য লীলা" গীতিকার
ত লীলা " নামক দ্বিতীয় বিলাস সুধাধারা ॥

তৃতীয় বিলাস সুধাধারা ।

পূর্বাঙ্ক লীলা ।

[পূর্বাঙ্ক—বেলা ১০টা হইতে ১২টা]

১। শ্রীশ্রীগৌরসুন্দরের—

গোগণের হাষারবে মহাপ্রভুর গোষ্ঠভাব । গঙ্গায় যমুনা ভ্রম । সখাসনে
বৃন্দাবন লীলা ভবোদয় । সূর্য্যপূজা উপলক্ষে রাধাভাব ।
তমালেরে আলিঙ্গন । কুণ্ডে শ্রামসনে মিলন ভাব ।

জয় জয় শ্রীগৌরানন্দ, শ্রীঅদ্বৈত নিত্যানন্দ,
জয় গোসাই আদি ভক্তবৃন্দ ;
স্বরূপ বাবাজী গুরু, এ সাধক কল্পতরু,
প্রণমিয়া আরম্ভে প্রবন্ধ ।

[মহাপ্রভুর গোষ্ঠভাব]

গোগণের হাষারব শুনি উঠে গোষ্ঠভাব,
যোগপীঠ হ'তে প্রভু নামে ;
ত্রিভঙ্গ হইয়া মুখে বাঁশরী বাজান মুখে
নিত্যানন্দ-বলরাম বামে ।
নিতাই বাজান শিঙ্গা ভাবাবেশ নাই সীমা,
অদ্বৈতাদি সুমুখে দাঁড়ায় ;
হৈ হৈ রব করে স্বরূপাদি গা হেথা
সত্য সবে গোষ্ঠে যেন যায় ।

নিত্য লীলা

গঙ্গাতীরে আগমন, তমালেরে নিরীক্ষণ
করি যমুনার জ্ঞান হয় ;
মূর্চ্ছিত হইয়া পড়ে, গদাধর লয় ক্রোড়ে,
মহাপ্রভু-বাহু চলি যায় ।

বৃন্দাবনে সখা সহ যেই লীলা অহরহঃ
সেই পদ স্বরূপাদি গায় ;

সূর্য্যপূজা উপলক্ষে রাধাভাব ধরি বন্ধে
বামপদ অগ্রে ফেলি যায় ।

তমালেরে আলিঙ্গন করিছে ভক্ত মোচন,
মাধবী মণ্ডপে গিয়া বসে,

কুঞ্জে কৃষ্ণ দরশন রাধাসহ সম্মিলন,
গায় গান স্বরূপ হরষে ।

শুনিয়া রোমাঞ্চ কায় বেগে অঙ্গে অশ্রু ধায়,
পুষ্প মালা দিয়া ভক্ত পূজে ;

ব্রজলীলা ভাবে দাস সিদ্ধ দেহে পূরে আশ,
শ্রীগৌরগোবিন্দে সেবে ভজে ।

নমিয়া নিমাই পদ নিত্যানন্দ পারিষদ,
সিদ্ধ বাবাজীর পদ ধরি

গায় রাম মিত্র দাস, হব তব পদে দাস-
দাস-অনুদাস কবে, হরি ?



নিত্য নীলা

পীতাম্বরে চূড়া বামে, নীলাম্বর বলরামে,
মণি মুক্তা, নাহিক তুলনা ।
কুণ্ডল দোলক হার মতিগুচ্ছ চূড়া ধার,
ইন্দ্রমণি কোমল মণ্ডিত,
অলকা তিলক ভালে, বনপুষ্প মালা গলে,
ধড়া জরি, নুপুর শোভিত ।
সাজায়ে শ্রীরামকৃষ্ণে আরতি করিয়া ইষ্টে,
যশোদা রোহিণী হরষিত
ধাত্রীগণ যশ গায় শ্রীরাধা দেখিয়া তাঁর
গবাক্ষেতে গোপনে মোহিত ।

[গোষ্ঠ গমন]

চতুর্বিধ সখাগণ উপস্থিত সেইক্ষণ,
নটবেশে শৃঙ্গার শোভিত ;
হাসিতে হাসিতে আসে যন্ত্র শিঙ্গা যষ্টি পাশে
গোষ্ঠ তরে যাইতে সজ্জিত ।
শ্রীকৃষ্ণ গমন-গোষ্ঠ নিরখিতে অতি হৃষ্ট
ব্রজে যত নাগর নাগরী ;
পর্বত হইতে দেখে সখী সনে অনিমিখে,
কদলীর বনে রাধা সরি' ।
কৃষ্ণ হেরে গোষ্ঠে আসি হৃৎকে ভূমি গেছে ভাসি'
বৎস্র বৃন্দ জলচর হয়,
গোপুচ্ছ শৈবাল সম হৃৎনদী অনুপম,
গোপ গোপী তীর ঘেরি রয় ।

হৃৎক সরে হৃৎক ভাণ্ড ভাসে কদলীর কাণ্ড,
 গোপীমুখ বিকচ নলিনী,
 ফেন যেন শ্রোত ধায়, বংশগণ মংশ তায়,
 বাঁধে যেন নীরে কমলিনী ।
 গোময় করেছে স্তূপ, পাহাড় সে অপরূপ,
 নদীতটে গোপিকা স্জিত,
 আনন্দ অমুধি মাঝে রসরাজ হের সাজে,
 শোভা হেরি মন বিমোহিত ।
 বলাই চালান তবে, বৃন্দাবনে গাভী যবে
 যায়, শোভা হয় ত্রিবেণীর,
 যমুনা মহিষগণ, গাভী গঙ্গার বরণ,
 ধূলি যেন বর্ণ সরস্বতীর ।
 কৃষ্ণ যথা পদ ফেলে, ভূমি ধরে পদ্যদলে,
 মেঘ ছায়া করিছে প্রদান ;
 গোপী পূর্ণ কুন্ত বয় দেব পুষ্প বরিষয়,
 কুলাঙ্গনা করে জয়গান ।
 শ্রীমতী ধঙ্কন আশি স্বর্ণপদ্ম মুখে ঢাকি
 শ্রীকৃষ্ণ দেখিয়া বাত্রা করে ;
 নয়ন তৃষিত অলি লজ্জা বায়ু পদে দলি'
 মুখ সূধা পিয়ে প্রাণভরে ।
 সকল গোকুল বাসী যুবা বৃদ্ধ আসে হাসি'
 অনুব্রজে পুত্তলিকা প্রায় ;
 শ্রীকৃষ্ণ দেখিলে ফিরি, যশোদা ক্রোড়েতে করি'
 অঞ্চলেতে বদন মুছায় ।

রাম বলে ভয় নাই ; সখাগণ বলে, ভাই
 কানাই শুধু বসে থাকে বনে,
 তার কোন্ কাজ নাই আমরা চরাই গাই,
 বাঁশী সে বাজায় গোচারণে ;
 তার বাঁশীরব শুনে আসে কাছে গরুগণে,
 যা' চাই তা কানু দেয় আনি,
 ফল জল পিপাসাতে কে যেন মা কোথা হ'তে
 বাঁশী রবে আনয় তখনি ।

[মাতা পিতার নিকট বিদায়]

তখন শ্রীযশোমতি হ'য়ে কিছু হৃষ্টমতি
 শ্রামে করে সাদরে লালন ;
 প্রতি অঙ্গ স্পর্শ ক'রে দেবতার নাম ধরে
 করিছেন কবচ বন্ধন—
 “এ হু'খানি রাক্ষাপা ব্রহ্মা রক্ষা করুন তা'
 জানু রক্ষা করুন দেবগণ,
 কটিতট সূজঠর রক্ষা করুন যজ্ঞেশ্বর,
 হৃদয় রাখুন নারায়ণ,
 ভূজযুগ নখাস্কুলী রক্ষা করুন বনমালী,
 কণ্ঠমুখ রাখুন দিনমণি,
 মস্তক রাখুন শিব, পৃষ্ঠ রাখুন হয়গ্রীব,
 অধঃ উর্দ্ধ রাখুন চক্রপাণি,

নিত্য গীতা

জলে স্থলে গিরি বনে রক্ষা করুন জনাঙ্গনে,
দশ দিক দশদিক পাল
যত শত্রু হউক মিত্র, রক্ষা করুন সর্বত্র,
নহে তুমি হও সবার কাল ।”
কৃষ্ণ কহে, মাগো, যাও লাড্ডুক বনে পাঠাও,
মাতা বলে, ‘খাইও, পাঠাব;
দূরবনে নাহি যেও, বনে বেণু বাজাইও,
ঘরে বসে শুনিতে পাইব ;
সত্বরে আসিবে ঘরে ; কৃষ্ণ বলে অতঃপরে,
মিষ্ট বাহকেরে জিজ্ঞাসিব,
যদি তুমি নেয়ে খেয়ে রহ স্নুখে নিজ গৃহে
জেন’ আমি সত্বরে আসিব ।
শ্রীকৃষ্ণ মাতারে তুষি’ শ্রীনন্দে বলেন আসি’
যাহ পিতঃ মাতাগণে লয়ে ;
লাড্ডুক খাবার সহ গেড়ুয়া পাঠায়ে দেহ ;
শ্রীনন্দ কোলেতে লয়ে কহে
এস,’ বাপ, গৃহে যাই গোচারণে কাজ নাই ;
কৃষ্ণ কয়, বনে শোভা হেরি’
একি কথা বল, পিতা, গৃহ হ’তে স্নুখ তথা—
বলিয়া বিদায় দেন করি ।

[শ্রীমতীর নিকট বিদায়]

শ্রীকৃষ্ণ বাঁশীতে কয় হে রাধে ! মুরলী হয়
কীর্তন নিমিত্ত গুণ তব ;

‘নাথ ত চলিয়া গেল, এস’ সখী, গৃহে চল’
 বলি সখী তারে ফিরাইল ।
 ‘হ্মেছে অনেক বেলা দৃষিবে সখী জটলা,
 যাবটে রাখায় এস’ রাখি,
 বসন ভূষণ অঙ্গে মিষ্টান্নাদি দাও সঙ্গে’ ;
 যশোমতি কন কুন্দে ডাকি ।

[শ্রীমতীর যাবটে প্রত্যাগমন ।

ফিরে এল’ যাবটেতে রাধিকা কুন্দের সাথে,
 জটলা দেখিয়া হরষিত ;
 পেটরিকা পূর্ণ ভূষা অলঙ্কার, খাণ্ড খাসা,
 সখীগণ সবে আমোদিত ।
 “গোপনেতে” কুন্দ কন, “করি কার্য সমাপন
 আসিয়াছে বধু হের তব
 শ্রীকৃষ্ণ পায়নি টের” জটলা কহিছে ফের,—
 “কৃতজ্ঞ তোমার চির রব’
 ব্রজরাণী আজ্ঞা পালি ধর্ম রাখিয়াছি খালি,
 না হ’লে অধর্ম হ’ত ঘোর,
 কি আশীষ করি আর পুত্রবতী হও এবার,
 আর এক কায কর মোর ।
 গো বৃদ্ধি করার তরে সূর্য্যপূজা বধু করে,
 পৌর্নমাসী আজ্ঞা এই রয়,

বধু সঙ্গে করি ল'য়ে আন পূজা করাইয়ে
 বিশ্বাস তোমায় খালি হয়।
 খুব সাবধানে যাবে, যেথা কৃষ্ণ গন্ধ পাবে,
 সে দিকেতে যেওনা কখন' ।”
 পেয়ে আঞ্জা ইচ্ছামত কুন্দ কহে আনন্দিত
 “তব আঞ্জা করিব পালন ;
 নয়ন তারাকে যথা পলক রক্ষিছে, তথা
 রক্ষিব বধুরে আমি তব,
 কৃষ্ণ কেন, কেন' লোক জানিবে না, যেই হোক,
 কাষ সেরে আসি, লয়ে যাব ।”

[শ্যামের গোষ্ঠ কথা]

শ্রীরাধা এলেন ঘরে মঞ্জরীরা সেবা করে,
 রত কৃষ্ণ কথা আলাপনে,
 না জানি সে বৃন্দাবনে বেড়ান হরি কোন থানে
 পুনঃ দেখা হ'বে কতক্ষণে ।
 মদলিকা মালী-কণ্ঠা পাটান শ্রীবৃন্দা ধন্য
 পঞ্চবর্ণ পুষ্প দিয়া তথা,
 তখন কি যেন আশে রাধিকা উঠিয়া বসে
 জিজ্ঞাসেন “আস' কোথা হ'তে ?”
 ‘বৃন্দাবন' নাম শুনি' কহিছেন প্রেমে ধনী,
 “বল' বল' কুশল তাঁহার ।”

চতুর্থ বিলাস সুধাধারা ।

মধ্যাহ্ন লীলা ।

[মধ্যাহ্ন—বেলা ১২টা হইতে ৩টা]

১। শ্রী শ্রীগৌরমুন্দরের—

মহাপ্রভুর ব্রজলীলা শ্রবণ । বন ভ্রমণ ; ক্রম ক্রমে ছয় ঋতু বনের
শোভা দর্শন । রাধাশ্রামলীলা অনুকরণ । লুকাচুরি,
জলক্রীড়া, বন ভোজন, মন্দিরে প্রত্যাগমন ।
উথান । পাশাক্রীড়া, রাধার
সূর্য্যপূজা গীতশ্রবণ ।

জয় জয় শ্রীগৌরানন্দ ! নিত্যানন্দ চন্দ্র !
জয় জয় শ্রীঅদ্বৈত আদি ভক্তবৃন্দ !
স্বরূপ বাবাজী পদ স্মরি অনুক্ষণ,
প্রণমিয়া আরতিলা এ দাস লিখন ।

[ব্রজলীলা শ্রবণ]

মাধবী মণ্ডপে গৌর সহ ভক্তগণ
রাধাকুঞ্জে ব্রজলীলা করিছে শ্রবণ ।
কুমুম চয়ন পথে, গ্রহের পূজন,
মুরলী হরণ, রাধা শ্রামান্দ বর্গন ;
স্বরূপ গাহিছে পদ, প্রভু ভাবময়,
আনন্দে বিচরে তথা সবে বনময় ।

[বন ভ্রমণ]

বসন্ত ঋতুর বনে মাধবী তলায়,
 বসিলেন প্রভু গিয়া স্বরূপাদি গায় ;
 বসন্ত সুরাগ আর ফাগুর খেলন
 শুনি' প্রভু রংজল করেন ফেপন ।
 গদাধর পণ্ডিতের গায়েতে মাখান ;
 নিত্যানন্দ অদ্বৈতেতে রংজল খেলান ।
 ভক্তগণ ভক্তগায় রংধুলি উড়ায়,
 মল্লিকা মালতী যুঁথী মালায় সাজায় ।
 গ্রীষ্ম ঋতু বনে পরে করেন প্রবেশ ;
 যাতি যুঁথী চম্পকাদি পুষ্প সমাবেশ ;
 স্বরূপ গৌসাই ফুল দোল লীলা গায় ;
 প্রভুব্রহ্ম অশ্রুসিক্ত নেত্র শুনি' তায় ।
 চম্পক গোলাপ যুঁই পুষ্পে সাজাইছে,
 ব্যঞ্জন করিছে কেহ চন্দন লেপিছে ।
 বর্ষা ঋতু বনে পরে কদম্ব তলায়
 ময়ূর-ময়ূরী নাচে দেখেন খেলায় ।
 গদাধরে ল'য়ে গিয়া বুলনে বলেন,
 স্বরূপ বুলন গান তখন গায়েন ।
 নিত্যানন্দ শ্রীঅদ্বৈত পাশেতে বুলেন,
 কদম্বের মালা পরি সকলে সাজেন ।
 শরৎ ঋতুর বনে মালতী মণ্ডপে
 শুকগান শুনি' ভাবাবিষ্ট হয়ে থাকে ।

রাধাশ্যাম লীলা গান করিয়া শ্রবণ,
 পদ্ম গুপ্প মালা সবে পরেন শোভন ।
 হেমন্ত ঋতুর বনে পীত ঝিটি ফুল,
 হেমন্ত বিহার গান জগতে অতুল,
 শুনি প্রভু পুলকান্ত অশ্রু কম্প হয় ।
 পীত ঝিটি ফুল মালা প্রভুগণে দেয় ।
 শিশির ঋতুর বনে কুন্দপুষ্প কত,
 বসিলেন প্রভু আসি মগ্ন অবিরত ।
 দক্ষিণে নিতাই বামে পণ্ডিত শ্রীবাস,
 শ্রীঅদ্বৈত গদাধর স্বরূপাদি দাস ।
 শ্রীকৃষ্ণ রহস্য লীলা করে হেথা গান
 কুন্দ পুষ্প মালা, করে অগ্নিতাপ দান ।

[কৃষ্ণলীলা অনুকরণ]

এইরূপ বারে বারে বিচরেন বনে
 উন্মত্ত হইয়া প্রভু রাধা শ্যাম ধ্যানে ;
 মালা পরাইছে কেহ করিছে ব্যজন ;
 রাধাশ্যাম নানাক্রীড়া করি উদ্দীপন ।
 লুকাচুরি খেলে কভু ল'য়ে গদাধরে ;
 জলক্রীড়া করি কভু গঙ্গায় বিহরে ।
 নিতাই অদ্বৈত খেলে স্বরূপ গৌসাই,
 রামানন্দ রায় খেলে ভক্তেরা সবাই ।
 স্নান করি উঠি বস্ত্র তিলক পরিয়া
 বনভোজন করিলেন শ্রীবাসে লইয়া ।

নিত্য লীলা

নিজ পুষ্প ফলোত্তানে কতবিধ ফল
খাওয়ান শ্রীবাস যত্নে প্রভুরে সকল ।
রাধাকুণ্ডে রাধাশ্যাম সখীগণ সনে
কৃষ্ণ বন ভোজ সখা সনে গোবর্ধনে,
এই সব ভাব উঠে প্রভুগণ মনে
গদাধর স্বরূপাদি মত্ত উদ্দীপনে ।
ফিরিয়া আসিয়া প্রভু শয়ন মন্দিরে,
বিশ্রাম লভিলা সবে নিজ নিজ ঘরে ।
দাসগণ করিলেক সেবা সবাকার ;
ভ্রমর বন্ধারে জাগি' উঠেন আবার ।
বাহিরে বসিয়া শুনে শুকশারী গাঁথা,
মহাপ্রভু প্রতি অঙ্গ বর্ণনার কথা ।
তবে প্রভু ভক্তসহ পাশাক্রীড়া করে ;
রাধা সূর্য্য পূজা পদ গীত হয় পরে ।
পূজান্তে রাধার ভাবে বিষাদিত মন,
দেখি' প্রভু-শ্রম ভক্ত করিছে বীজন ।
শ্রীগোরাঙ্গ নিত্যানন্দ বন্দন করিয়া,
শ্রীঅদ্বৈত গদাধর চরণ স্মরিয়া ।
পারিষদ ভক্তগণে করিয়া পূজন,
স্বরূপ বাবাজী পদে লইয়া শরণ,
রামচন্দ্র মিত্র দাস লীলা কথা গায় ;
যেন হরিদাস-দাস-দাসত্ব সে পায় ।

২। শ্রীশ্রীশ্যামহৃন্দরের—

[তুলসীর শ্যাম কথা—শ্যামের বিরহ ; শ্রীমতীর বিলাপ ; ধনিষ্ঠার শ্যামকথা,
গোষ্ঠে ভোজন ; শ্রীমতীর আক্ষেপ; রাধাকুণ্ডে শ্যামদর্শন ; রস আশ্বাদন ;
বংশী-চুরি ; বসন্ত ঋতু বন বিহার ; গ্রীষ্ম ঋতু বন বিহার ;
বর্ষা ঋতু বন বিহার ; হেমন্ত ঋতু বন বিহার ; শিশির
ঋতু বন বিহার ; বসন্ত শরৎ যুগ্ম ঋতু বন
বিহার ; গ্রীষ্ম হিম যুগ্ম ঋতু বন বিহার ;
বর্ষা শিশির যুগ্ম ঋতু বন বিহার ;
মধুপান ; জলক্রীড়া ; শুক
শারীর কথা; অক্ষক্রীড়া ;
সূর্য্য-পূজা ; রাধার
গৃহে প্রত্যাগমন]

জয় জয় রাধাশ্যাম ললিতা বিশাখা
জয় বৃন্দা আদি সখী মঞ্জরীর বৃন্দ,
স্বরূপ বাবাজী সিদ্ধ পদে ধরি আশা
সবাকারে নমি দাস আরম্ভে প্রবন্ধ ।

“কুণ্ডের দক্ষিণ ভাগে চম্পক তরুর আগে
রত্ন হিন্দোলা মণিময় ।

পূর্বেতে কদম্ব দোলা নানামণি রত্নশালা
বৃক্ষশ্রেণী পুষ্প বরিষয় ॥

পশ্চিমে রসাল তরু তাহাতে হিন্দোলা চারু
উত্তরে বকুল রত্নদোলা ।

অষ্টদিকে অষ্ট কুঞ্জ সখী নামে রসপুঞ্জ
যা'তে রাই কানু মনোলোভা ॥”

তুলসীর শ্যামকথা ।

সূর্য্য পূজা উপলক্ষে অভিসার বেশে
 সজ্জিত করিছে সখী রাধায় সুবেশে ।
 শ্যামের সঙ্কেত আনি তুলসীজী দেয়,
 বিশাখা চম্পকদলে রাধারে সাজায় ।
 ললিতা পরায় মালা কর্ণে দেয় ফুল,
 তুলসীকে জিজ্ঞাসেন শ্রীমতী আকুল ।
 ‘কোথা তিনি প্রাণনাথ ? কুশল ত তাঁর ?’
 উত্তরে তুলসী বলে কথা সুধাধার,—
 “কুসুম সরের ধারে রত্নবেদী’ পরে
 সুবল সহিত শ্যাম বসিয়া সাদরে
 শ্রীমধুমঙ্গল ও রয় ধনিষ্ঠায় বলে,
 শ্রীমতী মিলন হয়, বল, কিবা হ’লে ।
 হেন কালে শ্রীবৃন্দাজী শ্যামে মালা দিল,
 চম্পকের কলি কর্ণদ্বয়ে সাজাইল ।
 শ্যামের উৎকর্থা আরও বাড়িল তাহায়,
 তব তত্ত্ব আনিবারে কহে ধনিষ্ঠায় ।
 আমি লতা অন্তরালে ছিলাম, তখন
 তব দত্ত মালা বিটী করিছু অর্পণ ।
 শ্রীমধু শ্যামের গলে মালা দোলাইল,
 সুবল সম্পূট খুলি বিটী খাওয়াইল ।
 তব অঙ্গ-গন্ধ পেয়ে পুলকে ভাসিয়া
 গদগদ বাক্য কন আমারে হাসিয়া ;—

‘কোথা প্রাণেশ্বরী, বল’ কুশলেতে রন ?
 এখন’ এল’ না বল, হেথা কি কারণ ?
 কি কাজ করিছে তব সখী গৃহে তাঁর ?
 তাঁর তরে ব্যাকুল যে পরাণ আমার !’
 কুশলে আছেন সখী মন্থন করিছে ,
 শ্রীজটীলা গৃহকার্যে নিযুক্ত রেখেছে ;
 কি করে বঞ্চনা করি’ জটীলা বৃদ্ধায়
 আনি বল’ প্রিয়াজীরে আমরা হেথায় ?

[শ্যামের বিরহ]

‘ অসহ বিরহ জ্বালা কি করি উপায় !
 ডাকিব কি বংশীরবে ঠাঁহারে হেথায় ?
 তা’হ’লে যে চন্দ্রাবলী যুথেশ্বরীগণ
 আসিবে, হবেনা তায় মানসরঞ্জন ।
 সুবল বা মধুরেও পাঠালে হবে না,
 জটীলা ঠাঁহারে আজ দিবে কুমন্ত্রণা ।
 কুন্দলতা সূচতুরা বঞ্চিতে পারিত ,
 অভিসারে প্রেমসীরে লইয়া আসিত ;
 তার সাথে যুক্তি করি আনিলে না কেন ?
 কেমনে বৃদ্ধারে বঞ্চি’ কহ বাক্য হেন ।
 তব মুখে এই কথা শুনে ফাটে হিয়া ;
 কেমনে হেরিব হায় পদ্মমুখী প্রিয়া !
 হতবিধি কি নিষ্ঠুর বিঘ্নের সৃজন ;
 দেয় না করিতে কেন প্রিয়ার মিলন

সত্য ভাবি' কথা মোর প্রাণেশ তোমার
 অশ্রুপূর্ণ নেত্রে চান মুখে সবাকার ;
 বৃন্দাজী ইঙ্গিতে মোরে করে তিরস্কার ;
 বলিলাম , ব্রজানন্দ ! ছুথ নাহি আর ,
 পরিহাস করেছিনু , প্রিয়াজী তোমার
 আসিছে এখানে শীঘ্র , ভাবনা কি তার ?
 কর্ণের চম্পক কনি , কণ্ঠ গুঞ্জমালা ,
 দিলা মোরে খুলি কানু আনন্দেতে ভোলা,
 'কোথায় প্রেমসী শীঘ্র দেখাও আমায় ।
 শীতল করগো এই তাপিত হিয়ায় !'
 আমি জানাইনু তাঁরে ,—সঙ্কেত জানাতে
 হইয়াছে আমাদের হেথায় আসিতে ;
 কুন্দলতা করে সঁপি সূর্য্যপূজা তরে
 ভটিলা পাঠায়ে দেছে তোমার প্রিয়ারে ।
 বৃন্দাজী সঙ্কেত কুঞ্জ রাখিতে সাজায়ে
 তথা হ'তে গেল তবে আমারে লইয়ে ।
 পথে ধনিষ্ঠার সাথে মিলিত হইলে ,
 কুসুম সরের তীরে সকলে যাইলে,
 চন্দ্রাবলী সখী, শৈব্য্য আমাদের দেখি,
 জিজ্ঞাসে সে কোথা সখী রাখা বিধুমুখী ?
 চন্দ্রাবলী ভদ্রকালী পূজা নিমন্ত্রণ
 করেছেন তাঁরে তহে খুঁজি সে কারণ ।
 আমি কহি বুঝি ছল, অম্বিকা পূজায়
 শ্রামা সখী নিমন্ত্রণ করেছে সবায় ;

তাই মোরা করিতেছি কুমুম চয়ন,
 সত্য ভাবি গেল শৈব্যা শ্রামের সদন
 আমাদের অলক্ষিতে, মোরাও গোপনে
 লুকাইয়া শুনিলাম তার আলাপনে ।
 শৈব্যা কয়, 'প্রিয়সখী অভিসারে আসে
 গৌরীতীর্থে সঙ্কত করিলা তব পাশে ।'
 মদন সুখদা কুঞ্জে তব অভিসার,
 এক সঙ্গে দুই স্থানে হইবে বিহার,—
 মধু তাহা নিভূতেতে শ্রামেরে বলিল ;
 শ্রীকৃষ্ণ শৈব্যারে চিন্তি বলিতে লাগিল ;—
 'রাজা বসুদেব গুপ্তে জানান পিতায়
 কংসচর আজি এক আসিবে হেথায় ;
 গো গণ হরণ করি যাইবে লইয়া,
 সংবাদ দিগাছে পিতা ধনিষ্ঠাকে দিয়া;
 সখীরে বলিও মোর বিলম্ব হইবে,
 উদ্বিগ্ন না হন যেন, তারে বুঝাইবে ।

[শ্রীমতীর বিলাপ]

তুলসীয় হেন বাক্য শ্রীমতী শুনিয়া
 হলেন দুঃখিত, কন সখী সম্বোধিয়া—
 'প্রাণেশ-মিলন দেখ কত বিঘ্নময় ;
 সদা রুষ্ট পতি নিত্য আমায় ভৎসয়,
 দুর্জনা স্বাশুড়ী মোয় খুঁজে সদা দোষ,
 সেয়াকাঁটা ননদীর বহুলা, সন্তোষ,

চন্দ্রাবলী শক্র তার নাথে বদ্ধ রাখে,
 প্রাণনাথ সখাসনে বেষ্টিত যে থাকে,
 তাই তাঁর সাথে কত দুর্লভ মিলন,
 এ অদৃষ্টে বিধাতার কি দুঃখ লিখন !
 তখন বাহিরে এক দৈবক আসিল
 'সুলভ আজিকে বৃষ' কহে শুনাইয়া ।
 শুনি শ্রীমতীর বাম অঙ্গ নৃত্য করে,
 গণকের কথা, তবে সত্য হবে পরে ;
 শ্রামের মিলন হবে বুঝেন ভাবিয়া ।
 হেন কালে উপনীত ধনিষ্ঠা আসিয়া

রাধিকা ।—

কোথা হ'তে এলে, ধনি, আনন্দ ত সব ?

[ধনিষ্ঠার শ্রাম কথা]

গোবর্দ্ধনে দেখে এমু তোমার মাধব ।
 যশোদা পাঠান তথা মিষ্টান্নাদি দিয়া
 নিজ পূজা ভোজনান্তে শ্রামের লাগিয়া
 ইহা জানি' বংশীধারী বাঁশী বাজাইল,
 মানস গঙ্গার তীরে গোচারণে ছিল ;
 গাভীগণ তৃণমুখে উর্দ্ধ পুচ্ছ হ'য়ে
 উর্দ্ধ কর্ণে শুনে বসি' নাথেরে ঘিরিয়ে,
 লেহন করিছে শ্রামে জল করে পান ;
 তাহা হেরি বংশীধারী মহানন্দ পান ।
 মানস গঙ্গায় নামে জলক্রীড়া তবে
 সখা সনে, লুকাইয়া জলখেলা করে ;

গোগণ ব্যাকুল হ'য়ে করে অন্বেষণ,
ভাসিয়া উঠিলে পুনঃ আনন্দ পরম ।
শুকবাস পরে' উঠি সাজেন কুসুমে,
গোগণ ফিরিয়া যায় পুনঃ বাঁশী শুনে ।

বিকচ কদম্ব তলে যুঁথী লতা দিয়া
শাখা লগ্ন তরুরাজি কুঞ্জ নিরমিয়া
রেখেছে তথায়, কত ভ্রমর ঝঙ্কারে
ময়ূর ময়ূরী নাচে পাখী গান করে ;
এই কুঞ্জে গিয়া তবে কৃষ্ণ বলরাম
বসিলেন সখা সনে কর্ণিকার স্থান ;
ছোট ছোট সখা অগ্রে, মধ্যম মাঝারে,
জ্যেষ্ঠ দল বাহিরেতে বসেন আহারে,
পাতার দোনায়ে তবে লয়েন আহার.
শিখরিণী, পানা, মোণ্ডা মোরব্বা, আচার ;
নিজালয় হ'তে সবে যে যাহা আনিল,
পথে পথে পক্ক ফল যে যাহা পাড়িল,
আমি যাহা লয়ে গেলু দিলাম সকল,
পানাহার করে সবে আনন্দে বিহ্বল ;
কেহ অতি মিষ্ট ফল অর্দ্ধেক খাইয়া
কানাইয়ের মুখে তুলি' দেয় খাওয়াইয়া ।
আহারান্তে আচমন, তাশুল সেবন,
নয়ন পত্রে গন্ধ পুষ্পে রচিয়া শয়ন
শ্রীদাম উরুতে রাখি রামেরে শোয়ায়
শ্রীকৃষ্ণ হরেন রত চরণ সেবায় ।

যুমাইলে বলরাম, শ্রাম কহে সবে—
 ‘অশুরের ভয় হেথা, কোথা নাহি যাবে,
 দাদা রহে নিদ্রামগ্ন, রহ’ সাবধানে,
 বেড়ারে আসিগে বটু সুবলের সনে ।’
 বলে দিগ্নু দাসীরে পাত্ৰাদি পাঠাইয়া
 পুষ্প চয়ি’ আদি ব’ল যশোদায় গিয়া ।

আসিয়া নাগর সাথে করিগ্নু মিলন,
 তুলসী কস্তুরী বৃন্দা করে ভাগমন ;
 তুলসী কস্তুরী তব অভিসার আশে
 বৃন্দা বনদেবী দ্বারা কুঞ্জ সাজাইছে ;
 মাধব বনের শোভা দেখিতে দেখিতে
 তব কুঞ্জে আসে বড় ঋতুর বনেতে ।
 বসন্ত ঋতুর বনে ভ্রমর ঝঙ্কারে
 অধীর হয়েছে নাথ পড়েছে ফাঁপরে ;
 কন্দর্পরাজার সেনা, দক্ষিণ পবন,
 পিকধ্বনি আর শত ভ্রমর গুঞ্জন,
 কুমুম সায়ক মারি করিতেছে রণ,
 পরাভূত হন বুঝি তব প্রিয়তম ।
 তাই অতি কাতরেতে পাঠালে আমারে,
 প্রাণ বাঁচাইতে তাঁর তোমা লইবারে ;
 বিলম্ব ক’রনা, রাধে, বড় পীড়া পান,
 কৃতঘ্ন হ’ওনা তাঁর কর পরিত্রাণ ;
 বিপদ আপদে কত রক্ষে তোমাদের,
 এখন সঙ্কট নাশ তব প্রাণেশের’ ।

রাধা বলে,—সে কি কথা ধনিষ্ঠে, কহিলে ?
 মদনমোহন তিনি তা' কি না জানিলে ?
 সেনার কথা ত দূরে, কন্দর্পের রাজ
 নিজে পরাভূত তাঁর কাছে পায় লাজ ।

ধনিষ্ঠা—

তা' নহে, কিশোরি সখি, তা' নয় তা' নয় ;
 তিনি ত থাকিলে একা মদনই ত হয় ;
 তুমি বামে থাকিলেই মদনমোহন,
 না থাকিলে, তিনি খালি স্বয়ংই মদন ।
 এখন কুসুম কুঞ্জে তব কথা মুখে,
 ধৈর্য্য অপহৃত, একা, পরাজিত দুখে,
 নবীন জলদ ছাতি, কনক বদন,
 শিখি পাখা চূড়া, কণ্ঠে মকর ভূষণ,
 চন্দন চর্চিত অঙ্গ, যুথীমালা গলে,
 চরণে নূপুর বাজে, মুরলী অধরে ;
 তব কুণ্ড ঈশানেতে করিতেছে ধ্যান,
 মদন-সুখদা কুঞ্জে করি অধিষ্ঠান ।
 যাও রাধে, উৎকণ্ঠিত নাথ তব তরে
 উৎকণ্ঠিতা তুমিও ত', চল' অভিলারে ।

শ্রীমতী—

ধনিষ্ঠে কহিলে বটে সত্য অবিকল,
 কিন্তু মোর তরে নহে তাঁর এ সকল ।
 তুমি এসেছে শুনি শৈব্যা সনে কথা ;
 চন্দ্রাবলী তরে জেন' এ উৎকণ্ঠা ব্যথা ।

ধনিষ্ঠা—

কিন্তু শ্যাম পুষ্প সর হইতে শৈব্যায়
গৌরীতীর্থে পাঠায়েছে মিছা বলি তায় ;
তব তরে এ উৎকর্থা আমি জানি ভাল',
তোমারে লইতে মোরে পাঠায়েছে কাল' ।
জটিলার পথে এক সখী রাখিয়াছে,
চন্দ্রাবলী পথে, এক, গোবর্দ্ধনে আছে,
বৃন্দা রাখিয়াছে সব পথে পথে থানা,
যাহে নাহি আসে সখা কিম্বা কোন জনা ।

[শ্রীমতীর আক্ষেপ]

তখন আক্ষেপে রাধা কহে, তিনি বিনা,
লহ মোরে তথা সখী, আমি পরাধীনা ।
কুন্দ বলে 'এস রাধে, মিত্রপূজা তরে
সজ্জিত হয়েছ', চল' মোর কর ধরে ।'
অগ্রেতে ধনিষ্ঠা যায় তুলসীজী পরে,
পশ্চাতে শ্রীমতী যায় কুন্দ-কর ধরে ।
প্রিয়র দক্ষিণ করে নীলপদ্ম রাজে,
সিন্দুর চন্দন কস্তুরীর বিন্দু মাঝে;
কামমন্ত্র ফোঁটা ভালে পত্রাঙ্ক কস্তুরী,
দর্শনে শ্যামের অঙ্গ উঠয় শিহরি ;
সিঁথিতে সিন্দুর রেখা, কেশ নবঘন,
নাসার তিলক নাম, মদন-কম্পন ;

শ্রীরূপ মঞ্জরী আদি পূজাদ্রব্য লয়,
 মিষ্টান্নাদি দাসীগণ, ক্রমে বাহিরয় ;
 দক্ষিণে বিশাখা, বামে ললিতা, পশ্চাতে
 সখী মঞ্জরীর সারি চলে বনপথে ;
 দধির পসরা শিরে যাইছে যুবতী,
 সবৎসা গাভীকে দূরে দেখিলা শ্রীমতী,
 চারিদিকে শুভচিহ্ন, মিলন লালসা
 বন্ধ করে, মনে মনে বাড়িতেছে আশা ।
 চাষ পক্ষী, মৃগযুথ, পদ্ম বিকশিত
 খঞ্জন যুগল তায় ভ্রমর গুঞ্জিত,
 প্রাণেশ্বর মুখপদ্ম ক্ষুণ্ণি পায় মনে,
 শ্রামের চরণ চিহ্ন হেরে পরক্ষণে ;
 স্বর্ণ আলবাল ঘেরা তমাল তলায়
 স্বর্ণযুঁথী মাঝে নাচে ময়ূর তথায়
 করি পুচ্ছ প্রসারণ ময়ূরী সহিত,
 রাধাহৃদে শ্রামভাব জাগে বিপরীত ।

শ্রীমতী—

দেখ' লো ধনিষ্ঠে ! ধূর্ত নৃত্য করিতেছে,
 হেরি' আমাদেরও তার সঙ্কোচ নাহিছে,
 এই দেখাইতে তুমি আনিলে আমার
 ধূর্ত কৃষ্ট সঙ্গ হুঁষ্ট পশু ও হেথায় ;
 শ্রামের সুরঙ্গ মৃগ আমার হরিণী,
 তাণ্ডব ময়ূর ভ্যঞ্জে মোর ময়ূরিণী ।

ধনিষ্ঠা হাসিয়া তবে কহিতেছে, সখি,
 বলিব এ সব কথা তাঁরে বিধুমুখী !
 তখন বুঝিয়া রাই তাঁর নিজ ভ্রম,
 শোভা দেখি চলে কিছু পাইয়া সরম ;
 কামবন বাটী কুঞ্জে সূর্য্যের মন্দিরে
 বন্ধাজলি গলবাস প্রণমে সূর্য্যেরে ;
 নির্বিঘ্নে শ্রীকৃষ্ণ-সঙ্গ প্রাপ্তি মাগে বর,
 সূর্য্যকুণ্ডে যান হ'য়ে প্রফুল্ল অন্তর ।

। বৃন্দাজীর আগমন]

হেন কালে বৃন্দা আসি দেয় ইন্দিবন
 শ্যামের অঙ্গের গন্ধ তাহাতে বিস্তর ;
 প্রিয়াজী পাইয়া পদ্য রোমাঞ্চ কায়েতে,
 জিজ্ঞাসিছে 'সখি' বৃন্দে এলে কোথা হ'তে ?
 কোথা তিনি ? কি করেন ? বৃন্দা উত্তরিছে—
 'ঘুরি বনে বনে তিনি নৃত্য শিখিতেছে ।'
 'কেবা গুরু তাঁর ?' রাই জিজ্ঞাসে আবার ;
 'তব মূর্ত্তি-ফুৰ্ত্তি তথা হয় চারিধার ;
 তরুলতা তটিনীরা নাচায় তাঁহার,
 কুণ্ড তট তব রূপে সেজেছে তথায় ;
 স্বর্ণ পদ্য তব মুখ পদ্য সাজিয়াছে,
 খঞ্জন নয়ন, কেশ অলিরা হ'য়েছে ;
 চক্রবাক যুগ্ম স্তন, ফেনা মুক্তামালা,
 তব রূপ স্ফুৰ্ত্তি হেরে নাচিতেছে কালা ।'

রাই কহে 'না গো বৃন্দে শৈব্যা এনেছিল
সে' পদ্য গন্ধেতে শ্রাম উন্নত হইল ।'
বৃন্দা কয় 'বঞ্চনার প্রচণ্ড বায়ুতে
গৌরীতীর্থে ফিরাইয়া দেছে সে গন্ধকে ।'
রাধা কন, 'কাষ নাই, বৃদ্ধার আঞ্জায়
শ্রাম কুণ্ডে, স্নান করি আকাশ গঙ্গায়,
মিত্র পূজা ধ্যান করি ফিরি শীঘ্র ঘরে' ;
বৃন্দা বলে, শ্রাম তব সঙ্গ বাঞ্ছা করে ।'
শুনি কুন্দ বলে 'শঠ বৃন্দে, ছাড় ছল,
বৃদ্ধা বধু মোর সনে পাঠান কেবল ;
করায়ে সূর্য পূজা সত্বর ফিরিতে,
যেথা শ্রাম রম্ম সেথা কভু না যাইতে
বিশেষে বলিয়া দেছে, একি অনুচিত !
মানস গঙ্গায় স্নান মোদের বিহিত ।'
বৃন্দা কয়, 'ভয় নাই মদন বন্ধনে
রাধা ধ্যানে রন শ্রাম মুদিত নম্ননে,
পাতাল গঙ্গায় স্নান কর অনাম্বাসে,
মিত্র পূজা করি পূর্ণ কর অভিলাষে ।
ললিতা কহেন, 'সত্য শ্রাম কি করিবে ?
নিজকুণ্ডে করি স্নান সূর্য্যপূজা হ'বে ;
তবে নারী-স্নান কালে পুরুষ তাহারে
বল গিয়া, বৃন্দে, কোথা যাইতে বাহিরে ;
ব'ল সে রাখাল, তার কাষ গোচারণ,
গোরক্ষা করুক, ক'র আসিতে বারণ ।'

বৃন্দা কন, 'আমি মূছ কানাই প্রচণ্ড,
 তুমি চণ্ডী যাও, বল, তিনি হন চণ্ড ।'
 কুন্দলতা বলে, 'সখি, পশুপতি সঙ্গে
 চণ্ডী গেলে মিলে যাবে তাঁর অর্ধ অঙ্গে ।'
 সখীগণ করে হেরি' হাস্ত পরিহাস
 শ্রীমতী কহেন হ'য়ে মিলনে নিরাশ ;—
 'পিপাসিতা চাতকিনী প্রাণ বাঁচে কিমে
 কেহ না হেরিছ, রহ' হাস্ত পরিহাসে !'
 বৃন্দা কন, 'চাতকী ত মেঘে বারি চায় !
 বাহুপূর্ণ তরে মেঘ এসেছে ধরায় ।'

[রাধাকুণ্ডে]

রাধাকুণ্ডে স্নান তরে যান তারা সবে
 চন্দ্রাবলী জটিলার পথ রোধি তবে ।
 চারি ঘাট রাধাকুণ্ডে, মণির মন্দির,
 প্রতি ঘাট দুই পার্শ্বে, রতন কুটার,
 সোপানের শ্রেণী শোভে রত্নমণিময় ;
 দক্ষিণে চম্পক, পূর্বে কদম্ব নিচয়,
 উত্তরে বকুল আর পশ্চিমেতে আম,
 চারি কোণে মাধবীর কুঞ্জ অভিরাম ;
 বিস্তারিত চতুঃশালা মানস রঞ্জন,
 কুণ্ড পূর্বে শ্রাম কুণ্ড সেতুতে সঙ্গম ;
 পুষ্পবন উপবন উভে ঘেরি রয়,
 ষড় ঋতু ফলফুলে সদা বিরাজয় ;

বৃন্দাজী আদেশে পক্ষী পক্ষফল খায়,
 শাখা নত করি তরু নমে যুগ্ম পায়,
 নানাকৃতি লতামঞ্চ হেথায় সেথায়
 আবৃত উন্মুক্ত উচ্চ নীচ শোভা পায় ;
 শ্বেত রক্ত নীল পীত পদ্ম শোভে জলে,
 সম ভাবে বিকশিত দিবারাত্রিকালে,
 হংস হংসী চক্রবাক ডাহুক ডাহকী,
 সারস সারসী খেলে কুণ্ডে পরিপাটী ;
 অনঙ্গমঞ্জরী কুঞ্জ উত্তর ঘাটেতে.
 ললিতার কুঞ্জ রয় তাহার পাশেতে ;
 রাজপাটী-ধাম-কুঞ্জ হয় তার নাম,
 রাধাশ্রাম মধ্যাহ্নেতে করেন বিশ্রাম ।
 সেবা উপযোগী যত সামগ্রী মজুত,
 চিত্রশালা বেশভূষা রহেছে প্রস্তুত ;
 ললিতানন্দদা কুঞ্জ নামও ইহা ধরে,
 অষ্ট কুঞ্জ অষ্টদিকে ইহার গাহিরে ।

অষ্ট সখী কুঞ্জ এক এক বর্ণ হয়,
 কোন শ্রাম কোন রক্ত কোন পীতময় ;
 তরু লতা পশু পাখী সে বর্ণ ধরয়,
 রাধাশ্রামও প্রবেশিলে সে বর্ণ মাথয় ।
 রক্ত-কুঞ্জ শ্রাম হয়, তুঙ্গের লোহিত,
 চম্পকের পীতবর্ণ, স্ত্রীদেবী হরিত,

ইন্দুরেখা শ্বেত কুঞ্জ চিত্রার চিত্রিত,
 এক সম বর্ণ মণি লতাদি শোভিত ।
 উত্তরে ললিতা কুঞ্জ ঈশানে বিশাখা,
 পূর্বে চিত্রা কুঞ্জ, অগ্নিকোণে ইন্দুরেখা,
 দক্ষিণে চম্পকলতা, নৈঋতে রঙ্গদেবী,
 পশ্চিমেতে ভুঙ্গবিছা, বায়ুতে সুদেবী ।

রাধাকুণ্ডে যেইরূপ শ্যামকুণ্ডে তথা,
 অষ্ট নর্ম্মসখাদের অষ্ট কুঞ্জ গাঁথা ;
 ‘মানস-পাবন’ ঘাট বায়ুতে সুবল.
 রাধিকা সে ঘাটে স্নান করেন কেবল ;
 উত্তরে ‘মধুর ঘাটে’ ললিতার স্নান,
 ঈশানে ‘উজল’ ঘাটে বিশাখার স্থান ;
 অর্জুন, গন্ধর্ব্ব আর কোকিল, বিদগ্ধ,
 সনন্দাদি সখা ঘাটে স্ব স্ব সখী বন্ধ ।

[রাধাশ্যামের দর্শন]

মদন-সুখদা কুঞ্জে রাধারে লইয়া
 বৃন্দা দেখাইল রন শ্রীকৃষ্ণ বসিয়া ;
 নিজ নিজ কুঞ্জে সখী প্রচ্ছন্ন হইল,
 অলক্ষ্য থাকিয়া সব দেখিতে লাগিল ।
 বঞ্চিত হবেন ভাবি প্রথম দর্শনে,
 কেহ না বিশ্বাস করে নিজের নয়নে ।
 শ্রীকৃষ্ণ সুবলে কন ও কি দেখা যায় ?
 লাবণ্য সাগরে কুলদেবী শোভা পায় ?

তারুণ্য-শ্রী লক্ষ্মী কিম্বা আনন্দ-তটিনী,
 প্রাণাধিকা রাধা কি ও চিত্তবিনোদিনী ?
 চন্দ্রানন যিনি মোর নেত্র-চকোরের,
 সুরভি পদ্মিনী যিনি নাসা-ভ্রমরের,
 রসাল মুকুল যেন জিহ্বা-কোকিলার,
 শ্রবণ-হরিণী মুগ্ধা ভূষারবে য়ার;
 কামদাব-দগ্ধ দেহ মত্ত করীবর,
 অমৃত শীতল ও কি নদী স্নিগ্ধকর ?

রাধা বিশাখায় তথা বলে অতঃপর ;—

নবীন তমাল ও কি নব জলধর ?
 ইন্দ্র নীলমণি স্তম্ব, অঞ্জন-শিখর ?
 যমুনা প্রবাহ, মত্ত ভ্রমর নিকর ?
 নীলপদ্মরাশি কিবা ? না না প্রাণনাথ !
 হ'য়েছি কি ভ্রাস্ত, সখি, কর দৃষ্টিপাত ।
 বিশাখা কহিছে 'সখি, সত্য তোমারই
 ললাট তিলক, তব স্তনের কস্তুরী,
 চিবুকের বিন্দু, নেত্রদ্বয়ের অঞ্জন,
 কর্ণের কমল নীল, কেশের লাজ্বল ।'
 রাধাতনু রঙ্গস্থলে করিছে নর্তন
 শ্রাম-নেত্রযুগ, রাধা করিছে পূজন
 নিজ আঁখি-যুগপদে, আর সখীগণ
 অনিমিষে উভয়েরে করে নিরীক্ষণ ?

[রসাস্বাদন]

লালসা বাড়িল ক্রমে নাথ সঙ্গ তরে,
লাজে বাঁধি' ঘূর্ণি নেত্র কটাক্ষপাত করে ;
বিলাসাখ্য অলঙ্কার ইহাকেই কয়,
ললিতালঙ্কারভাব তার পর হয় ।

প্রমাণ যথা :—

“গতিঃ স্থানাসনাদিনাং মুখনেত্রাদিচর্শনাং ।
তৎ কালিকান্তি বিশিষ্টং বিলাসপ্রিয়সঙ্গজং ॥”
“বিদ্যাসোভঙ্গিরঙ্গানাং ক্রবিলাসো মনোহরঃ !
সুকুমারো ভবেদত্র ললিতাতহদাহতং ॥”

চরণ বন্ধিম কটি ক্রলতা চঞ্চল,
ললিতাঙ্গে দাঁড়াইল বিকচ কমল ।
প্রিয়ার দেখিয়া এই ভাব মনোহর,
আসিয়া শ্রীকৃষ্ণ অগ্রে কহেন বিস্তর ;—
‘স্থলিত হ’য়েছে বেশ আসিতে আসিতে,
আজ্ঞা দাও পুনঃ তব সুবেশ রচিতে ।’
লজ্জা শঙ্কা আদি তার দ্বাবিংশভাবের
অভিনয় করে রাধা নিত্য প্রণয়ের ;
কুটিল ভঙ্গিতে শ্যামে দেখিতে দেখিতে
পুষ্প চয়নের ছলে উদ্ভত যাইতে ;
কৃষ্ণ আসি রোধে পথ বহু পসারিয়া
কিল কিঞ্চিত্তভাব রহেন ধরিয়া ।

প্রমাণ যথা :—

“গর্বাভিলাষ রোদিত স্মিতাস্থ্যভয়ক্রোধান্ ।
সঞ্চারি করণং হর্ষমুচ্যতে কিল কিঞ্চিতং ॥”

অরুণ লোচন আঁখি বাঁপ্পাকুল হয়,
স্ফুরিত অধরে হাস্ত কুটিল ক্রময় ;
পুষ্প অবনত তথা কোন তরু হ’তে
ফিরে ধনী যান যেন কুসুম চম্বিতে ।
ছ’পাশে বকুল তরু পুষ্প উপবন,
গোপনে দেখিছে তথা নন্দ্যসখীগণ ;
ভূষিতা ঈর্ষায় তবু চান চলে যেতে,
পার্শ্ব পুষ্প পানে চান যেন লুকাইতে ;
দশনে অধর চাপি ক্রভঙ্গিতে চায়,
ভাবের বিকারে অঙ্গ চলিছে ধরায় ।
শ্রীকৃষ্ণ দেখি সে ভাব বড় সুখ পান,
কহেন কতই হর্ষ করিবারে দান ;—
“কে তুমি এ বনে ঘুর’ চেন না আমায় ?
কুলবধু, দেখি মোরে লাজ নাহি পায় ?
অনঙ্গ চক্রবর্তীর এ বন হইতে
বলিতেছি ত্বরা তোমা হইবে যাইতে ;
আমায় রেখেছে তিনি দিয়া রক্ষাভার,
এক দণ্ড হেথা তুমি রহিও না আর ।”
বিনোদিনী কন তবে, “তুমি কি বলিছ ?
মোদের এ বনে আসি তুমি কি করিছ ?

মিত্রপূজা তরে করি কুসুম চয়ন,
কুলবতী কাছে কেন কর আগমন ?
কে অনঙ্গ চক্রবর্তী কোথা তরে ধাম ?
রক্ষক দেখিনি হেথা আসি অবিরাম ।”

শ্রীকৃষ্ণ কহিছে, “তুমি চুরি করিবারে
আস নিত্য, ধরা আজ পড়েছ এবারে ;
কুলবতী সাধবী তুমি কখন না হও,
নহিলে স্বতন্ত্র হ’য়ে কাননে বেড়াও !
মোরা কভু যুবতীর দেখি না বদন,
আমাদের কাষ শুধু গোঠে গোচারণ ;
দলবল ল’য়ে হেথা নিত্য চুরি কর,
গোপনে ধরেছি আজ নাহিক নিস্তার ;
রাজ সন্নিধানে এবে ল’য়ে যাব’ চল,
রাজদণ্ড পাবে গুরু এখন কি বল ?
যদি বল, না জানিয়া করেছি অশ্রায়,
আর করিব না, ক্ষমা করহ আমায়,
জান না এখানে আরও কত প্রজা রয়,
রাজার জানালে মোরে দণ্ডেব নিশ্চয় ।”
সুধামুখী হাস্ত করি বলেন বচন ;—
“এত’ জানি ষোল ক্রোশ ধাম বৃন্দাবন,
হেথা পুনঃ রাজা কেবা, প্রজা কোথা রয় ?
সকলই মিছা কথা তোমার নিশ্চয় ।

শ্রীকৃষ্ণ—

প্রজা নাই ? বল কি গো, কিসলয় জাল,
 শুক শারী পিক অলি কমল মৃগাল,
 এই সব প্রজাধন করেছ' হরণ
 নিজদেহে, তারা তোমা করে অন্বেষণ ।
 'কামী তুমি' বলি রাই করে পলায়ন,
 পথ রোধি ধরে কান্নু তাহার বসন ;
 তেরছা নয়নে হর্ষে করি নিরীক্ষণ,
 ছাড়াইতে করে ধনী মূঢ় আকর্ষণ ।
 ধনী কহে,—“তুমিই ত চোরের প্রধান,
 সবার মাধুরী হরি' এত রূপবান্ !
 ব্রজাঙ্গনা বস্ত্র মন চুরি কর বলে
 মাতাপিতা কেহ তব বিয়া নাহি দিলে ;
 নিজ নারী নাই, তাই পরনারী আশা,
 সেই কাষ তরে তব এইখানে আসা ।
 বৃন্দাবনে কোন তরু কর'নি রোপণ,
 বরং নাশিছ তরু করি গোচারণ,
 এখন বলিছ বনরাজের রক্ষক,
 রক্ষক নহেক, তুমি বনের ভক্ষক ।
 মোর কুণ্ডারণ্য এই কুঞ্জাগার হোথা,
 পুরুষের অধিকার নাহি কিছু হেথা ;
 মোরা পুষ্প চরি হেথা মিত্র পূজা তরে,
 পররাজ্য নিজরাজ্য বল' কেমন ক'রে ?

পশু সঙ্গে থাক তুমি কর' তা' পালন,
সে তব নিজের কাষ, করগে এখন ।”

এত কহি বিধুমুখী ফিরায়ে বদন
দুই তিন পদ ক্রমে করিছে গমন ।

গমনে রাধার অঙ্গ-নৃত্য নিরখিয়া

শ্রীকৃষ্ণ সাত্ত্বিকভাবে গেলেন ভরিয়া ;

চকিত সরোষে হর্ষে কান য়ের করে

তাড়না করিছে মৃদু রুগু ধ্বনি ক'রে ।

কুন্দলতা আসি তবে কহিছে শ্রামেরে ;—

“আসিয়াছি মোরা হেথা জান' পূজা তরে,

হও তুমি পুরোহিত আজি এ পূজায়,

কামকেলী যজ্ঞ জেন' এরে বলা যায় ;

পঞ্চ দেবতার পূজা করহ' প্রথম,

নবগ্রহ পূজা পরে করহ উত্তম ;

শিখাইয়া দিই আমি হও পূজা রত,

ক্রটি নাহি হয়, যেন হয় মনোমত ।”

কুন্দলতা পূজাবিধি তাঁহারে শিখান,

রাই পঞ্চ অঙ্গে পঞ্চদেব পূজা পান ;

নব অঙ্গে নবগ্রহ পূজা করাইল,

উভয়ের মনঃসাধ নিরবে পূরিল ।

তখন ললিতা আসি কহিতে লাগিল,

‘অজ্ঞ উপদেষ্টা, এক পূজা না করিল,

দশদিক পাল পূজা না করিয়া আগে,

নবগ্রহ পূজা আদি ভাল নাহি লাগে ।

অষ্ট সখী অষ্ট দিকে পূজে শ্রাম তবে,
 শ্রীরূপে উর্দ্ধেতে আর অনঙ্গেরে অধে ।
 কামযজ্ঞে এ অদ্ভুত যজন পূজন,
 কেহ হাসে নত কেহ করিছে গর্জন,
 অঙ্গ ভঙ্গী করে কেহ নয়ন চালন,
 কেহ গালি দেয় কেহ করিছে রোদন,
 ঈর্ষা লাজ হর্ষ বাম নৃত্য বা কম্পন,
 ক্ষণে ক্ষণে কত ভাব হয় প্রকটন ।
 কখন বিনয় ক'রে কয় দাও ছেড়ে,
 কভু হাত ছাড়াইছে বলে রোষ ভরে,
 কখন করিছে স্তুতি কখন বন্দনা,
 তর্জন গর্জন কভু করিছে তাড়না ।
 শ্রাম কন শিব হন জগতে পূজিত,
 পত্নীরে অর্দ্ধাঙ্গ দান করিয়া নিশ্চিত,
 আমি আজ সর্ব অঙ্গ সঁপিব প্রিয়ায়,
 আমার এ যশঃ লোকে ঘোষিবে ধরায় !
 প্রিয়ারে ধরিয়া বলে 'গৌরি, এস এস'
 শ্রীচন্দ্রশিখর আমি সুশীতল বস,
 সর্ব্বাঙ্গ তোমারে আজ করিষু অর্পণ,
 শান্ত শিবময় ভাব আত্ম বিসর্জন ।'
 শ্রামের পরশে প্রিয়া নিম্পন্দ অবশ,
 ভূমিতে পড়েন বসি' বিলুপ্ত লালস ।

বেদ বিধি অগোচর ব্রজের ললনা,
 বিলোপ তাদের নিজ সুখের কামনা ;

আহ্লাদিনী প্রেমলতা রাই কানায়ের,
 ফল পুষ্প শাখা পাতা সখীরা প্রেমের ;
 শ্রাম প্রেমরস সিক্তে লতায় যখন,
 ফুল পাতা সুখ তায় পাইছে পরম ;
 রাধাশ্রাম মিলনেতে সখী শতগুণে
 সুখী হ'য়ে ভাবে শ্রাম মিলে জনে জনে ;
 লতা মূল নাড়াইলে পত্র পুষ্প নড়ে,
 অধিক নর্তন তার বিদিত গোচরে ;
 শ্রীকৃষ্ণ তমাল তরু কান্তি নবঘন,
 পীতাম্বর সৌদামিনী, বাঁশরী গর্জন,
 লীলামৃত বরিষণ ফুল ফুটে তায়,
 নিগূঢ় এ রসাস্বাদ অন্তরঙ্গ পায় !
 রাধাবর্ণ পায় শ্রাম রাধার ভাবনে,
 শ্রামবর্ণ পায় রাধা শ্রামের চিন্তনে,
 নব মেঘ শ্রাম কায়ে বিজলী রাধিকা
 প্রতি লোমকূপে জ্বল ফুলিঙ্গের রেখা,
 ঘন-বিজুরীর খেলা প্রতি অঙ্গে খেলে,
 স্থাবর জঙ্গম জ্যোতি মাখে ধরাতলে ;
 চমকে সাত্বিকভাবে জঙ্গম স্থাবর,
 কুণ্ড মাঝে নেচে উঠে মৎস্য জলচর ।
 নান্দিমুখী শুনে ইহা বৃন্দার নিকটে,
 উভয়ে তন্ময় হ'য়ে প্রভাব প্রকটে ।
 রাধিকা বাগ্যতাভাবে কহিছে ডাকিয়া—
 'দৃষ্টে কুন্দলতে তুমি ললিতা মিলিয়া

ধুষ্ট হাতে দিয়া মোরে হের লুকাইয়া ?
কৃষ্ণ পরশনে তব বিনষ্ট সদগুণ,
করেছ' গ্রহণ তার কুটিলতা গুণ' ।

ললিতা তখন হাসি মিষ্ট রুষ্ট ভাবে
কহিছে তর্জন করি তথায় মাধবে ;—
'ওহে কৃষ্ণ, ধুষ্টরাজ, কি করিছ, কায ?
জান' না মোদের এই সতীর সমাজ ?

শ্রীকৃষ্ণ—

আমার নাহিক দোষ, জিজ্ঞাস' সখীরে,
কেন তিনি মোর কণ্ঠ বেড়েন ছ'করে ।

ললিতা—

পুনাগ তরুকে চির মাধবীর লতা
করয় বেষ্ঠন, তরু করে কি গো তা ?
এ তব করম কিবা, করিছ বেষ্ঠন,
তরুবর হ য়ে লতা কর আক্রমণ ?

শ্রীকৃষ্ণ—

কি কহ ললিতে ! দেখ করিয়াছি দান
সর্বদা আমার ষাঁয়, কি করে আদান
করি পুনঃ, তায় হবে দত্তাপহরণ,
মহাপাপ, তাহা কিসে করি আচরণ ।

তখন ললিতা কটিবাস বাঁধি চলে—
'শঠ তুমি, মোর সনে পারিবে না বলে',
কৃত্রিম রোষেতে কয় 'ছাড়' মোর সখী,
কুন্দেরে লইয়া রঙ্গ কর গিয়া দেখি ।'

পতিত শ্রামের বাঁশী গোপনে অঞ্চলে
চুরি করি,' ভুলাইয়া রাই গেল চলে ।

বিশাখা তখন আসি হরষেতে কয়—
'কানাই, তোমার এটি কাষ কভু নয় ;
তুমি রাছ বিধুস্তদ, চন্দ্রাবলী-শনি ;
ব্রাস্ত হ'য়ে গ্রাস' রাধা, অবিচার মানি ;
রাধাখ্য নক্ষত্র এটি, তারা সখীগণ
রাছ ত নক্ষত্র গ্রাস করে না কখন ;
বিশাখা নক্ষত্র আমি রাধা অঙ্গ জেন'
অনুরাধা বলে এই ললিতায় মেন',
ধনিষ্ঠা হইছে জেষ্ঠা, চিত্রাই ভরণী,
একে একে কত নাম কহিব বা আমি,
এখানে সকলে জেন নক্ষত্র-সঙ্গিনী,
আছে মাত্র একটুকু ইন্দুরেখা ধনী,
সে সামান্য, রাছ-ভোগ্য নহে কদাচিৎ,
চন্দ্রাবলী কাছে তব যাওয়াই বিহিত ।'

[বংশী-চুরী]

নানা রস আলাপনে গেলে কিছুক্ষণ,
বাঁশরীর কথা শ্রামে হইল স্মরণ ;
শ্রীমতীরে কন তুমি চোরের প্রধান,
ভুষ্ঠা নাহি হও বুঝি ল'য়ে মন প্রাণ,

আমার বাঁশরী কেন করিলে হরণ ?

ল'য়ে যাব রাঙপাশে করিয়ে বন্ধন ।

কহেন ললিতা তবে করিয়ে তর্জন—

‘সখীরে ছুঁওনা, ধূর্ত, করিছি বারণ,

শৈব্যা আসি’ ল'য়ে গেল’ বাঁশরী তোমার,

চুরি অপবাদ কর’ এ সাধবীজন্য ?

বাঁশরী খুজিছে হরি এখানে সেখানে

হাতে হাতে সরাইছে সখীরা গোপনে ;

কখন বিশাখা নয়, কভু বা ললিতা,

কখন শ্রীরূপ, কভু নয় কুন্দলতা ;

জনে জনে ফিরে ঘুরে শ্রাম ধরে করে,

স্পর্শে তার স্বাত্বিকাদি ভাব সবে ক্ষুরে ।

কোন বান্ধা বলে ছলে, ছুঁওনা আমায়,

না পেলে বাঁশরী বল’ সাজা পাবে তায় ;

রাধা-সহচরী মোরা পদেও ছুঁই না

নীলমণি চিন্তামণি গ্রাহই করি না,

কি এক সামান্য কাঠ, ছুষ’ তার লাগি

সহিদ্র, কঠিন, গুরু, প্রয়োজন তা’ কি ?

রাধিবীর তরে কত হেন কাঠি আছে,

ক’খানা লইতে চাও আমাদের কাছে ?

এক পাব বাঁশে তব ব্যস্ত চরাচর,

গিয়েছে সে বাঁশী গুড হয়েছে বিস্তর,

সময়সময়ে মোদের করে সে চঞ্চল,

চমকে খুসিয়া পড়ে কুন্দল-অঞ্চল ;

পশুরাও মুখে তৃণ খাইতে না পার,
 প্লুকে সে সব শুনি তব পানে ধায় ;
 এবে শান্ত পবনের বায়ু সঞ্চরবে,
 যমুনার স্রোত এবে সুধীর বহিবে ;
 সকলে করেছ' ছুট, সেই বাঁশী দিয়া,
 সে দোষে হারায় গেছে, বেড়াও খুঁজিয়া ।

কেহ কহে—না, না হের' কালিমা বদনে,
 মলিন ও মুখ কিবা বাঁশরী বিহনে !
 পেয়ে থাক' যদি কেহ, দাও ত্বরা করি,
 নাথের মলিন মুখ হেরিতে না পারি ।

কুন্দ কয়,—হায়, হায়, একি ব্রজরাজ ?
 ছিদ্র-বাঁশ তরে ছুথ, পাই যে গো লাজ !
 এমন পুরুষ তুমি, বিষাদিত মন,
 দেখ হেরি' হাসিতেছে যত সখীগণ ।
 শ্রাম কন,—এইরূপ কভু না বলিতে
 যতপি বাঁশরী-গুণ তোমরা জানিতে ;
 বাঁশী মোর অনায়াসে ইচ্ছা পূর্ণ করে,
 বাঁশী মোর দেবতারও প্রাণমন হরে,
 সর্বশক্তি স্বরূপিণী গুণেতে অধিকা
 এর গুণ জানে কিছু বিশেষ রাধিকা ।

ললিতা কহিছে ঠাটে,—জানি, শ্রাম, জানি,
 অর্ধ কপর্দক মূল্য তব বাঁশীখানি ;
 কায তব কুলবতী কুল নাশ করা,
 ঐ কাযের তরে তব বাঁশী করে ধরা ।

গিয়াছে ভালই, যাক্, দিব মোরা দাম,
না হয় এক পূরা কড়ি, হবে দুই খান ।
না হয় নূতন বাঁশী ভিলানী কুঞ্জরী
গড়ে দিবে, ছিল ভাঙ্গা তোমার বাঁশরী ।

কেহ বলে—উৎকোচ দেহ' কিছু আগে,
তবে যদি বাঁশী পাও, নহিলে না পাবে ।
এদিকে সাধক দাসী রাই-কর হ'তে
ল'য়ে বাঁশী বৃন্দাজীর কুঞ্জে যায় দিতে,
বৃন্দাজী পাঠিয়া বাঁশী মস্তকে করেন,
চুষেন বদনে কতু হৃদয়ে ধরেন ।
'সুদ্র বংশে জন্ম লভি' বংশ ধন্য কর,'
'রাধাশ্যাম লীলা সঙ্গী ধন্য বংশীবর' ।

[রাই-অঙ্গ বর্ণন]

কতু রাই লুকাইছে খুঁজে রসরাজ,
বংশীহারা প্রাণহারা বিগলিত সাজ !
মিলিত হইলে পুনঃ বাড়িছে আনন্দ,
পুলকান্তে সখীবৃন্দ করে কত রঙ্গ ।
রাধা অঙ্গ ক্ষত হেরি' হাসে সখীগণ
রাই কন,—শ্যাম ভয়ে ঢুকি কাঁটা বন ।
প্রিয়া-অঙ্গ সখী সবে করিছে বর্ণন—
কুচ-শঙ্খ শিরে অর্ধ চক্রে লিখন ;

শঙ্খশিরে অর্ধচন্দ্র দিবসে মলিন,
 নিকলক এই চন্দ্র সম রাতিদিন ;
 কালী-নাগ শিরে পদে করিয়া নর্তন,
 চরণের চিহ্ন তাহা করেছে ধারণ ;
 এখানেতে কর চাকু নর্তন করায়
 ধরিয়াছে অর্ধচন্দ্র কর রেখা তায় ।
 শ্রীঅঙ্গ-কনকলতা ওষ্ঠ-বিশ্বফলে
 তমাল-আশ্রয়ে ক্ষত করে বায়ুবলে ।
 রাধা-অঙ্গ সুরনদী মত্ত করী দলে,
 চক্রবাক্যুগ তাই ক্ষত অবহেলে ।
 বক্ষঃ-স্বর্ণকোটা হ'তে করিতে হরণ
 মণিচোর-নখ-খুস্তি দিয়া এ খনন ।
 শ্রীঅঙ্গে দাড়িম্ব ফল করিতে ভোজন
 পীতাংগুক পাখী নখে করে বিদারণ ।
 নাভিসরঃ হ'তে উঠে রোমাবলী নালে
 ফুটে ছ'টা পদ্য মুখ-চন্দ্রোদয় কালে ।
 শ্রীঅঙ্গ এ যজ্ঞশালা নাভি কুণ্ড তায়,
 নিতম্ব বেদীতে, যুগ্ম কলস শোভয়
 রোম শ্রব, গণ্ড পীঠ, কণ্ঠ শঙ্খময়,
 করাদি হোতারী প্রেম যজ্ঞাহুতি দেয় ।
 তনু অঙ্গশালা,—ভুরু-ধনু, নেত্র বাণ,
 নামা-অসি, কর্ণ-ছিলা, পলকের টান,
 কুচ-ঢাল, গণ্ড ফল, বাহু পাশ হয়,
 নিতম্ব রথাস্র আর বেণী-খড়গ রয়,

নথাকুশ, পরিখোরু, পদাতিচরণ,
 শ্রীকৃষ্ণ জয়েতে হাশ্র বাণ সন্মোহন ।
 সুরধুনী তনু কিবা ছ'বাহু মৃগাল,
 কুচ কোক মুখ কর পদ পদ্যমাল ;
 অলকা ভ্রমর তায় নেত্র ইন্দিবর,
 শিহালা তায় রোমাবলী, হাশ্র চন্দ্রকর ;
 শ্রাম-মত্তকরী বাহু-গুণ্ড আক্ষালানে
 মৃগাল কমল কোক দলে ছষ্ট মনে ।
 পদ কর পদ্য বলে কেমনে বা মানি,
 উনবিংশ চিহ্ন কোথা কমলে বাথানি ;
 উনবিংশ চিহ্ন যদি থাকিত কমলে,
 পদ কর তুল্য তাহা হইত তা হ'লে ।
 পদ-নখে দশ চন্দ্র রহেছে শোভিত,
 চন্দ্রাবলী স্মৃতি কৃষ্ণে করে জাগরিত ।
 কিশোর রাজার ধন পূর্বে অঙ্গ ছিল,
 তারুণ্য ভূপতি এবে দখল করিল ;
 মধ্যের সম্পদ হরি' বক্ষেতে রাখায়
 ঘণ্টিকা ফুৎকার করে, গুল্ফেরা লুকার
 কাটি মধ্য বন্দ হইয়ে বাদ মিটাইতে
 ত্রিবলী সীমানা মধ্যে হইল বচিতে ;
 ঘণ্টিকা-শৃঙ্খলে জজ্বা শ্রাম-মন-অজ্ঞে
 বাঁধে; জাম্বু-স্বর্ণপুটে নেত্র তথা ভঞ্জে ।
 কৃষ্ণদেব অধিষ্ঠান মন্দির সূচারু,
 স্বর্ণগুণ্ডময় হের রাধা গুরু উরু ।

নিতম্ব পুলীন যেন, কটি অঙ্গি গণি,
 ত্রিবলী যমুনা, ঘণ্টি সারসের ধ্বনি ;
 শ্যামের শ্রবণ নেত্র খঞ্জন পাখীরা
 সর্বক্ষণ ও পুলীনে নৃত্য করে তারা ।
 প্রেম স্নেহ প্রীতি স্বত মধু চিনি দিয়!
 কর্পূর মরীচ হাস্য ঈর্ষা মিশাইয়া,
 ওষ্ঠাধরে ভুজিবারে রসালা মিলন
 শ্রীমতী করিছে নিত্য শ্যামে পরিবেশন ।

শুণের পেটিকা রাই হাশ্বে ফুটে ফুল,
 পদ্যগন্ধে করপদ লক্ষ্মী সমতুল ;
 লাবণ্য কন্দর্প জিনি অতুল সৌন্দর্য্য,
 সুধাসিন্দু ধারা সম অনূপ মাধুর্য্য ।
 বৃন্দা আসি কহে হের' নান্দিমুখী আসে,
 পৌৰ্ণমাসী পাঠালেন বলি তার পাশে,
 কলহ মিটায় ল'তে বল' দুজনায়,
 রাজভয়, মাত্র তার সময়ইত যায় ;
 যদি নাহি মিলে, দোষ দেখে এস' কার,
 ভাল ক'রে জেনে শুনে করিয়া বিচার ।'
 শ্যাম কয়—জানা তব সকলই ত আছে,
 নির্দ্বন্দ্ব করিয়া বন, বাঁশী হরিয়াছে,
 ল'য়ে গেলু ধরি তাই নিকটে রাজার,
 দিতে মোর বাঁশী ল'য়ে করিয়া বিচার ;
 কিন্তু, রাই মিছা কথা বলে ভুলাইয়া—
 গোপ সনে আমি নাকি খেলু চরাইয়া

ভগ্ন নষ্ট করিয়াছি বন ফুল ফল
 নিজাঙ্গ শোভায় উনি পূরে সে সকল ;
 সকলই আমার দোষ উনি দেখাইল,
 পক্ষপাত তাহা শুনি নৃপতি করিল,
 তারে দণ্ডিবার ছলে দণ্ডিলা আমার,
 হের' দেহে মোর তার চিহ্ন দেখা যায় ।
 'তাই', কহে নান্দিমুখী শ্রীবৃন্দা তখন,
 'রাই অঙ্গ শোভা বন করেছে ধারণ,
 কালরূপ কৃষ্ণ ত্যজে গৌরাঙ্গ হয়েছে,
 কি কর' গরব ? তব রূপ কোথা গেছে ?'

[যোগপীঠ মিলন]

মধু তবে হাত ধরি শ্রীকৃষ্ণে তখন
 এস,' ভাই, বলে তারে করে আকর্ষণ,
 ধরে লয়ে শ্রামে রাধা-দক্ষিণ পার্শ্বেতে
 দাঁড় করাইলা, দুই কান্তি মিলে তা'তে ;
 মরকতমণি রূপ হ'ল বনময়,
 স্থাবর জঙ্গম কীট রূপবান্ হয় ;
 শ্রীমধুমঙ্গল নাচে সন্মিত আননে,
 শ্রীবৃন্দা ধাইয়া আসে পবন গমনে ;
 পবন পুরিয়া বাঁশী বাজিয়া উঠিল,
 শ্রীবৃন্দার কাছে যাহা লুকান আছিল ।
 বংশীচোর বলি ধরা বৃন্দাজী পড়িল ;
 'শৈব্যা হাতে ছিল বাঁশী' বৃন্দাজী বলিল,—

'ককটী বানরী তাহা চুরি করে ল'য়ে
 জিজ্ঞাস' মন্দিরে বাঁশী সেই গেল দিয়ে
 কুন্দলতঃ লয়ে বাঁশী শ্রাম করে দেয়,
 কদম্বের মূলে মিলে মাধব রাধায় !
 শ্রীকদম্বতরুমূলে যোগপীঠ স্থান,
 অষ্টদল পদ্য চারি মণি অধিষ্ঠান,
 সিংহাসনে দাঁড়াইয়া সুবন্ধিম ঠামে
 করে কণ্ঠ আলিঙ্গিত রাই নত বামে,
 পাবিকা শ্রীমতী করে, অষ্ট দিকে সখী
 সেবা উপাচার লয়ে বিমোহিত দেখি ,
 ব্যাপিল ভুবন শ্রাম-বাঁশরীর রব ;
 পুলকিত জর্জরিত অমর মানব,
 পর্কিত গলিত হ'য়ে সলিল হইল,
 রাধাকুণ্ড নীর জমি' হংসিনী বাঁধিল ;
 স্থাবর জঙ্গম হয়, জঙ্গম স্থাবর,
 গোবর্দ্ধন গলে, শ্রোতে ভাসিল প্রান্তর,
 শুক্ক তরু মুঞ্জরিল, থামিল বাতাস,
 তৃণ মুখে মৃগ গাভী ফেলে নাক' শ্বাস ।
 সখিগণ-হৃদি চারু পুলকে শিহরে,
 অষ্ট সখী দাঁড়াইল রাধাশ্রামে ঘিরে ;
 যোগপীঠে যুগলের অপূর্ব মাধুরী,
 নয়ন যাহার আছে হের' নেত্র ভরি ;
 পদে পদে ফুটে আছে কমলের দল,
 নথরেতে শত শশী করে ঝলমল,

ত্রিভঙ্গ মিলেছে দুই শ্রামের রাধার,
 শ্রাম বনমালা চুমে রাই মণিহার,
 নীলকায় কেড়ে লয় ও নীলবসন,
 পীতধড়া গোরাক্ষীরে করে অব্বেষণ,
 শিখিপুচ্ছ হয় চূড়া দেখ' প্রেমিকার,
 কুণ্ডলের রূপ সহ তুলে রূপ তার,
 উভ কণ্ঠ বেড়িয়াছে 'হু'য়ে দুইকরে,
 দুইজনে এক বাঁশী দুই করে ধরে,
 এক রক্কে দু'বদন করিয়া অর্পণ,
 কৃষ্ণ ডাকে রাধে, রাধা কৃষ্ণ কৃষ্ণ কন ;
 'রাধেকৃষ্ণ' 'রাধেকৃষ্ণ' সুললিত সুর,
 ভাসিল ভুবন ভারি ললিত মধুর ;
 যে দেখেছে সে মাদুরী যে শুনে সে জানে,
 আমি কি করিতে পারি বর্ণনা এখানে !
 সে মধুর বাঁশীরবে সখী-মঞ্জরীরা
 মিশাইয়া 'রাধেকৃষ্ণ' গাইছেন তারা ;
 কোকিল কোকিলা গায় ময়ূর ময়ূরী,
 'রাধেকৃষ্ণ' বলে নাচে ভ্রমর ভ্রমরী,
 ত্রিভুবন ভারি এক 'রাধেকৃষ্ণ' গায়,
 জয় রাধেকৃষ্ণ, ধন্য, রাধেকৃষ্ণ জয় !

[ষড়ঋতু বন বিহার]

ষড় ঋতু সখী-বেশে করে আগমন,
 রাধাশ্রাম যুগলের করিতে পূজন ;

আসিয়াছে ল'য়ে সবে ভেট উপহার,
 উপায়ন কতবিধ সেবার পূজার ।
 প্রথম বসন্ত ঋতু অতি শোভাময়,
 আয়েতে মাধবীলতা পিক কুহুরয় ;
 গ্রীষ্ম ঋতু সনে আসে মল্লিকা শিরীশে
 ধর্ম্মাট পক্ষীর ধ্বনি হয় দিশে দিশে,
 বর্ষায় কদম্ব সাথে যুথীলতা রাজে,
 ময়ূর ময়ূরী নাচে অপরূপ সাজে ;
 শরতে দ্রক্ষার লতা মালতীর মাঝে,
 হংস সারঙ্গাদি নীরে আনন্দে নিনাদে ;
 হেমন্তে তমাল বৃক্ষে ডাহুক ডাহুকী,
 করে সুমধুর ধ্বনি তথা থাকি' থাকি' ;
 শিশিরেতে ত লবৃক্ষে পাখী ভরদ্বাজ
 ডাকে বসি, কুন্দপুষ্প ফুটে জলমাঝ ।
 অষ্টমণি-ভূমি পরে মণিময় তরু,
 ভিন্ন বর্ণমণি-শাখা ফুল ফল চারু,
 নীল পীত রক্ত শ্বেত বৈভব্য প্রবাল,
 ভূমে পড়ে প্রতিবিম্ব, পল্লব রসাল,
 ভাবি মৃগ ধায় তথা করিতে ভোজন,
 হেমারুণ ফল ছটা করি' নিরীক্ষণ ;

এরূপ বনের শোভা দেখি ভ্রমে সব
 পুষ্পছত্র ধরি পিছে চলেছে সাধক ;
 চামর-বীজনে কেহ মালা পরাইছে,
 মাধবী-মণ্ডপে পরে যুগল বসিছে ।

বৃন্দা কন, তোমা দৌহে ঈশ্বর ঈশ্বরী
 ষড় ঋতু লক্ষ্মীরূপে আসিয়াছে হেরি,
 পূজিবারে তোমা দৌহে ষড়োশোপচার,
 লইয়া এসেছে ওই দ্রব্যের সম্ভার ;—
 পাণ্ড অর্ঘ্য দুর্ঝাকুর, আচমন জল,
 শ্রীকুঞ্জের পুষ্পরেণু গন্ধ সুশীতল,
 মকরন্দ স্নান তৈল, কুসুম বসম,
 তিলক তিলক তরু, গিরিধাতু শমঃ ;
 কেতকীর অলঙ্কার, শিখিপাখা ভূষা,
 বকুলের সিঁথিপাটী, বেলা-বাজু খাসা,
 কণ্ঠভূষাহার রচে বাঁধুলি ভূষণ,
 বৈজয়ন্তী পত্রপুষ্প তুলসী রচন ।
 মাধবী মালতী যুঁথী পদ্ম পঞ্চমালা,
 পরাগ বায়ুতে উড়ে দীপ ধূপ জ্বালা,
 পুনাগ ঘণ্টিকা, কুন্দ নূপুর ভূষণ,
 ফলাদি নৈবেদ্য সহ তাম্বুল মোহন,
 ঝিল্লিধর্ম্মাটের বাণ্ড, শুকশারী স্তুতি,
 শিখি নৃত্য, পিকগান, তরুশাখা নতি,
 বৃক্ষলতা জড়াইয়া মন্দির নির্মিত,
 লতার কলস দ্বারে, পতাকা পুষ্পিত ।
 ষড়-ঋতু-লক্ষ্মী, দেব, আসিয়াছে দ্বারে,
 কৃতার্থ হউক, তায় দাও পূজিবারে ।

[বসন্ত-ঋতু-বনবিহার]

কহিছে মধুমঙ্গল— মধু ঋতু বনে
 বসন্তের শোভা হের ভাই ।
 পিক মধুপান রত আশ্রয় মুকুলেতে
 কুহ রব গুন' হে কানাই ।
 চম্পাকেতে স্বর্ণ যুঁথী কাঞ্চনে মাধবী
 পুনাগে মল্লিকা শোভা পায়,
 কিংগুকাদি প্রস্ফুটিত, ভ্রমর গুঞ্জন,
 চামরীরা ঝাড়ু দিয়া ধায় ।
 মণ্ডপে বসিলা দৌহে, হোরি খেলিবার
 করে বৃন্দা সখী আয়োজন,
 আবির গুলিছে চূর্ণ, কঙ্কুম চন্দন,
 গোলাপের সলিল সিঞ্চন ।
 মন্দারজ পঙ্কজল অগুরু কর্পূর
 আতর সিন্দূর গন্ধচূর,
 পুষ্প অলঙ্কার মালা কত চূর্ণ দ্রব,
 কমল শিশিতে ভরপুর ।
 মণিময় শিচকারী পুষ্প ধনু বাণ,
 দেখে সজ্জা শ্রাম হরষিত,
 খেলি এস' হোরি খেলা, কহেন রাধায়
 রাধা কন হবে পরাজিত ।
 মধু স্তবলাদি হেথা নন্দ্য সখীগণ,
 সখীগণ ওধারে দাঁড়ায়,

তাম্বুল রঞ্জিত ওষ্ঠে

গায় মধুস্বরে

রং দেয় খেলে আর গায় ।

কুন্দলতা নান্দিমুখী

শ্রীবৃন্দাজী দেখে,

আর সবে খেলায় বিভোর,

কেশর কস্তুরী পঙ্ক

গন্ধচূর্ণ ছোড়ে

পিচকারীর রংজল ঘোর ।

অরুণ বরণ দিক্,

লাল কুয়াশায়,

হয় যেন কিবা প্রেমরণ,

অলক্ষিতে আসি কানু

রাইয়ের বদনে

করিতেছে আবির লেপন ।

সুস্ম গুরু বাস সব

লোহিত হইল,

কভু শ্রাম, রাধা পঙ্ক বলবান্,

পিচকারী সনে করে

কটাক্ষ ক্ষেপণ,

পুষ্পধনু ছুড়ে পুষ্প বাণ ।

মণিরন্ধ্রে একধার

ফুটে শতধারে,

আকাশেতে সহস্র ধারায়

পড়ে লক্ষ ধারা হ'য়ে

আতর গোলাপ

ভিজাইছে গোপাঙ্গনা গায় ।

কভু রং ধূলি উড়ে

করে অন্ধকার,

দ্রব রংএ ইন্দ্রধনু ফোটে ।

কঙ্কনের বন্বনায়

হাস্তের কাকলা

অপরূপ শোভা তথা ঘটে ।

কুসুম কস্তুরী পুষ্প,

চন্দন পরাগ,

বারবার করিছে ক্ষেপণ

কেতকী কদম্ব যুঁথী ইন্দুকীট শোভে
 ময়ূর ময়ূরী নাচে গায়,
 যুঁথীমণ্ডপেতে আসি বসে রাধাশ্যাম,
 কুসুম রঙ্গীন বস্ত্র গায় ।
 মণিবন্ধ পদ্মাকৃতি, হিন্দোলা দেখিয়া
 যুগল বলেন উঠে তায়,
 কদম্ব ফুলের মালা মৃদু বরিষায়
 সখী সব হাসে নাচে গায় ।
 সখীগণে জনে জনে শ্যাম ল'য়ে দোলে,
 রাই তায় দোলায় নামিয়া,
 কানাই নামিয়া কভু সখীসহ রাইএ
 আমোদিত হন দোলাইয়া ।
 বাজান বাঁশরী কভু শুনি' সেই রব
 পশুপাখী তরুরা অবশ,
 মঞ্জরী সাধক দাসী হেরিছে মাধুরী
 সেবা করে হ'য়ে পরবশ ।

[শরৎ ঋতু বন বিহার]

নিরমল নভস্থল, শরৎ আসিল,
 চারি বর্ণ পদ্ম ফোটে নীরে,
 হংস মারদাদি খেলে, স্থলে সেফালিকা
 ভ্রমরের স্পর্শে পড়ে ঝরে ।

নুপুর কঙ্কন জিনি হংস সারসের ধ্বনি,
 শোভা হেরি বেড়ায় সকলে ।
 সখীরা গাঁথিয়া হার পরাইছে শ্যাম রাইয়ে
 রাধা মুখে উড়ে ভৃঙ্গগণ,
 তুচ্ছ করি পদ্মফুল মুখ-সৌরভে আকুল,
 নীলপদ্মে করিছে তাড়ন,
 অলি তবু নাহি যায়, পুঞ্জ পুঞ্জ গুঞ্জি ধায়,
 তরাসে শ্যামেরে ধরে আসি,
 কঙ্কন গুঞ্জন সনে হেরিয়া কর চালনে,
 শ্যাম মনোমদে রন ভাসি ।
 অঞ্চল নাড়িছে কভু যায়না অলিরা তবু,
 নীল-বাসে মুখ লুকাইল,
 সে ভাব হেরিয়া সখী ফোটা পদ্ম আনে দেখি.
 উড়ে অলি তাহাতে বসিল ;
 রাধা-মুখ নাহি পেয়ে, পদ্ম সনে অলি লয়ে
 সখী দূরে সরিয়ে আনিল,
 তখন প্রশান্ত হন, এদিকে শ্যাম কখন
 সখীগণ মাঝে লুকাইল ।
 রাধিকার মুখ ঢাকা, হয়নি শ্যামেরে দেখা,
 খুলে মুখ শ্যাম কোথা বলে,
 'লয়ে বুঝি পদ্ম অলি গেল যেথা চন্দ্রাবলী'
 মুখ টিপি' সখী কয় ছলে—
 'এতই বিহ্বল হ'লে, জড়িত অঙ্কিতে ছি'লে,
 তবু নাহি জান সে সন্ধান ?'

ধনিষ্ঠারে কয় ডাকি মোরই দোষ সব সখী

ক্ষুক মন বড় ত্রিয়মাণ ।

তাঁহার আলাপ মুখে, ভ্রমে অণু সহ সূখে,

বঞ্চিছে আমার রাতদিন

বার বার বহুবার দেখি তাঁর এ ব্যাপার,

শৈব্যা দূতী আসে প্রতিদিন ।

আমারই অদৃষ্ট দোষ সদাই উৎকণ্ঠা ভোগ ;

না, না, তিনি সর্বগুণময় ;

কি করি বল' গো আমি, কেমনে পরাণ স্বামী

পাই, সখি কর গো উপায় ।

“ফাটিছে হৃদয় মোর ঘুরে সর্ব তনু,

শরীর হইল মোর প্রাণহীন জনু,

যত কিছু গর্ব মোর সব যাক্ দূরে,

যত মহিমা মোর যাক্ দিগন্তরে,

লজ্জা ধৈর্য্য আদি সব যাক্ মোর ছাড়ি,

শুনহ' ললিতা তোরে বন্দনা যে করি,

হা হা কৃষ্ণ প্রাণনাথ দেখাও আমারে,

নতুবা পরাণ মোর যার দেহ ছেড়ে ।”

ললিতা কহিছে 'রাই, এমন করিতে নাই,

শুনে শ্রাম বঞ্চিবে অধিক ;’

কৃষ্ণ হেরি কাতরতা, না পারি, অসিল সেথা,

হাস্তমুখী হেরে প্রেমাধিপ ।

কিস্ত, একি, বক্ষঃস্থলে নিজ বিশ্ব হেরি বলে—

কা'রে বক্ষে ধরিয়াছ, নাথ ?

মোর অপমান তরে এনেছ দেখাতে মোরে ?
কথা নাহি ক'ব তব মাথ ।

শ্রীকৃষ্ণ—

এ যে বনদেবী , রাই, তোমারই সখীটী তাই,
তব সনে অভিন্ন হৃদয়,
যুরে এ যে বনে বনে, তব তরে মোর সনে,
এল' জোরে ধরে বক্ষে রয় ।
লহ এরে ছাড়াইয়া তব সখীরে ধরিয়া,
বিব্রত করি'ছে মোরে বড়,
সখীরে হাসিয়া কয়, ধর 'ওরে স্নানিশ্চয় ;
ঘুচিল ধরিতে ভ্রম মূঢ় ;
শ্রাম অঙ্গ মরকত দর্পণে রাধার মত
আকৃতি ফুটিয়া ছিল বুঝে,
সবে হাসে গলাগলি, রাধা নম্রমুখী খালি,
শ্রাম অঙ্কে ধরে, কাল বুঝে ।

[গ্রীষ্ম-হিম যুগে ঋতু বনবিহার ।

গ্রীষ্ম-হিম ঋতু হেরি বিরাজিত দুইদিকে,
আসি সবে পশে ফুল্লমন,
অশোক শিরিশ চম্পা পরিপক্ক আম্র ফল,
ঝিল্লি চাশ টিটিভ কুজন ।
ওদিকে হেমন্ত-বনে তমাল নারাজি ফল
পীত ঝিল্লি পক্ষী হরিতাল,

তৃষ্ণা নিবারিতে তবে শ্রীবৃন্দাসুন্দরী
 পুষ্প হ'তে মধু কিছু আহরণ করি
 পদ্যপত্র মধুপাত্রে সম্মুখে ধরিল,
 নিজ মুখ-পদ্য বিশ্ব তাহাতে হেরিল ।
 নীল স্বর্ণ পদ্য এক বৃন্তে বিকশিত,
 হেরি' দৌহে দৌহারূপ আরও পুলকিত ।
 মধুপাত্রে নেত্রে মুখপদ্য মধুপান
 করিলে কি হয় সত্য তৃষ্ণা অবসান ?
 জিহ্বা দিয়া আশ্বাদন করিতে গ্রহণ
 রাধা করে মধুপাত্র করিল স্থাপন ;
 রাধা ঘ্রাণ ল'য়ে শ্যামে দেয় ফিরাইয়া
 শ্যাম পুনঃ দেয় রাইএ নিজে কিছু পিয়া ;
 চোষক যন্ত্রেতে পূরি' মধুপান করে'
 তাঁরা পিলে, সখীরাও পিয়ে পরে পরে ।
 মোদক লড্ডুক তবে করায় ভোজন,
 হইল তখন সবে অনন্দ মগন ।
 মধুপানে বিহ্বলতা স্থলিত বচন,
 কম্পিত হইছে কার, ঘূর্ণিত নয়ন !
 সহস্র সহস্র সবে কৃষ্ণ মূর্তি হেরে,
 সহস্র সহস্র রাধা বামে শোভা করে ;
 অসংলগ্ন কথা কয় হাস্য বা রোদন,
 গদ গদ স্বর, বাস নহে সম্বরণ ;
 ক্রমে সবে নিদ্রা যান নিজ কুঞ্জে গিয়া,
 বনদেবী রচে শয্যা পূর্বে পুষ্প দিয়া,

যেন মত্ত হস্তী বনে, সঙ্গেতে করিণী গণে,
বহু সঙ্গে নামে কুণ্ড জলে,
নিজ মুখে খেলা করে, যাতে শ্রম যায় দূরে,
কৃষ্ণ গোপাঙ্গনা সনে চলে।”

সখীগণ কেহ তটে কেহ হাঁটু জলে,
হাসি ভাসি শ্যাম অঙ্গে জল সেচে খেলে।

হংস সারসাদি সব জলচরগণ,
জল হ’তে উঠে তটে করে নিরীক্ষণ ;
শ্যামও সবার অঙ্গে করিছে সিঞ্চন,
মহা জলযুদ্ধ হের’ হ’ল আরম্ভন।

শ্রীকৃষ্ণ লুকান হরি’ নীলপদ্ম বনে,
গুঞ্জে অলি পদ্ম ভাবি’ শ্রীকৃষ্ণ-বদনে ;
সখীগণ খুঁজে খুঁজে শ্যামে নাহি পায়,
না জানি রাধার কর স্পর্শ করে তাঁয় ;
নীলবর্ণ পদ্ম তথা ভাসে এক স্থানে,
সখীগণ বেড়িলেন আসিয়া সেখানে ;
আর্দ্র সখী-মুখে শ্যাম-প্রতিবিম্ব পড়ে,
শত শ্যাম সখী পাশে হের’ শোভা করে ;
স্বর্ণ নীল পদ্ম জোড়া অসংখ্য ভাতিল,
চক্রবাক্ হংস মৎস্য নিরবে হেরিল।

তীরে বৃন্দা নান্দিমুখী ছিল কুটুমায়,
পুষ্প বরিষয়, রাধাশ্যাম জয় গায় ;
শ্যামের অঙ্গের রাগ রাই অঙ্গে লাগে,
রাধার সিন্দুর ধুয়ে শ্যাম-বক্ষে জাগে ;

করি জল খেলা ধনী উঠে তীরদেশে,
 হেম গিরি হ'তে যেন তোয়দ বরিষে ;
 শ্রাম-কায় হ'তে খর জল ধারা করে,
 নীলচূড়া যেন মুক্তা-একাবলী পরে ;

সিক্ত বাস ত্যজি শুষ্ক করি পরিধান,
 বেশভূষা আদি সব করিছে বিধান ;
 রাধিকা সাজান শ্রামে পুষ্প আদি দিয়া,
 মোহন "দামিনী চূড়া" দিলেন গঠিয়া ;
 চম্পকের কলি সহ ময়ূরের পাখা,

কেতকী পুষ্পেতে ঘেরা মুক্তাগুচ্ছে ঢাকা,
 সে চূড়ার ছায়া দেখি শ্রাম লালসায়
 কেমন সুন্দর ঘুরে ফিরে দেখে তার ;
 পত্রাবলি মকরাদি তিলক অঙ্কন,
 চন্দন কস্তুরী বিন্দু কুণ্ডল ভূষণ,
 মুখকণ্ঠ বক্ষ কটি চরণ অবধি,

সাজান যে রূপে জাগে পুলক অম্বুধি ।
 শ্রামের বামেতে তবে রাধারে বসাল,
 সখী তাঁর ভূষা সাজ ধরিয়া লইল ;
 কণ্ঠাবেশে সাজি রাই মাধবের সনে
 লালিতানন্দদা-কুঞ্জে গেলেন ভোজনে ।
 কতু তুঙ্গবিছা কুঞ্জে ভোজন বা হয় ;
 বনদেবী বৃন্দাদেশে খাও আহরয় ।

বৃন্দাবনে তরুলতা বারমাস ফলে,
 যা' চাবে তা' পাবে সদা, তরু কথা বলে ;

আম জাম লিচু কুল পনস খজ্জুর,
 কমলা নারঙ্গা দ্রাক্ষা পেয়ারা কেণ্ডুর,
 ক্ষীরলা বাদাম কলা আতা পাণিফল,
 খরমুজ মেওয়া তাল দাড়িম্ব শ্রীফল ।
 নানাবিধ পুলিপিঠা মিষ্টান্নাদি আর,
 বাটী হ'তে আনে যেই দ্রব্য খাইবার,
 স্বয়ং খাওয়ায় শ্রামে রাধিকা বাঁটিয়া
 স্বেদল মধুমঙ্গলও গিয়াছে বসিয়া ;
 সখা সনে খান শ্রাম দেন রাধা সখী ;
 ভোজন আনন্দে সবে হন মহাসুখী ।
 আহারান্তে কুঞ্জ প্রান্তে অনঙ্গ কুঞ্জতে
 বিশ্রমে, তুলসী তথা সেবে মনোমতে ।
 কৃষ্ণ পাত্রে রাধা খান, মধুতে ললিতা
 স্বেদলে বিশাখা আর সখী ক্রম যথা ;
 পর পর দেন লেন প্রিয়াজী সবায়,
 ভোজনান্তে শ্রাম-বামে বসি শোভা পায় ।
 সখীরা বেরিয়া বসি' তাষুল যোগান,
 প্রসাদী তাষুল রাই করিছে প্রদান ।

[শুক শারীর কথা]

বিশ্রামান্তে বাহিরেতে বেদীতে বসিল,
 মঞ্জুবাক্ কলোক্তি শুক শারিকা আনিল ;
 শুক শরী দৌহে বর্ণে বৃন্দার ইন্দ্রিতে,
 পুলকিত হ'লে সবে লাগিল শুনিত্তে ;

শ্রীঅঙ্গ বর্ণিয়া করে গুণের বর্ণনা,
 সখাসখী শুনে হয় সার্থক কামনা !
 শারী উড়ে বসে গিয়া ললিতারে ধরে
 শুক উড়ে বসে গিয়া সুবলের করে ;
 মাঝে রাধাশ্যামে ঘেরি রাজে গোপাঙ্গনা,
 সে মোহন বেদী' পরে কি দিব তুলনা ।

শুক । কৃষ্ণপদ সেবি' হ'ল ভূমি চিন্তামণি,
 গাভী কাম খেলু, তরু কল্পতরু গণি ।

শারী । কল্পতরু আশ্রয়েতে বাঞ্জা পূর্ণ হয় ?
 যুগ্মপদ ভাবনাতেই হয় কলোদয় ।

শুক । নখর কেশর সহ চরণ কমল,
 জানুর মৃগাল কিবা অঙ্গুলিকা দল,
 পাদপদ্ম মকরন্দ ভক্ত মন-ভঙ্গ,
 খায় দেখ' অহরহঃ করি কত রঙ্গ ।

শারী । রাধা যবে সেবে তায় শোভা আরও হয়,
 উনবিংশ চিহ্ন পদে, কমলে না রয়,
 কৃষ্ণপদ সহ তাই কমল তুলনা
 কোন রূপে দেখ' ভেবে কখন চলে না ।
 কার জ্যোতি পেয়ে বন শোভা ধরিয়াছে ?

শুক কয় কৃষ্ণ, শারী, রাই করিয়াছে ।

শুক । কেবা বল' আছে বলী শ্রীকৃষ্ণ সমান ?
 নিত্য কত দৈত্য নাশি রক্ষে ব্রজধাম !
 সপ্ত দিবারাত্রি ধরি ধরেন গিরিরে,
 কনিষ্ঠ অঙ্গুলি দিয়ে, পার কোন বীরে ?

শারী । তা' নয়, সে নন্দরাজ বিষ্ণু আরাধিলে;
 সন্তুষ্ট হইয়া বিষ্ণু বর তাঁরে দিলে,
 বিষ্ণু মারিয়াছে দৈত্য ; লোকে মিছা কয়,
 কৃষ্ণ মারিলেন রক্ষ দৈত্য সমুদয় ।
 নন্দরাজ পূজা তুষ্ট নিজের গিরিরাজ
 স্ব-ইচ্ছায় উঠি রক্ষ ব্রজের সমাজ ;
 শ্রীকৃষ্ণ তলায় শুধু অঙ্গুলি ধরিল,
 অস্ত্রে বলে, ব্রজ রক্ষা শ্রীকৃষ্ণ করিল ।

এরূপ বিবাদ শুক শারী দৌহে করে,
 সখাসখীগণ হৃদি আনন্দেতে ভরে ;
 পুষ্পমালা পরাইছে, ফুল বরিষণ,
 করে সখী, কৃষ্ণ তাহা করিছে গ্রহণ ।
 রাধা দেন শ্যামগলে, শ্যামও তাঁহায়,
 বিনিময় ফুলমালা উভয়ে পরায় ;
 শুকশারী কাল বুঝি পুনঃ রূপ গায়,
 শুনিছে আবার সবে মোহিত হিয়ায় ।
 শ্যামজ্জয়া ইন্দ্রমণি-আলান হ'য়েছে,
 রাধামন-মৃগী রূপ-রজ্জুতে বেঁধেছে ;
 নীলমণি জানুদ্বয় সম্পূট করিয়া
 রাই-মননেত্র হরি' রাখে লুকাইয়া ;
 উরু নীল-কদলীর মধুময় ফল
 রাই-মন-করিণীরে করেছে পাগল ;
 কটিগিরি অনুদেশে নিতম্ব-পুলীন,
 যন্টি রবে হংসধ্বনি করে অনুদিন ;

বক্ষঃ নীলাকাশে স্বর্ণহার মুক্তামণি,
নির্মল গগনে রবি শশী তারা গণি ;
কম্বু-কণ্ঠ ত্রিরেখায় কাব্যগীত স্থল,
মৃগাল লঙ্ঘিত বাহু করপদ্ম দল ।

শুক কয়,—কৃষ্ণচন্দ্র নারায়ণ হ'তে
শ্রেষ্ঠ হন রূপ গুণ বেণু মাধুর্যোতে ;
ত্রিজগত-লক্ষ্যোও হন মোহিত তাঁহায়,
মাতৃগতি দেয় কেবা ছুষ্ট পুতনায় ?
মাতারে দেখান দেখ ব্রহ্মাণ্ড বদনে,
সামান্য গোপাল পুনঃ খেলে গোচারণে ।
শারী কয়,—রাধারূপে নাহিক তুলনা,
মৌন হ'য়ে থাকি, আনি আর বলিব না ।

তবে শুক উড়ি গিয়া কৃষ্ণ করে বসে,
শারী উড়ি ধরে রাধা শ্রীকর হরষে ;
শালন করিছে দোহে ল'য়ে শুক শারী,
কৃষ্ণ কন—শুক, কহ রাইয়েরে বিচারি'
রাধা কন—শারী, এবে কহ গ্রাম কথা
শুনিতে এখন ইচ্ছা এ নব বারতা ।
তখন আসিয়া শুক রাধা করে বসে,
শারিকণ্ড কৃষ্ণ করে বসি' গিয়া ভাষে ।
একে একে অঙ্গ সব করি নিরীক্ষণ,
কীর্তনের ভাণে করে উভয়ে স্তবন ;
শুনি সেই স্তব গাঁথা পক্ষীজাতি মাঝে,
ব্রহ্মা শিব দেবতাও হেঁট মাথা লাজে ।

দাড়িম্বের বীজ ফল শ্রীকরে সুন্দর,
 দ্রাক্ষা আতাফল আদি খাওয়ান বিস্তর ;
 ধন্যবাদ দিয়া দেন ফিরায়ে বৃন্দারে,
 “জয় রাধাশ্যাম” গাই, বিশ্রমে পিঞ্জরে ।

[অক্ষ ক্রীড়া]

হরিৎ নিকুঞ্জে তথা সুদেবী মন্দিরে,
 লভিলা বিরাম পরে পাশক্রীড়া তরে ।
 বৃন্দা নান্দিমুখী কুন্দ মধ্যস্থ হইল,
 কৃষ্ণে দেখাইতে মধু সুবল রহিল ;
 ললিতা শিখায় রাইএ, সুদেবী চালায়,
 পীত নীলবর্ণ পাষ্টি উভয়ে খেলায় ;
 প্রথম রাধার পণ সুরঙ্গ হরিণী,
 কৃষ্ণ জয়ে, মধু ধরে বাঁধিছে অমনি ।
 দ্বিতীয়ে মুরলী পণ শ্রীকৃষ্ণ করিল,
 রাধিকা জিতিয়া কাড়ি বাঁশরী লঠিল ।
 তৃতীয়ে করিল পণ নিজ রত্নহার,
 ‘মার এই সারি’ বটু করিল চিৎকার ;
 শারী ভাবে মারে তারে, ভয়ে উড়ে যায়,
 তমালের ডালে বসে সবে দেখে তায় ।
 লুকায় শ্রীমধু করে গুটিকা স্থাপন,
 মোর জয় হ’ল বলে, উভয়ে তখন ।
 রাধিকা কৃষ্ণের গজমতিহার ধরে,
 কৃষ্ণ রাধা রত্নমালা আকর্ষণ করে ।

মধ্যস্থ কহিছে মোরা ঠিক দেখি নাই,
 কলহ ছাড়হ, খেল' পুনর্বার তাই ;
 শ্রীকৃষ্ণ রাগিয়া পণ মধুকে ধরিল,
 ললিতায় পণ তবে রাধাও করিল ।
 দেখি গোলযোগ মধুমঙ্গল পালায়,
 সত্বর ললিতা গিয়া ধরিল তাহায় ।
 বটু বলে, না হারিতে কর' কেন জোর,
 মিছা করি জিত, বটে, তোমরা ত চোর ।
 কলহ দেখিয়া সেই পণ তেয়াগিল,
 নিজ নিজ অঙ্গ পণ তখন রাখিল ।
 হঠল কৃষ্ণের জিত ঘটিল প্রমাদ,
 অকুটি রাধার মুখে আনন্দ বিষাদ ।
 প্রহরী সুখদা শারা জটিলার পথে,
 জটীলা আসিছে বলে আসি সচকিতে ;
 সন্ধ্যাস্ত সকলে সূর্য্য মন্দিরেতে যাব,
 গবাক্ষের পথে কৃষ্ণ সখারা পালায় ।

[সূর্য্য-পূজা]

আসিলেন শ্রীজটীলা, উচ্চৈশ্বরে কয়—
 কুন্দ ! এত তোমাদের দেবী কেন হয় ?
 বিলম্ব হেরিয়া আমি আসি অব্বেষিতে,
 পূজাদি হয়েছে কিগো বল বিধিমতে ।

কুন্দ কয়—পুষ্প আদি চয়ন করেছি,
 বিপ্র কিন্তু মিলে নাই অনেক খুঁজেছি ;
 তাইত বিলম্ব ; মিলে এক ব্রহ্মচারী,
 আসিল না পূজিবারে, শুনে আছে নারী ;
 গর্গাচার্য্য শিষ্য তিনি জ্যোতিষে পণ্ডিত,
 শ্যামকুণ্ডে রন এক বটুর সহিত ।
 জটীলা পাঠান শুনি ধনিষ্ঠায় পরে,
 বটুকে ভুলায়ে তারে আনিতে সত্বরে ।
 দক্ষিণা লড্ডুক লোভে বটুকে লইয়ে
 আসে কৃষ্ণচন্দ্র শুদ্ধ ব্রহ্মচারী হ'য়ে ;
 গলে শুভ্র উপবীত, বস্ত্রে ঢাকা অঙ্গ,
 কপালেতে ফোঁটা, লম্বা কোঁচা কাছ বন্ধ ;
 হাতে কোষাকুশী, পুঁথি বগলে লইয়া
 সূর্য্যমন্দিরের দ্বারে দাঁড়ান আসিয়া ।
 প্রণমে জটীলা, তিনি আশীর্বাদ করে,
 পূজার ব্যাপার দেখি বটু লোভে পড়ে ;
 জটীলা কহিল বধু পূজা করাইতে ;
 তিনি কন, হবে না তা আমার হইতে ;
 স্ত্রীলোকের মুখ আমি করি না দর্শন,
 তবে শুনি সতী সাধ্বী বধু তব হন,
 দূর হ'তে স্বস্তিবাদে বচন পড়িব,
 একূপে বধুরে তব পূজা করাইব ।
 মিষ্টানাদি পরিতোষে বটুকে খাওয়ান,
 রাখারানী ব্রতী হন তখন পূজায় ;

মস্তকের আবরণ খোলাই বিধান,
 ব্রহ্মচারী কন মিত্রপূজার প্রমাণ ।
 কন্দ কয় জটিলায় লজ্জা কিবা হবে,
 পুরোহিত সাধু কাছে কে করেছে কবে ।
 তাঁর আঙ্কা পেয়ে রাই শিরবাস খুলে,
 সে সৌন্দর্য শোভা হেরে কৃষ্ণ প্রেমে গলে ;
 রাই নয় মুখে নাথে কটাক্ষেতে চায়,
 সাত্ত্বিকাদি ভাব ব্যপ্ত হয় সর্ব গায় ।
 বিশ্বশর্মা নাম মোর ব্রহ্মচারী কয়
 কুশাগ্রে ধরিও যেন স্পর্শ নাহি হয় ।
 স্ত্রীলোক স্পর্শি না আমি পুরোহিতে বর,
 কুশাগ্রে ছুইয়া মুখে এই মন্ত্র ধর'—
 বিশ্বশর্মা পুরোহিতে বরি আজি আমি,
 তমোনাশি মিত্র পূজা করাও গো তুমি,
 নমো মিত্র, পাণ্ড অর্ঘ্য গন্ধ পুষ্প লও,
 নৈবেদ্যাদি নতি স্তুতি বাসনা পুরাও ।
 জটীলা দক্ষিণা বলি স্বর্ণ আংটি দেন,
 দক্ষিণা লই না বলি ব্রহ্মচারী কন ;
 নৈবেদ্য দক্ষিণা তবে বটুই লইল,
 নিত্যপূজা তরে তাঁয় জটীলা কহিল ।
 মিষ্টান্ন ভোজন তরে করে আমন্ত্রণ,
 খাই না, কহেন আমি নৈষ্ঠিক ব্রাহ্মণ ।
 জ্যোতিষের জ্ঞান তাঁর জটীলা জানিল,
 দেখাতে বধুর কর মানস করিল ;

হবে না তা, কন তিনি ছুইনাক' নারী,
 সতী উনি, দূর হ'তে দেখিবারে পারি ।
 দেখি' কর চিহ্ন বলে স্বয়ং লক্ষ্মী হন,
 বিপদ দারিদ্র্য নষ্ট যথা উনি রন ;
 অপবাদ এরে দিলে হবে সর্বনাশ,
 সম্ভূষ্ট থাকেন যেন সदा কর আশ ;
 পুত্রের আয়ুতে তব বিপদ আছিল,
 কেবল এ সতীগুণে রক্ষা সে পাইল ;
 ধন্যা এই নারী দেবী সূর্যোর কৃপায়,
 কভু অমঙ্গল এর সম্ভাবনা নাই ;
 যতদিন এ কাননে করিব ভ্রমণ,
 করাইব এ বধুরে মিত্রের পূজন ।
 অঙ্গুরী নৈবেদ্য আদি বহু দ্রব্য পেয়ে
 আনন্দিত মধু গেল শ্রীকৃষ্ণেরে ল'য়ে ;
 সখীগণ সনে রাধা ফিরিলা ভবনে,
 রত্নহার ছিড়ে, ফিরে কৃষ্ণ দরশনে ;
 শ্রীকৃষ্ণ বিচ্ছেদে পাই মনে পরিতাপ,
 গৃহেতে আসিলা ফিরে ফেলে তপ্তশ্বাস ।
 মঞ্জরীরা চরণাদি বিধৌত করিয়া
 তাশুলাদি সেবা করে খাটে বসাইয়া ।

রাধাশ্যাম শ্রীচরণ বন্দন করিয়া,
 ললিতা বিশাখা আদি চরণ স্মরিয়া,

রামের ইঙ্গিত পেয়ে চারিদিকে সখাগণ,
 বটুকে ঘিরিঞা তবে করিলেক আক্রমণ ;
 কেহ চক্ষু চাপি ধরে পুঁটুলী কাড়িয়া লয়,
 উভয়ী বসন টানে কেহ কাছা খুলে দেয় ।
 ক্রোধে বটু লাটী ল'য়ে ফিতে ঘুরে মারিবারে,
 এক সখা কেড়ে লয় লাটী জোরে ফেলি' তারে ;
 তর্জন করিছে বটু আলু থালু উচ্চৈঃস্বরে,
 কাঁদিছে রোধের ভরে কভু গালাগালি করে ;

পারিষদ ভক্তবৃন্দে করিয়া পূজন,
 স্বরূপ বাবাজী পদ করিয়া স্মরণ,
 রামচন্দ্র মিত্র দাস লীলাকথা গায়,
 যেন হরিদাস-দাস-দাসত্বে সে পায় ।

ইতি শ্রীশ্রীগৌরগোবিন্দের “অষ্টকালীন নিত্যলীলা” গীতিকায়
 “মধ্যাহ্ন লীলা স্মরণ” নামক চতুর্থ বিলাস সুধাধারা ॥

পঞ্চম বিলাস সুধাধারা ।

অপরাজ লীলা ।

[অপরাহ্ন—বেলা ৩টা হইতে ৫টা]

১ । শ্রী শ্রীগৌরসুন্দরের—

[কীর্তন—গৃহে গমন—রাধাভাবে ভোজন]

জয় জয় শ্রীগৌরঙ্গ ! শ্রীনিতাই জয় জয় !
জয় জয় শ্রীঅদ্বৈত ! জয় ভক্ত সমুদয় !
স্বরূপ বাবাজী সিদ্ধ পদ স্মরি অনুক্ষণ,
প্রণমিয়া আরম্ভিলা পুনঃ দাস এ লিখন ।

[কীর্তন]

শ্রীবাসের পুষ্পাছানে ভক্তবৃন্দ সহ রন,
তিন প্রভু অপরাহ্নে কৃষ্ণ ভাবাবিষ্ট হন ;
স্বরূপ গোসাই গান গৃহ মুখে আগমন,
গোষ্ঠ হ'তে শ্রীকৃষ্ণের সহ গোপ গাভীগণ ;
মহাপ্রভু অনুকরি কৃষ্ণভাবে বাহিরিল ,
অদ্বৈত ভবন হ'তে দক্ষিণে ক্রমে চলিল ;
পশ্চিম উত্তর পরে পূর্ব দিকেতে যান,
ঘরে ঘরে ভক্ত দেখে আনন্দ কীর্তন গান ।

নিজ গৃহ পূর্বদ্বারে আসি হন উপস্থিত,
 কীর্ত্তন প্রশান্ত হেরি শচীমাতা পুলকিত ।
 প্রণমি' মাতার পদে বসেন বৈঠকে পরে
 মাতা কন কর, নিমাই, বেশ ভূষা স্নান ক'রে ।
 গদাধর, বৈকালিক পূজা দাও নারায়ণে,
 উঠাইয়া নারায়ণে ফলাদি দাও ভোজনে ।
 নারায়ণ উথানান্তে ভোগ রাগ আদি হয়,
 দাসগণ প্রভু তিনে স্নানাদি বেশ করয় ।
 মহাপ্রভু স্মরি গোষ্ঠ হ'তে কৃষ্ণ আগমন,
 প্রাসাদে উঠেন ভাবে করিবারে দরশন ।
 গোস্বামী গাহিছে পদ কৃষ্ণের গৃহে গমন,
 রাই সখীসনে যথা করিতেছে দরশন ।

[রাধাভাবে ভোজন]

ঈশান আদেশে মার ডাকিছে পূজার পবে,
 নারায়ণ মন্দিরেতে আরত্রিক দেখিবারে ।
 আরতি আশ্রাণ ল'য়ে করে দণ্ডবত সব,
 প্রসাদী চন্দন মালা, লগ্ন মুখে স্বস্তি রব ।
 প্রসাদী আশ্রাদি ফল, মিষ্টান্ন ভোজনে রত,
 শচীমাতা বাঁটিছেন জনে জনে স্নেহে কত ।
 শ্রীগৌর ভাবে মনে যাবটে আহার করি
 শ্রীকৃষ্ণ অধরামৃত সখী সহ, আহা মরি ।
 কখন যমুনা তটে কুঞ্জতে ভোজন হয়,
 নিত্যানন্দ বলরাম ভাবাবেশে মুগ্ধ রয় ।

নন্দালয়ে সখা সনে যেন তিনি বসি' খান ;
 প্রভুগণ নিজ নিজ ভাবে ভাবাবিষ্ট রন ।
 ভাব শান্ত হ'লে দাস আচমন করাইল ;
 বৈঠক আগারে সুখে ভক্তগণে বসাইল ।
 স্বরূপ গোঁসাই আদি গুরুবর্গ জন গণ,
 প্রভু-তিন-পাত্রামৃত করিছে বসি ভোজন ।
 চন্দন মাল্যাদি দিয়া শ্রীঅঙ্গ শোভিত করে
 নিদ্রা যান শয্যা'পরে ভক্তগণ সেবে পরে ।
 শেষামৃত খাই' ধৌতি গৃহ, পাত্র, সাধকেরা
 গুরুর বামেতে থাকি দেখিছে মাধুরী তারা ।

শ্রীগোরাঙ্গ শ্রীনিতাই দৌহার করি বন্দন,
 শ্রীঅদ্বৈত গদাধর দৌহার অরি চরণ;
 পারিষদ ভক্তগণে করিয়া সবে পূজন,
 স্বরূপ বাবজী সিদ্ধ লইয়া পদে শরণ,
 রামচন্দ্র মিত্র দাস অষ্টকাল লীলা গায়,
 হরিদাস-অনু-দাস-দাসত্ব যেন সে পায় ।

২। শ্রী শ্রীশ্যামসুন্দরের —

[শ্রীমতীর রন্ধন । স্নানে মিলন । শ্যামের গোষ্ঠে প্রতিগমন ।
গোগণকে আহ্বান । আগমন-গোষ্ঠ ।

মাতৃকোলে নীলমণি ।]

জয় জয় রাধাশ্যাম ললিতা বিশাখা সখী,
মঞ্জরীর বৃন্দ জয় বৃন্দা কুন্দ নান্দিমুখী ;
স্বরূপ বাবাজী সিদ্ধ পদ স্মরি করি আশ,
নামি পদে সবাকার আরম্ভে প্রবন্ধ দাস ।

[শ্রীরাধার রন্ধন]

বিপ্রবেশ করি ত্যাগ কৃষ্ণ হেথা নিজ বেষে
বলরাম সখা সনে মিলিত হইল এসে ;
রাধাও যাবটে আসি বিশ্রামি রাধিতে যায়,
সখীগণ ঘিরে তারে করিছে সেবা তথায়
রন্ধন আগারে দ্রব্য ধারিতেছে দাসীগণ,
শ্রীরূপ মঞ্জরী আদি করিতেছে দরশন ।
কেহ চুল্লি জ্বালাইল, পাত্র জল কেহ ধরে,
রন্ধন মসলা কাঠ আনিছে খুলি ভাণ্ডারে ।
গোধূম মাখন চিনি দুগ্ধ ঘৃত যায়ফল,
কদলী পনস আলু রন্ধন দ্রব্য সকল ।
সজ্জিত হইলে ঘর রাধিকা রাধিতে যান,
ভূষণ খুলিয়া, করি সূক্ষ্ম বস্ত্র পরিধান ।
অমৃত কর্পূর কেলী চন্দ্রকান্তি সরপুর,
রসকরা মনোহরা মিষ্টান্ন করে প্রচুর ।

এক অংশ নন্দালয়ে পাঠাইতে পাত্রে ধরে,
আর অংশ নিশাকালে রাখে আহারের তরে ;
রাখি স্বর্ণ চৌকি' পরে রাধিকার শ্রীমন্দিরে,
স্নান করাইয়া দাসী বেশভূষা রচে পরে ।

[স্নানে ছিলন]

কভু গৃহে স্নান করে রাধাকুণ্ডে কভু যান,
কখন বা যমুনায় হয় বৈকালিক স্নান ।
বাহিরে অধিক দিন শ্রীকৃষ্ণের দরশনে,
উৎকর্থা বাড়িয়া উঠে, তাই যান সখী সনে ।
গোগণ লইয়া কৃষ্ণ বলরামে সখাগণে
বলে হ'ও অগ্রসর ঘুরে আসি মধু সনে,
বনশোভা দরশন করি ভাগ রসরাজ,
খুঁজেন প্রিয়ার দেখা কিসে হয় বনমাঝে ।
কৃষ্ণের উৎকর্থা হেরি শুক দেবী পাশে যান,
শুনে বার্তা রাধা সখী মিলিতে আসে সেথায় ।
জলক্রীড়া আদি করি ফল মিষ্টান্ন আহার,
পুনরায় যান ফিরে সখা সব যথা তাঁর ;
বেই দিন যমুনায় যান রাধা স্নান তরে,
কৃষ্ণ ফিরি নন্দালয়ে যমুনায় যান পরে ।
যেদিন রাধিকা গৃহে রন, স্নানে নাহি যান,
গৃহে স্নান সারি ষোল শৃঙ্গারে ভূষিত হন ।
দ্বাদশাঙ্গে আভরণ দ্বাদশ প্রকার হয়,
বেশ ভূষা দেখে নিজ দর্পণেতে মণিময় ।

কৃষ্ণকথা আলাপন করে দুখে সখী সনে,
 নন্দালয় হ'তে আসে চন্দ্রমুখী সেই ক্ষণে,
 ধনিষ্ঠার সখী, রাধা জিজ্ঞাসে, “কি করে কারু”,
 কয় সখী—“শ্যাম আসে গোষ্ঠ হ'তে দেখে এনু,
 বিহ্বল হইয়া যান মিলিতে যশোদামাতা,
 মুছাইয়া মুখ-ইন্দু জিজ্ঞাসিছে কত কথা।”
 ধনিষ্ঠা আসিল তবে, শ্রীরাধা বসায় তারে,
 প্রাণনাথ সমাচার আকুল জিজ্ঞাসা করে।

[শ্যামের গোষ্ঠে প্রতিগমন]

সূর্য্য পূজা সাঙ্গ করি বৃদ্ধা সনে এলে ঘরে,
 গোবর্দ্ধন অভিমুখে কৃষ্ণও গমন করে ;
 সখাগণ সাথে গোষ্ঠে মিশিলে; তাহারা সবে
 কেহ ধড়া, কর ধরে, ‘ভাই কৃষ্ণ কৃষ্ণ’ রবে,
 এই ক্ষণ তব নাম করেছিলু কেহ কহে,
 শ্রীতি সম্ভাষণে কৃষ্ণ করে ধরি সবে লহে ;
 অক্ষুট প্রলাপ কেহ প্রহেলী কহে বচন,
 ‘ওহে সখা না হেরিয়া খুঁজিছিলু এতক্ষণ ;’
 অঙ্গে হাত দিয়া কহে,—‘একি. ভাই, ক্ষত কেন ?’
 রাম কহে ‘ওহে মধু কক্ষে বাঁধা ওকি যেন ?’
 বটু কয় ‘সূর্য্যো পূজি’ নৈবেদ্য এ পাইয়াছি,
 রবি বাসরেতে আজ কত পূজা করায়ছি।’

রামের ইঙ্গিত পেয়ে চারিদিকে সধাগণ
 বটুকে ঘিরিয়া তবে করিলেক আক্রমণ ;
 কেহ চক্ষু চাপি' ধরে পুঁটুলী কাড়িয়া লয়,
 উত্তরী বসন ঠানে কেহ কাছা খুলে দেয় ।
 ক্রোধে বটু লাটী ল'য়ে ফিরে ঘুরে মারিবারে,
 এক সখা কেড়ে লয় লাটী জোরে ফেলি' ভারে ;
 তর্জন করিছে বটু আলু খালু উচ্চৈঃস্বরে,
 কাঁদিছে রোষের ভরে কভু গালাগালি করে ।
 দেখিয়া তাহার হুঃখ দ্রব্য ফিরাইয়া দিয়া,
 বলরাম কৃষ্ণ তোষে তারে শেষে আলিঙ্গিয়া ।
 বটু কহিতেছে তবে—ব্রহ্মতেজ দেখ মোর,
 এখনত হেরে গেলে দেখিলে ত মোর জোর !

[গোগণকে আহ্বান]

এখানে শ্রীকৃষ্ণ গিয়া দাঁড়ান কদম্ব মূলে,
 বাঁশীরবে ডাকিছেন গোগণের নাম বলে,—
 হরিণী রঞ্জিণী পদ্মা কমলী রস্তা ধবলী
 ভ্রমরী সুনন্দা ধূম্রা কজ্জলী চম্পা শ্যামলী
 বংশীপ্রিয়া মনোরমা পদ্মগন্ধা গোদাবরী
 ইন্দুপ্রভা গঙ্গা সোণা শ্যামা যমুনা চামরী ;
 উর্দ্ধপুচ্ছ উর্দ্ধকর্ণ চাহি কৃষ্ণমুখ পানে,
 হাষারবে আসে ধেম্বে, পুলকাক্ষ হনয়নে ;

শ্রীকৃষ্ণ বুলান কর গো-অঙ্গ বলেন ধরি,—
 ক্ষুধা দূর হ'ল, মাতঃ, চল' ঘরে ঘরা করি,
 বৎস্রগণ গৃহে কষ্ট পায় তোমাদের তরে,
 ক্ষুধায় কাতর হ'য়ে তারা আর রহিতে নারে ।
 রাম কৃষ্ণ সাজি তবে বনফুল মালা দিয়া,
 গোগণে অগ্রেতে করি চলে বাঁশী বাজাইয়া ।
 মন্দ মন্দ ধেনু চলে, আকাশেতে দেবগণ
 প্রেমিক তরুকে দিয়ে করে পুষ্প বরিষণ ।
 যশোমতী জননীরে জানাইলু আমি আসি;
 রোহিণী অতুলা মাতা পাক করে স্নেহে ভাসি ।
 বরিয়াল শাক স্কন্দ ফল মূল আদি দিল,
 অর্দ্ধ ছাদে রাখি অর্দ্ধ সেদিন তারা রাখিল ।
 দাসীবা সংস্কার করে ঘৃত তৈল আদি দেয়,
 ধাত্রী গণ ঘন ঘন কৃষ্ণ পথ পানে চায় ।
 য' শান পাঠান মারে তব কাছে লইবারে
 ল দড়ক মিঠাই আদি, শ্রীকৃষ্ণের খাইবারে ।

আগমন গোঙ্গ ।

বৃন্দার প্রেরিত সখী মালতী আসিয়া তবে,
 কৃষ্ণ আগমন বার্তা জানাইল তথা সবে ।
 কস্তুরী তুলসী সহ মিষ্টান্নাদি ঘরা করি,
 পাঠালেন রাখা শুনি' খাইবেন প্রাণহরি ।

অট্টালিকা চন্দ্রাগারে শ্রাম দরশন আশে,
 ত্বরা সখীগণ সহ পালঙ্কে যাইয়া বসে।
 গোগণ চলেছে পথে, গোধূলি সৃজিত হয়,
 ষষ্ঠাবাদ্য হাঙ্গা সনে যেন মেঘ গরজয় ;
 কৃষ্ণবংশী রাম শিঙ্গা সখাদের বেগুরব,
 ময়ুর কোকিল ধ্বনি এককালে উঠে সব।
 গোপাল মণ্ডলী মাঝে শ্রীকৃষ্ণ নাচিয়া আসে,
 শ্রীঅঙ্গে লাগিয়া ধূলি অপূর্ব রূপ বিকাশ।
 রাধাশ্রাম দুই জনে হয় দৃষ্টি বিনিময়,
 রূপ মধু পানে প্রেমে নেত্র ভৃঙ্গ মুগ্ধ রয়।
 চতুর্মুখ পঞ্চমুখ আকাশেতে দেবগণ,
 হেরে শোভা মধুরিমা করে স্তব উচ্চারণ ;
 হাশ্র-চন্দনেতে মাখি কটাঙ্গ-কুসুম দিয়া
 বিদায় লইছে শ্রাম রাধারে পূজা করিয়া।

[শ্রীকৃষ্ণ-ক্রোড়ে ঝালমণি ।]

শ্রীকৃষ্ণ চলিয়া গেলে শ্রীরাধিকা জ্ঞান হারা,
 ধৈর্য ধরিতে পারে যেন পাগলের পারা ;
 গুণমালী সখী তবে আসে নন্দালয় হতে,
 থালী নামাইয়া কহে কৃষ্ণকথা রাধা সাথে ;
 নন্দীশ্বরে আসি কৃষ্ণ জলপান করাইয়া
 গোশালে পুর বাহিরে গোগণে রাখিয়া গিয়া।

গোধূলি দেখিয়া আর শুনি ঘন হাঙ্গারব,
 গোশালে যশোদা নন্দ রোহিণীরা আসে সব ।
 কানায়ে করিয়া কোলে, মুখ চুমে, লয় ভ্রাণ,
 রোহিণীও কোলে লন নিজ স্নাত বনরাম ;
 সকলে ছিলেন যেন জীবন্মৃত এতক্ষণ,
 কৃষ্ণ দরশনে যেন পাইল সবে জীবন ।

যশোদা ।

এস' বাপ নীলমণি, কষ্ট বড় গোচারণ,
 শ্রম শান্তি কর' আসি করিয়ে স্নান ভোজন ।
 কৃষ্ণ কন,—গোদোহন করা এবে প্রয়োজন ;
 'ধেনু শান্ত হোক পরে,' কহেন নন্দ তখন ।
 মাতা সনে কৃষ্ণ রাম আসিলেন নিজালয়,
 রক্তকাদি দাস সেবে কর মুখ প্রক্ষালয় ।
 গোয়াল আরতি হয় রত্ন চৌকে বসাইয়া,
 বেশ ভূষা করে পরে স্নান আদি সমাপিয়া ।
 কৃষ্ণের কুশল কথা শুনিয়া রাধিকা হেথা
 পুলকিত প্রাণে তবু পাইছে বিরহ ব্যথা ।

নিত্য লীলা

১৬৫

রাধাশ্যাম পাদপদ্ম করিয়া শিরে গ্রহণ,
ললিতা বিশাখা সখী সবার স্মরি চরণ,
বৃন্দা মঞ্জরীর বৃন্দে করিয়া নতি পূজন,
স্বরূপ বাবাজী সিদ্ধ লইয়া পদে শরণ,
রামচন্দ্র মিত্র দাস অষ্টকাল লীলা গায়,
হরিদাস-অনুদাস-দাসত্ব যেন সে পায় ।

ইতি শ্রীশ্রীগৌরগোবিন্দের “অষ্টকালীন নিত্যলীলা” গীতিকায় “অপ-
রাহ লীলা” নামক পঞ্চম বিলাস সুধাধারা ।

ষষ্ঠ বিলাস সুধাধারা ।

সায়াহু-লীলা ।

[সায়াহু—সন্ধ্যা ৫টা হইতে ৭টা]

১ । শ্রীশ্রীগৌরমুন্দরের —

[গঙ্গামান—শ্রীকৃষ্ণের গোদোহন লীলাস্মরণ—ঠাকুর আরতি—বিষ্ণু-
প্রিয়ার রন্ধন—নারায়ণ ভোগ—প্রভুর ভোজন—বিশ্রাম]

জয় শ্রীনিমাই
জয় অষ্টোতা
স্বরূপ বাবাজী
লিখিছে এ দাস

নিতায়ের জয় !
ভক্ত সমুদয় !
সিদ্ধ পদ স্মরি,
তার পদ ধরি ।

[স্নান]

প্রভু ভক্ত সাথে
করে বেশভূষা
কৃষ্ণ-গোদোহন
হ'লে, ডাবাবিষ্ট
অশ্রু কম্প আদি
সেবে ভক্তবৃন্দ
ঠাকুর আরতি
বিষ্ণুপ্রিয়া রাঁধে
গোশ্বামী বিলান
দণ্ড পরিক্রমা

করি গঙ্গামান,
বিবিধ বিধান ;
লীলার স্মরণ
হলেন তখন ;
গোশ্বামী কীর্তনে,
ব্যজন বীজনে ।
হইল সময়,
ভোগ সমুদয় ;
প্রসাদ চন্দন,
করে প্রভুগণ ;

জলযোগ করি
কৃষ্ণ সভা ভোজ
স্বরূপ গাইছে
মহাপ্রভু তায়

বৈঠকে বসিল,
স্মরণ করিল ;
সে লীলার গান,
মহানন্দ পান ;

[ভোগ]

নারায়ণ ভোগ
আহারান্তে বসে
শচীমাতা দেন
সুস্বাদু রসাল
দেয় ঈশানাди
বিশ্রাম মন্দিরে
মাতা প্রিয়া আদি
সাধক ভক্তেরা
ঈশানাди খায়
তাম্বুলাদি সেবা
মহাপ্রভু হন
সাধক সেবিছে
নিমাই নিতাই
অদ্বৈত গোসাই
ভক্ত পারিষদে
সিদ্ধ বাবাজীর
রাম মিত্র দাস
যেন হরিদাস

দেন গদাধর,
সব পর পর ।
খাও দ্রব্য নানা,
নাহিক তুলনা ;
আচমন জল,
গেলেন সকল ;
আহারাদি করে,
সেবা পান পরে ;
করে পরিষ্কার,
হয় সবাকার ;
পর্যঙ্কে নিদ্রিত,
হ'য়ে পুলকিত ।
করিয়া বন্দন,
করিয়া পূজন,
করিয়া স্মরণ,
লইয়া শরণ,
লীলা কথা গায়,
দাসত্বে সে পায় ।

২। শ্রী শ্রীশ্যামসুন্দরের —

[সায়াহ্ন সঙ্কেত—গো দোহন লীলা—
নন্দরাজ সভা—ভোজন ।]

জয় রাধাশ্যাম	ললিতা বিশাখা,
সখী মঞ্জরীর	বৃন্দ পদে আশা,
স্বরূপ বাবাজী	পদে ধরি আশা
এ লীলা প্রবন্ধ	নমি লিখে দাস ।

[সায়াহ্ন সঙ্কেত ।

রাধা সখী সনে	শ্যাম কথা রত,
হিরণ্যকী সখী	হ'ল উপস্থিত ;
ধনিষ্ঠা পাঠায়	ল'তে কৃষ্ণ তরে
সাক্ষতিক মালা,	আছে রাধা ঘরে ।
মালতী সে মালা	আনিয়া দিতেছে,
শ্রীমতী পাঠান	ধনিষ্ঠার কাছে ।
দীপাবলী তবে	জালে ঘরে ঘরে,
রাধিকায় সখী	আংত্রিক করে ;
গান বাণ্ড কক্ষে	নাচ মনোরম
চামর ব্যজন	শুগন্ধ সিঞ্চন ।
চন্দ্রকলা সখী	নন্দালয় হ'তে
আসি কৃষ্ণ কথা	লাগিলা কহিতে ;—
জ্ঞান করি কৃষ্ণ	সাজিয়া শৃঙ্গারে
দেব নারায়ণে	প্রণামাদি করে ;

সুবল মঙ্গলে
বশোদা মিষ্টান্ন
আহারান্তে যবে
সুবল সঙ্কেত
ধনিষ্ঠা কৃষ্ণের
ভব তরে দিয়া
উঠ' থাও গিয়া
সখীসনে রাখা
শ্রমাদ মঞ্জরী
পরম আনন্দে

পার্শ্বেতে বসায়,
সবায় থাওয়ায় ;
বিশ্রামে বসিল,
মালাটী পরাল' ।
অধর অমৃত,
করেছে প্রেরিত,
ভোজন আগারে,
যান ফরা করে ;
সাধক পাইল
পরিতোষ হ'ল ।

[গো-দোহন লীলা ।

নন্দালয় হ'তে
হেনকালে কৃষ্ণ
অগ্রে বলরাম
কাঁধে হাত দিয়া
দাসগণ যায়
পশ্চাতে ব্যজন
রাধিকা সে শোভা
সে রূপ মাধুরী
খট্টার উপরে
ভ্রাতা সহ নন্দ
বৃহৎ কলসী
হৃৎ দোহি গোপ

গো-দোহন তরে
চলেন বাহিরে,
দুই সখা পাশে
চলে কৃষ্ণ হেসে,
যষ্টি রজ্জু লয়ে,
বীজন করিয়ে ।
বিহ্বল দেখিছে,
সখী দেখাইছে ;
উচ্চ স্থানে বসে
ভাসিছে হরষে ।
সে স্থানেতে রয়,
সে কুন্ড পুরয় ;

ভার ভার দুধ
 পিতল কটাছে
 গোপীগণ ধীরে
 নিয়মিত দুধ
 রাম কৃষ্ণ নমি'
 যমুনাদি গাই
 দোহনাশ্বে বংশ
 কাড়ান কানাই
 কদম্বের তলে
 বাস্ত্র নৃত্য রত
 গাভীরা বৎসঙ্গ
 গাভী অঙ্গ কৃষ্ণ
 বংশ ত্যজি দুগ্ধ
 গাভী দুগ্ধ ধার
 দাসগণ পাত্র
 নন্দের সম্মুখে
 বিনা দোহনেতে
 বিস্মিত শ্রীনন্দ
 অগুরু চন্দন
 গোগণেরে দেয়
 নন্দ রাম কৃষ্ণ
 ভার ভার ল'য়ে
 অপূর্ণ সুন্দর
 রাখা সখীগণ

বহে ভারীগণ,
 হ'বে আবর্তন ;
 আবর্তন-ঘরে,
 মস্থনাদি করে ।
 পিতাকে তখন,
 করিছে দোহন ;
 দুগ্ধ পান করে ;
 মুরলী অধরে
 নন্দসখা সনে
 সুমধুর গানে ;
 করিছে লেহন,
 করিছে লালন,
 চাটে কৃষ্ণকর,
 ঝরে ঝর ঝর,
 পূর্ণ তাহে করে,
 ল'য়ে গিয়া ধরে,
 এত দুগ্ধ করে,
 পাঠাইলা ভারে ।
 ধূপ দীপ দিয়া
 খাণ্ড সাজাইয়া,
 ফিরিল তখন.
 চলে দাসগণ ।
 গোদোহন লীলা,
 সকল দেখিলা ;

আসিয়া পর্য্যঙ্কে
কুটীলা আসিয়া
'থেয়ে ভ্রাতা গিয়া
এস' বধু এবে
বিশাখা কহেন
শ্রান্ত সখী, খাণ্ড
রাধা খান শ্রাম-
অন্ত খাণ্ড তাঁর
ধনিষ্ঠা জানিয়া
খাণ্ডাদি পাঠান
ভুলসী কস্তুরী
নাথ কথা ভায়

বিশ্রাম করিছে
তখন কহিছে,—
করেছে শয়ন,
করিবে ভোজন ।'
সূর্য্যপূজা করি'
হেথা আনি ধরি ।
অধর অমৃত,
নহে অভিপ্রেত ;
নন্দালয় হ'তে
রাধায় থা'য়াতে ।
লইয়া তা' আসে,
শ্রীমতী জিজ্ঞাসে ।

[নন্দ রাজসভা

হুঙ্ক আদি রাখি
রত্ন দীপ জ্বালি
নন্দ মধ্যখানে
আর বন্ধুবর্গ
নিজ পাত্র হ'তে
দেন দ্রব্য ষাহা
তুঙ্গ ঠাকুরাণী
আহারান্তে সেবে
দূত আসি কয়
বন্দী পাঠকাদি

পূজি নারায়ণে,
বসেন ভোজনে ;
রাম কৃষ্ণ পাশে.
যথাস্থানে বসে ;
নন্দ কৃষ্ণ রামে,
সুস্বাদু ভোজনে ;
দিতেছে বাঁটিয়া,
দাসেরা আসিয়া ।
সভার ঘটন,
বাদকাগমন ;

রামকৃষ্ণে রাজ
 ক্রমে উপস্থিত
 বন্দী পাঠকাহি
 সবে বসে ক্রমে
 নন্দ রাম কৃষ্ণে
 অপূৰ্ণ শোভায়
 চক্রে উদয়ে
 দর্শক হৃদয়
 সুহাস্ত কুমুদ
 নয়ন চকোর
 রাম কৃষ্ণে কৃপা
 ভাটগণ বন্দে
 গীত সনে কর
 ধন রত্ন পায়
 সুবর্ণ গবাক্ষে
 যশোদা রোহিণী
 অধিক রজনী
 রাম কৃষ্ণে মাতা
 রামকৃষ্ণে আসি
 পৃথক্ শয়নে
 যশোদা রোহিণী
 পাঠাইলা এই
 কৃষ্ণের অধর-
 ধনিষ্ঠা দিলেন

বেশে সাজাইয়া
 সভায় আসিয়া ।
 জয় রব করে,
 আত্মা গেলে পরে ;
 ক্রোড়েতে লইয়া,
 রহেন বসিয়া ;
 উদয় অচলে,
 জলধি উথলে,
 হ'ল বিকসিত,
 হ'ল প্রমোদিত,
 হাশ্বে হর্ষ জাগে,
 পঠে অনুরাগে ;
 সূত বংশাবলী
 অঞ্জলি অঞ্জলি ;
 অট্টালিকা' পরে
 হর্ষে স্নেহে হেরে ।
 হইল দেখিয়া
 আনে ডাকাইয়া ।
 মিশ্রি দুগ্ধ পিয়া
 নিদ্রা যান গিয়া ।
 করেন ভোজন,
 দিব্যান্ন ব্যঞ্জন,
 অমৃত লুকায়ে
 তাহাতে মিশায়ে ;

মধু বলিয়াছে—	লুকায়ে উঠিয়া
কৃষ্ণ চন্দ্রশালে	আছেন বসিয়া ;
তব চন্দ্রশালে	করে নিরীক্ষণ,
অভিসারে হ'বে	কখন মিলন ।
সখী সনে রাধা	করিয়া ভোজন
চন্দ্রশালে হুয়া	করেন গমন ;
কৃষ্ণমুখচন্দ্র	করিয়া দর্শন
হন পরস্পরে	নিদ্রা নিমগন ।

রাধাশ্রাম পদ	করিয়া বন্দন,
ললিতা বিশাখা	করিয়া পূজন,
সখীমঞ্জরী	স্মরণ করিয়া
স্বরূপ বাণাজী	চরণ ধরিয়া,
রাম মিত্র দাস	লীলা কথা গায়,
যেন হরিদাস	দাসত্ব সে পায় ।

ইতি শ্রীশ্রীগৌরগোবিন্দের “অষ্টকালীন নিত্যলীলা” গীতিকায়
 “সায়াহ্ন লীলা” নামক ষষ্ঠ বিলাস সুধাধারা ।

সপ্তম বিলাস সুধাধারা ।

প্রদোষ লীলা ।

প্রদোষ—রাত্রি ৭টা হইতে ১০টা

১ । শ্রী শ্রীগৌরসুন্দরের—

[শ্রীগৌরসুন্দরের অভিসার—শ্রীবাস ভবনে গমন ।

শ্রীবাস ভবনে ভক্তগণের মিলন শোভা ।

শ্রীবাসামুনে কীর্তন]

জয় শ্রীনিমাই !

নিতাই অদ্বৈত

জয় ভক্তগণ জয় !

স্বরূপ বাবাজী

সিদ্ধ পদ ধরি

দাস লীলা কথা কয় ।

[শ্রীবাসভবনে গমন]

শ্রীগৌর শয়নে

স্মরি' অভিসার

উঠে গর গর রবে,

শ্রীবাস পণ্ডিত

ভবনে গমন

করিতে এখনই হবে ।

স্বরূপ গোসাই,

রাঘু রামানন্দ,

চলে রূপ সনাতন,

গুরুবর্গ আদি

নিতাই ভবনে

সাধক করে গমন ;

মহাপ্রভু আসি	নিতাই সহিত
মিলিয়া করে কীর্তন,	
অদ্বৈতাদি ভক্ত	পরে পরে আসি,
করিলা তথা মিলন ।	
প্রভুগণ যান	মুক্ত ভাবাবেশে
শ্রীবাস ভবন দিকে,	
কভু বা মস্থর,	কভু যান দ্রুত,
ভীত চাহি চারিদিকে ।	
শ্রীবাস-প্রাঙ্গনে	শোভে দীপাবলী,
পুষ্পমালা পত্রদল,	
বস্ত্রাদি ঘেরিয়া	চৌকি সাজাইয়া
ক রয়া পবিত্র স্থল ।	

[বাসাস্থানে কীর্তন]

মলন লীলায়	গদাধর বামে
চৌকীতে দাঁড়ান হরি ;	
দক্ষিণে নিতাই	অদ্বৈত স্মুখে,
শ্রীবাস স্বরূপ ঘেরি ।	
চারিদিকে ভক্ত,	বামে গুরুবর্গ,
সাধক বামেতে তার,	
স্বরূপের গান,	গোবিন্দ মৃদঙ্গ,
বাজিছে স্মৃতান সার ।	

প্রভু-স্তুত হেরি,	নিরবিলা গীত,
নরহরি পদ সেবে,	
ভাব অন্তে প্রভু	উঠে জনে জনে,
আলিঙ্গন দেন সবে ।	
সাধকেরা আসি	করে দণ্ডনং
করে শিরে করার্পণ,	
চন্দনে মালায়	পূজে প্রভু-অঙ্গ
ধন্য শ্রীবাস অঙ্গন !	
শুনিয়া কীর্তন	দীক্য প্রেমোন্মাদ,
হেরিয়া রূপ নাধুরী,	
গুরুবর্গ পাশে	দাঁড়িয়ে সাধক
রহিলা বাহু বিস্তরি ।	
নিমাই নিতাই	ভক্তেরে বন্দিয়া
স্বরূপ বাবাজী পূজি,	
তাঁর পদ ধরি	রাম মিত্র গায়
হরিদাস-দাসত্ব খুঁজি ।	

শ্রী শ্রী শ্যামসুন্দরের—

[শ্রীমতীর অভিসার—শ্যাম-আগমন,—শ্যাম রাই কোতুক লীলা ।
 শ্যাম-অভিসার—শ্রীমতীর গমন—শ্যাম-রাই মিলন !
 যোগপীঠে যুগল মূর্তি ।]

জয় রাধাশ্যাম
 মঞ্জরীর পদে আশ,
 স্বরূপ বাবজী
 লীলাকথা গায় দাস ।

ললিতাদি সখী,
 সিদ্ধ পদ ধরি'

[শ্রীমতীর অভিসার]

ইন্দুপ্রভা সখী
 আসি বলে রাধিকায়,—
 সঙ্কেত কুঞ্জেতে
 জানাতে আসি তোমায় ;
 ললিতাদি শুনি
 কৃষ্ণ পক্ষে নীলবাসে,
 নীলমণি ভূষা
 মৃগমদে জ্যোতিঃ নাশে ;
 শুক্রে শ্বেত বাস
 চন্দন লেপন কায়,
 নূপুর নিকন
 তুলা দিয়া বাঁধি তায় ।
 বেশভূষা হ'লে
 সুপ্ত সবে দেখে আসে,

নন্দালয় হ'তে
 শ্যাম-অভিসার
 সাজায় রাধায়
 নীলোৎপল মালা
 মল্লিকার মালা,
 রব করে দূর,
 তুলসী যাইয়া

গুপ্তধার দিয়া	প্রাণনাথে অগ্নি
চগিয়া রাধিকা আসে ।	
বাম অঙ্গ আঁখি	নৃত্য করে হর্ষে,
পদক্ষেপে পদ্য ফোটে,	
হাসিতে আলোক	যেই দিকে চায়,
পুষ্পদল ফুটে উঠে ;	
শ্রীরূপ মঞ্জরী	দাসীগণ কেহ
তাঁম্বুল সম্পুট লয়,	
কেহ বা মিষ্টান্ন	চন্দন কটোরা,
সেবা-যোগ্য দ্রব্য বয় ।	

নিকুঞ্জে প্রবেশ]

বৃন্দাবনে আসি	যমুনার জল
জানু-মান, হয় পার,	
বংশীবটে বৃন্দা	হইয়া মিলিত,
মঙ্গিনী হয়েন তাঁর ।	
কুঞ্জবন মাঝে	অষ্টমণি ভূমি,
যোগপীঠ কুম্ভাকার,	
অষ্টদল পদ্মে	চারি সিংহ ধরে,
সিংহাসন উদ্ধে তার ।	
চন্দ্রাতপ ঝোলে,	মুক্তার ঝালক
রতনে খচিত থাম,	
চত্রিত কোমল	শয্যা সুসজ্জিত,
রয় পৃষ্ঠ উপাধান ।	

[শ্যামের আগমন]

বসি কুঞ্জে তথা	প্রাণনাথ—পথ
হেরে রাই উৎকণ্ঠিত ;	
আসিছে কানাই,	ললিতা কহিছে,
হ'ও না এত ভাবিত ।	
এক সখী তবে	শ্যাম আগমন
জানাইল তথা আসি ;	
শুনিয়া শ্রীমতী	অন্য পার্শ্ব-কুঞ্জে
লুকান আনন্দে ভাসি ;	
রাধা প্রতিমূর্তি	বহু তথা রয়,
লুকাইল তার বাবে ;	
শ্রীকৃষ্ণ আসিয়া	রাধারে না হেরি
বলে কোথা রাই রাজে ?	
রাই ত আসেনি,	কুসুমচরণে
আসি মোরা—সখী কয় ;	

কৃষ্ণ—

প্রাণ-সখী-গন্ধ	পাই কেন তবে
চন্দ্র বিনা জ্যোৎস্না হয় ?	

সখী—

তার কাছ থেকে	করি অঙ্গ-স্পর্শ,
এ গন্ধ যোদের কার,	
তোমা কুল করে	বৃষভানু সূতা,
চন্দ্রাবলী নিভে তার ।	

ভাঙ্গ, আলিঙ্গন, বিবাদ সৃজন,
হয় শেষে হরষিত ।

[শ্যাম-অভিসার]

কভু শ্যাম আগে করে অভিসার,
উঠি শয্যা হতে যায়,
চক্রশালা হ'তে রাধিকা-বদন
নিরখিয়া উৎকর্ষায় ;
বুন্দাবন মাঝে সঙ্কেত নিকুঞ্জে
শ্যাম গিয়া বসি রয়,
ইন্দুপ্রভা আসি নন্দালয় হ'তে
রাধায় সে কথা কয় ;
লোক ঘুমাইলে মধু দেখি' বলে,
বাঁশরী করি গ্রহণ
উত্তরের দ্বারে হইয়া বাহির
পশে শ্যাম বুন্দাবন ।
বুন্দার আঞ্জায় মালতী আসিয়া
তখন রাধায় কয়,—
'বনে লতা পাখী শ্যাম-আগমনে
কিবা আমোদিত হয় !
তোমারে না হেরি' ভিতর বাহির
করে কুঞ্জে শ্যামরায়,
দীর্ঘশ্বাস ফেলে, কাতর হইয়া
তব তরে উৎকর্ষায় ।

ললিতা কহেন চন্দ্রাবলী আছে
যাও, শ্রাম, সেইখানে ;

কৃষ্ণ—

চারি অক্ষরে নয়, হবে তিন অক্ষরে,
শুনিয়াছি এইখানে ।

[যোগপীঠে যুগল মূর্তি]

যোগপীঠে কিবা পুণ্য বেদী পরে,
চতুষ্কোণ মন্দিরেতে,
রত্নদ্বীপ জলে, মণির কপাট,
মণিময় ভিত্তি তা'তে ;
উদ্ধে' চন্দ্রাতপ মুক্তার ঝালর,
পুষ্পপাতা সুশোভিত,
যুগল-মিলন সৌদামিনী-ঘন
করে দিক্ আলোকিত ;
চন্দ্রমা তিমির স্বর্ণ নীলমণি
একযোগে ঝলমল,
দেখি স্বর্ণশোভা সখী মঞ্জরীরা
সাধক হ'ল পাগল ।
রাধাশ্রাম পদ, সত্বঃমুক্তিপ্রদ
করিয়া শিরে বন্দন,
সখী মঞ্জরীর সিদ্ধ বাবাজীর
চরণ করি ধারণ ;

প্রেমমূর্তি রাজে,

নিধুবন মাঝে

হেরি বংশীবট মূলে,

রামদাস প্রাণ

হইবে নিৰ্বাণ

কবে গো ঘাইবে গলে ।

ইতি শ্রীশ্রীগৌরগোবিন্দের “অষ্টকালীন নিত্য-লীলা” গীতিকার

“প্রদোষ লীলা” নামক সপ্তম বিলাস সুধাধারা ॥

অষ্টম বিলাস সুধাধারা ।

নক্তকাল লীলা ।

[নক্তকাল—রাত্রি ১০টা হইতে ৪টা]

[শ্রীবাস অঙ্গনে প্রভুর কীর্তন ও নৃত্য—জলক্রীড়া—ভোজন—শঙ্কন]

১ । শ্রী শ্রীগৌরসুন্দরের—

জয় শ্রীনিমাই ! নিতাই জয় !

অদ্বৈতাদি জয় ভক্ত সমুদয় !

স্বরূপ বাবাজী চরণ ধরে !

লীলাকথা দাস আরম্ভ করে ।

[প্রভুর কীর্তন ও নৃত্য]

শ্রীবাস পণ্ডিত প্রাঙ্গন মাঝে,

গৌরঙ্গ নিতাই অদ্বৈত রাজে ;

ভক্তেরা বেষ্টিত প্রণত রয়,

যোগপীঠ মিল ভাবনা হয় ।

শ্বেদ অশ্রু কম্প পুলক ফুটে,

স্বরূপ গোসাই সঙ্গীত ছুটে ;

অরণ্য ভ্রমণ বাঁশরী ধ্বনি,

পুষ্প ছুড়াছুড়ি লীলার খনি,

মধুপান নৃত্য ক্রীড়াদি নীরে,

রাধাগাম লীলা ভাবিছে ধীরে ;

নৃত্য করি, মুখে বাজান বাঁশী,

মুদঙ্গ মন্দিরা অজ্ঞান নাশি ;

মিত্য লীলা

প্রভু নৃত্য করে, নয়ন জলে
সিক্ত ভক্তকায়, বিহ্বল চলে ;
স্বরধুনী তীরে পৌছে আসি,
হেরে গঙ্গা শোভা আমোদে হাসি,
পদ্মপুষ্পে গঙ্গা চরণ পূজে,
নামে নীরে শ্যামলীলার মজে ।

জল-ক্রীড়া

গদাধর গৌর, অদ্বৈত নিতাই,
শ্রীবাসের সাথে স্বরূপ গৌসাই ;
জল ছিটাছিটি একরূপে খেলে,
জনে জনে ভক্ত ভাবেতে গলে ।

[ভোজন ও শয়ন]

শ্রীবাস উদ্যানে আসিল সবে,
বেদীতে বসিল প্রভুরা তবে ;
কুঙ্কুম চন্দন লেপন হয়,
স্বর্ণহার মালা ভূষা পরয়,
বগ্ন ফল, মিষ্ট, শ্রীবাস তুষি'
চালার রকেতে খাওয়ান বসি ;
প্রভুর ভক্ত আহার সারি'
সাধকে খা'য়ান প্রসাদ তারই ;
তাঘুলাদি সেবা হইলে পর,
বিশ্রমিছে বসি পালক'পর ;

নিত্য লীলা

সাধক দাসেরা বীজন করে :

পদ সেবে কেহ চামর ধরে ;
শোন প্রভু তিন আপন ঘরে,
স্বরূপাদি শোন বারাণ্ডা ধারে ;
সাধক গুরুর শ্রীপদ সেবে,
বক্ষে ধরি পদ বিশ্রাম লভে ।
তিন প্রভু পদ বন্দন করি'
শ্রীবাস স্বরূপ চরণ স্মরি',
রূপ সনাতন শ্রীপদ ভাবি,
স্বরূপ বাবাজী চরণ সেবি'
রাম মিত্র দাস এ গীত গায়
যেন হরিদাস-দাসত্ব পায় ।

নিত্য লীলা

২। শ্রীশ্রীশ্যামসুন্দরের —

[যোগপীঠে যুগল-মিলন—নিকুঞ্জ শোভা—ক্রীড়া। যমুনা পুলিনে—
রাসলীলা—শ্রীমতীর নৃত্য—শ্যামের নৃত্য—সখীদের নৃত্য।
মধুপান—মণিচুরি—পদসেবা—বিশ্রাম।]

জয় রাধারানী শ্যামের জয় !

সখী মঞ্জরীর জয় ভক্তচয় !

স্বরূপ বাবাজী চরণে আশ

ধরি লীলা-কথা লিখিছে দাস

[যোগপীঠে যুগল-মিলন]

রাধাশ্যাম শুয়ে পালঙ্ক পরে,

পদ স্পর্শে দাসী জাগ্রত করে ;

দৌহা অপরূপ রচিল বেশ,

ঝলমল মণিমুক্তা অশেষ ।

কেশে পত্রাবলী সিন্দূর বিন্দু,

কস্তুরী চন্দন ললাটে ইন্দু ।

অলকা তিলক নাসিকা ভালে

কঙ্কলিকা হার দোলায় গলে ।

যোগ পীঠাসনে দাঁড়ান পদে,

অষ্টদলে সখী যুগল মধ্যে ;

উপদলে পাশে মঞ্জরী রয়,

অনঙ্গের স্থান গুরুর হয়,

সাধক বামেতে, কেশরে অষ্ট

দলাগ্রে শ্রীবৃন্দা ভাবিছে ইষ্ট ।

নিত্য লীলা

বৃন্দা পুষ্পমালা শ্রীঅঙ্গে দেন,

বদনে তাশুল করে প্রদান ;

সখী পর পর চন্দন পায়,

আজ্ঞা ল'য়ে দাসী গুরু সাজায় ;

ললিত ত্রিভঙ্গে দাঁড়াল কান্নু

রাধা মুখ হেরি বাজাল বেণু ;

ষড়ঋতু বন বিহার কথা,

জল লীলা বেণু গাইছে তথা ;

বিপুল সে তান চৌদিক পূরে,

চরাচর শুনে প্রেমতে ভরে ।

কল্পতরু মূল পীঠের ধার,

এ পীঠমন্দিরে চারিটা দ্বার ;

চারিদ্বারে কক্ষ চারিটা রয়,

চারি কক্ষে বেদী চারিটা হয় ;

মাধবী মল্লিকা মালতী যুথী,

কুঞ্জ গঠে লতা ছত্র-আকৃতি,

শয়ন ভোজন দ্যুতাদি খেলা,

ওই ঘরে হয় সকাল বেলা ;

কল্পতরু দেয় ঋতুর ফল,

সেবা করে পশু পাখী সকল ।

। নিকুঞ্জ শোভা ।

ষোল মঞ্জরীর ষোলটা কুঞ্জ,

আছে পাশে ফলফুলের পুঞ্জ ;

নিত্য লীলা

সুগল বেড়ান দেখিয়া শোভা,
বৃন্দাবনরূপ হৃদয়-লোভা ;
পৃথিবী ধরিছে চরণ চিহ্ন,
ভ্রমর গাঁজিছে না ভাবি' অশ্রু ;
পত্র ফাঁকে ফাঁকে চন্দ্রিকা পড়ে,
চিত্রিত আসন ভূমিতে গড়ে ;
কন্দর্প এ বন-নৃপতি হয়,
চন্দ্রাতপ-ছিদ্রে চন্দ্রমা রয় ;
মালতী যুথিকা বাতাসে নাচে,
যেন চলে গায় আসিলে কাছে ;
দাড়িম্ব কুমুম সিন্দূর যেন,
বনদেবী সি থি সাজায় হেন ।
শুক হরিতাল ভারুই পাখী,
রাসলীলা গায় থামিয়া থাকি ;
শ্রাম কম্ব ভূমি আমার তনু,
নীলবর্ণ রক্তচন্দন রেণু ।
রাই কম্ব—লতে, রোদন কর,
পুষ্প মধুধার বরায় দর ;
রাই কন,—লতে, এখন হাস',
অমনি কোরক হয় বিকাশ ;
লতায় লতায় জড়ায় ধরি,
নমে কভু আসি চরণে পড়ি ;
স্বরগ অমরা নন্দন ফুল,
ফুটেছে এখানে করিয়া ভুল ;

নিত্য নীলা

এ লতা কুসুমের নারদ' পূজে,

ব্রহ্মা শিব মুগ্ধ এখানে ভজে ।

[ক্রীড়া ।

পুষ্প-বাটিকায় বিশ্রমে আসি,

রাই ফুল ল'তে হয় উল্লাসী ;

শাখা উচ্চ, ফুল না পেয়ে তায়,,

শ্রাম মুখপানে কাতর চায় ।

নামায়ে শাখাটী ধরিল নাথ,

রাই ধরি তায় বাড়ায় হাত ;

তবে শাখা ছাড়ি কানাই দেয়.

রাইয়ে ল'য়ে শাখা উঠিয়া যায় ;

ঝুলিতে লাগিল রাধায় হেরি'

নামিতে না পারে, হাসিছে হরি ।

ললিতা আসিয়া রাধায় ধরে,

হেনমতে খেলি চয়ন করে ।

হেনকালে সিংহ গর্জিল ঘন,

ভয়ে করে শ্রামে ছ'করে বেষ্ঠন ;

শ্রাম কন,—সিংহে কিসের ভয়

তব কটি হেরে পালাবে নিশ্চয় ।

শ্রাম বক্ষে ধরে, রাইয়ের শোভা

নব জলধরে বিজুরী কিবা !

এ শোভা হেরিয়া ময়ূর নাচে,

কেকা গায়, পুচ্ছ বিস্তারি পাছে ;

নিত্য লীলা

সখীগণ হেরি সুদূর হ'তে

“জন্ম রাধাশ্রাম” লাগে ধ্বনিতে ।

[যমুনা পুলিনে]

যমুনার তীরে ঝুলন কুঞ্জ,

আসিয়া মিলিছে সখীর বৃন্দ ;

যোগপীঠ হ'তে যমুনা পথ,

চারিটী চাকু রয় মনোমত ।

পুলিন দু'পাশে দুইটী বুজ্জা,

স্বর্ণমণি সিঁড়ি বন্ধন সজ্জা ;

তীরেতে বাটিকা লতায় ঘেরা,

জলক্রীড়া দ্রব্য সমূহ ভরা,

ঘাস অলঙ্কার চন্দন শম

শৃঙ্গারের সাজ আছে সুরম ।

নীলবর্ণ যেন যমুনা জল

নীলাশ্বরে ঘেরে বন ভূতল,

সাজায়ে সেখানে আরতি করি,

বংশী বটমূলে আসিল হরি ;

বেদী পরে উঠি ত্রিভঙ্গ ঠামে,

বাঁশরী বাজিল কম্পিত তানে ;

যমুনা তরঙ্গ উথলি উঠে,

কমল অঞ্জলি চরণে ফুটে,

শ্রামল বদন যমুনা দেবী.

করাদি তরঙ্গ, হাস্য কোমুদী,

নিত্য লীলা

চকাচকী আঁখি পুলিন হৃদয়,
সারস ধ্বনিতে নূপুর হয় ।
বৃন্দাভূমি ভালে তিলক পুলিন,
সব হাশ্রময় নহে মলিন ।
পরে পরে সখী ধরিলা কর,
বাঁশরী বাজায় মাঝে বংশীধর ;
বৃন্দাজী বাজান মৃদঙ্গ প্রেমে,
যত সখী আসে দ্রুত গমনে ;

[রাস-লীলা]

রাধাশ্রাম মাঝে, মণ্ডলী বাঁধে.
প্রথমে যুগল, ছ'য়ে সখী সাজে,
তিনে বৃন্দা আদি বাদিকাগণ,
শ্রাম পদে করে চক্র চালন ;
বাজায় বাঁশরী ঢালিয়া মধু,
মণ্ডলেতে ঘোরে হইয়া বঁধু ;
রাধা ছাড়ি বামে সখীরে লয়,
তৃতীয় মণ্ডলে উদয় হয় ;
প্রতি গোপী পাশে ভ্রমণ করি,
পুনঃ রাই পাশে আসেন হরি ;
বাম কর কভু রাইয়ের কাঁধে,
কভু সখী জনে সে করে বাঁধে ;
বাঁশরী দক্ষিণে অধরে বাজে
চক্রে চক্রে ঘোরে বড় অনুরাগে ।

খামায়ে সে নৃত্য যমুনা পারে
 যান, আসি নাচে পুনঃ এ ধারে ;
 ক্রমে নৃত্য খেলা মোহিত সবে,
 দেবী মিলে সখী সহিত তবে ।
 মৃদঙ্গ সুবীণা ররাব বাজে,
 বৃহৎ মণ্ডলে সখীরা সাজে,
 মহারাস খেলা হইল সেই,
 স্থান নাই তথা শ্রীকৃষ্ণ বই ;
 জনে জনে পাশে বাজায় বাঁশী,
 পুঞ্জ পুঞ্জ বর্ষে কুসুমরাশি,
 বাজিছে নূপুর কুণ্ডল দোলে,
 কঙ্কনের ধ্বনি ভ্রমর ভোলে ।
 প্রতি জন ভাবে আমারই নাথ,
 নাচে গায় খালি আমারই সাধ ।
 অঙ্গকান্তি দ্যুতি ছড়ায় পড়ে,
 চন্দ্র নীল শোভা কানন ধরে ।
 অতি শ্রম হ'লে কানাই থামি
 কন—রাই ! নাচ' দেখিব আমি

[শ্রীমতীর নৃত্য !

“শুনি নাগরের বাণী নাগর মোহিনী
 কতই ভাবেতে নাচে গ্রাম-সোহাগিনী ;
 কিবা হস্ত দেহ গতি পদের চালনি,
 কিবা সে নয়নভঙ্গি ক্রধনু নাচনি,
 কিবা সে অঙ্গের শোভা গলিত উড়নী,

মিত্য লীলা ।

খসেছে অঙ্গ বসন এলায়েছে বেণী,
 কত তালে কত নাচে ভুবনমোহিনী
 সে শোভা দেখিয়া সুখী নাগর গুণমণি ;
 হাসি শ্যাম বলে রাই-চিবুকেতে ধরি
 যেমন বলি নাচ তেমনি, প্রাণেশ্বর !
 বিষম সঙ্কট তালে বাজাব' বাঁশরী,
 ধনু অঙ্ক মাঝে নাচ' বুঝিব কিশোরী ।
 না হ'বে ভূষণ ধ্বনি না নড়িবে চীর
 দ্রুতগতি চরণে না বাজিবে মঞ্জির,
 জ্বিনিলে তোমারে দিব মোহন মুরলী,
 হারিলে কাড়িয়া লব বেশর কাঁচলী ।
 যেমন বলে শ্যাম তেমন নাচে রাই,
 ইতি উতি চাই' শ্যাম বাঁশীটী লুকায় ;
 সুখী বলে রাধার জয়, নাগর হারিল
 সকলে কয়, গোপীমণ্ডল হাসিল ।

স্বৈচ্ছায় রাধিকা ভঙ্গীতে নাচে,

নাগর যাহাতে আনন্দে হাসে,
 করের কম্পন, জনেত্র চলে,

নিরব নুপুর কভু বা বলে,
 সাধু যেন রাধা চরণ ছুঁয়ে

গদ গদ স্বরে ভজন কহে ;
 ভাঙ্গিতে রাধার নর্তন তাল,

হুর্জয় বাঁশরী বাজায় গাল,

সে রবে পৃথিবী ছাড়িয়া উঠে
 শূণ্ণে নাচি, নামে শ্রাম স্মুখে ;
 শূণ্ণেতে ঘূর্ণিত দেখে সে নৃত্য
 গুঞ্জমালা গলে দিলেন কৃষ্ণ ।
 থামিলে রাধিকা বৃন্দাদি বলে,
 শ্রাম এবে তোমা নাচিতে হবে ;
 রাধা বলে, তালে বাজাব' বাঁশী,
 নাচ এসে শ্রাম দেখাও আসি ।
 তেমন নাচ' শ্রাম গুণমণি,
 যে নাচনে নুপুর চার যেন ননী ।”

[শ্রামের নৃত্য]

“শুনি গোপীদের বাণী গোপিকাবল্লভ,
 বাঁশী বাজাইয়া নাচে জগতে দুর্লভ ।
 ললিতা ললিতে কর, ললিত মাধব,
 ললিত কলিতে নাচ ললনা বল্লভ ;
 বিশাখা বিনয়ে কর, বিনোদ বিহারী,
 বিজন বিপিনে নাচ' বিনোদ নাগরী ,
 চিত্রা কহে চিত্তহারি, চতুর চূড়ামণি,
 চরণ চালন দেখাও চমক চাহনি ;
 ইন্দুরেখা ইঞ্জিতে কর, হে ইন্দুবদন,
 ইন্দুমুখে হেসে হর' ইন্দুমুখী মন ;
 চম্পক লতিকা কহে চঞ্চলা জীবন
 চম্পক পরাব' কর চমৎকার মন ;

রঙ্গদেবী কহে রঙ্গে রঙ্গভরা কথা,
 রমণ ভঙ্গিতে নাচ' রতিরণ গাঁথা ;
 তুঙ্গবিদ্যা কহে তুঙ্গ তালেতে নাচিয়া,
 তরঙ্গ তোলহ' নৃত্যে তুণ্ড কাঁপাইয়া ;
 সুদেবী কয়ে শুন সুরত রতন,
 সুন্দর নর্তন সুখে কর' সুদর্শন ;
 মঞ্জরী সাধক দাসী সবে মিলে কয়,
 নাচ' আমাদের মাঝে গাব' তব জয় ।
 রাধা কন মৃদুহাসি শ্রাম কর ধরি,
 আমি যেই বলি তেঁই নাচ' বংশীধারী !
 উৎকৃষ্ট তালেতে আমি পাবিকা বাজাব,
 একাক্ষরে নাচ নাগরালি ত জানিব ;
 না নড়িবে গণ্ডমুণ্ড নয়নের পল,
 না নড়িবে নাসামোতি শ্রবণে কুণ্ডল,
 না নড়িবে ক্ষুদ্রঘটি নৃপুর কলাই,
 না নড়িবে বনমালা বুঝিব বড়াই ।
 ললিতা বাজায় বীণা বিশাখা মৃদঙ্গ,
 সপ্ত-সুরা চিত্রা গায় রাই দেখে রঙ্গ
 তুঙ্গবিদ্যা কোবিলাস তাম্বুরা রঙ্গদেবী
 ইন্দুরেখা পিনাক বাজায় মন্দিরা সুদেবী ;
 চম্পক লতিকা তালে দেয় করতালি,
 নানা তালে মানে নাচে সখা বনমালী ।
 নানা বাণ্ড নানা গান করে সখী মিলি,
 নয়নভঙ্গিতে কয়, জান্বে নাগরালী,

উদ্ভট তালেতে যদি হার' বনমালী,
 চূড়া বাঁশী কেড়ে নিব' দিব করতালি,
 জিনিলে রাইরে দিব', মোরা হব দাসী,
 হারলে কয়েদ ফাঁসি গোপিকার হাসি ।"

সখীদের নৃত্য

নাচিছে নাগর দেখিছে রাই ,
 কপোল কুণ্ডল নাচিছে তায় ;
 বস্মবিন্দু সারি কপালে শোভে,
 অঞ্চলে মুচিছে ভুলিয়া লোভে,
 হাত ধরাধরি শ্রীরাধাশ্যাম,
 নাচে কি সুন্দর নয়নাভিরাম,
 মন্দিরা মৃদঙ্গ বীণার রব,
 বেড়ি ঘেরি, সখী নাচিছে সব ;
 ক্ষিতিতে চরণ, ধনুক পীঠ,
 কেশ চুমে ভূমি, ছিলাটা ঠিক,
 কঙ্কণ ঝঙ্কার ছাড়িছে বাণ,
 ফুল ছুড়াছুড়ি হয় সন্ধান,
 মালা গলে গলে পরায় খুলি,
 স্কন্ধে গলে কর জড়ায় গলি ;
 কখন ভূমিতে রাখিয়া কর,
 উপরে চরণ নাচে বিস্তর ;

নিত্য লীলা

কভু একপদ করেতে রাজে,
 প্রজাপতি শিখি পালায় লাজে ;
 কেহ পদ্ম-কোষ নাচেতে হয়
 কেহ অঙ্কচন্দ্র যেন দেখায়,
 পতাকা উড়ায় কেহ বা ঠাটে,
 মৃগশিরা হ'য়ে কেহ বা উঠে ;
 সখীদের হেন নর্তন হেরি'
 নিজ মালা গলে দিলেন হরি ।
 বসিলা সবাই, চামর ধরে,
 ব্যজন বীজন দাসীরা করে ;
 সাধক দাসীরা সে নৃত্য শিখে,
 রাধাশ্রাম তাহা ডাকিয়া দেখে ;
 যুগল কণ্ঠের প্রসাদী মালা,
 সার্থক সাধক পেলে সে বেলা !
 চারিযন্ত্র ছয় রাগ ছত্রিশ রাগিনী,
 সপ্তস্বর বাইশ শ্রুতি মূর্ছনা চৌমণি,
 মূর্ত্তিমান যন্ত্রে কণ্ঠে নহে উচ্চারণ
 ব্রজনারী স্বতঃসিদ্ধ এ সব বাদন ।

[মধুপান]

রাধা শ্রাম যুগ্ম কাঁধেতে ধরে
 পাবিকা রাধার বাঁশী কান্ন করে,
 শ্রাম রাইগুণ গাইছে যথা,
 রাই শ্যামগুণ পূরিছে তথা

রূপ গুণগান হয় অশেষ
 ফুল বরিষণ তার বিশেষ ;
 স্বর্ণ কটরায় পুষ্প মধু আনি
 ধরে বৃন্দা বিশ্ব পড়ে হুথানি ।

শ্যাম—

মধুতে পড়ে যে চন্দ্রমা আগে,
 খাব কি ? কলঙ্ক লাগিবে আগে ;

বৃন্দা—

কলঙ্ক ছানিয়া দিতেছি লও,
 দন্তে চন্দ্রমারে পিষিয়া খাও ;
 রাই করে দেয় চোষক, মধু
 রাধা খাওয়াইছে নাগর বঁধু,
 শ্যাম খাওয়াইছে রাইয়েরে বেড়ি
 প্রসাদ সখীরা করে কাড়াকাড়ি ;
 মোদক লড্ডুক আহার হয়,
 স্থলিত বচন গলিত কায় ।

[মণি চুরি]

বহু রূপ শ্যাম করিয়া নাশ,
 একরূপে বসে রাধার পাশ ;
 মধুতে বিহ্বল, কণ্ঠের মালা
 গিয়া পৃষ্ঠে ঝোলে ঘুরিয়া গলা ;
 বলেন কোস্তভ হরিলি মোর,
 ও ললিতে, বুঝি এ কাষ তোর ?

না আমি না, ও বিশাখা হরে,
 দাও মনি মোর বলিছে তারে ।
 সখী জনে জনে খুঁজিল মনি,
 না পাই বিষাদে বসে, অমনি
 গলদেশে মালা বক্ষেতে আসে,
 মনি পেয়ে হেসে উঠে হরষে ;
 মিছা চোর নিন্দা সখীরা বলে,
 দণ্ডিব তোমায় চল তা' হলে,
 রাধারাগী কাছে কয়েদ হ'বে,
 দিনরাত সেথা আটক রবে ।
 কভু ষমুনার সলিল খেলা,
 করে শ্যাম রাই বিশ্রাম বেলা ।

[পদ-সেবা]

যোগপীঠে পশ্চিমদ্বারেতে আসি
 মন্দিরেতে সবে বসেন হাসি ;
 নানা খাণ্ড ফল ভুঞ্জিয়া পরে
 শুবর্ণ পর্য্যঙ্কে শয়ন করে ;
 শ্যাম-পদ সেবে ললিতা তবে
 বিশাখা রাধার চরণ সেবে ;
 চরণ চিহ্নাদি দর্শন করে,
 অরুণিমা আভা হৃদয়ে ধরে,
 শিরে করে, ভ্রাগ নাসায় লয়,
 চুমিছে কখন, বক্ষে করি রয় ;

রোমাঞ্চ অর্ঘ্য, নৈবেদ্য বক্ষে
 অশ্রু আচমন, তাম্বুল বাক্যে ;
 অঙ্গুলির ছাতি আরতি করে,
 নখকান্তি পঞ্চপ্রদীপ ধরে,
 কঙ্কণের রুণু হয় বাদন,
 পঞ্চাচারে পদে করে পূজন ।

[বিশ্রাম]

সুখে শ্যাম রাই নিদ্রা মগন,
 সেবে যথাযোগ্য করি যতন ।
 রাধাশ্যামে সেবি সার্থক দাসী
 সখী মঞ্জরীরে সেবিছে আসি,
 গুরুদেবী পদে পরেতে সেবে
 বক্ষে ধরি কুঞ্জে নিদ্রিত তবে ।

যুগল চরণ বন্দন করি,
 সখী মঞ্জরীর চরণ স্মরি ;
 গুরু মঞ্জরীর শ্রীপদ ভাবি
 স্বরূপ বাবাজী চরণ সেবি'
 কবে রাম মিত্র পরাণ যাবে
 কুঞ্জহারী-দাস-দাসত্ব পাবে ।

ইতি শ্রীশ্রীগৌরগোবিন্দের “অষ্টকালীন নিত্যলীলা”
 ‘নন্দকাল লীলা’ নামক অষ্টম বিলাস সুধাধারা ।

শ্রীকৃষ্ণার্পণমস্ত

